

九云梦

金万重

文硕阁

wenshuoge.com

目录

关于我们	3
卷之一	5
卷之二	14
卷之三	27
卷之四	41
卷之五	51
卷之六	62

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

卷之一

卷之一

莲花峰上大开法宇

性真上人幻生杨家

天下名山曰有五焉：东曰“东岳”，即泰山；西曰“西岳”，即华山；南曰“南岳”，即衡山；北曰“北岳”，即恒山。中央之山曰：“中岳”即嵩山。此所谓五岳也。五岳之中，惟衡山距中土最远。九疑之山在其南，洞庭之洲经其北，湘江之水环其三面，若祖宗俨然中处，而子孙罗立而拱揖焉。七十二峰，或腾蹕面矗天，或崱（山加辟）而截云，如奇标俊彩之美丈夫，七窍八骸皆秀丽清爽，无非元气所钟也。其中最高之峰曰“祝融”、曰“紫盖”、曰“天柱”、曰“石廩”，曰“莲花”——五峰也。其形擢竦，其势陟高云掩其直面，霞气藏其半腹，非天气廓扫日光晴朗，则人不能得其彷彿焉。昔大禹氏治洪水登其上，立石记功德，天书云篆，历千万古而尚存。秦时仙女卫夫人，修练得道，受上帝之职，率童仙玉女，来镇此山，即所谓南岳卫夫人也。盖自古昔以来，灵异之迹，环奇之事，不可殫记。唐时有高僧自西域天竺国入中国，爱衡岳秀色，就莲花峰上，结草庵以居，讲大乘之法，以教众生，以制鬼神。于是西教大行，人皆敬信，以为生佛复生于世，富人荐其财，贫者出其力，铲叠嶂架绝壑，鸠材僦倖工，大开法宇，幽直寥阒，腾概万千。杜工部诗所谓“寺门高开洞庭野，殿脚插入赤水湖。五月寒风冷佛骨，六时天乐朝香炉。”四句已尽之矣。山势之杰，道场之雄，称为南方之最。其和尚惟手持金刚经一卷，或称“六如和尚”，或称“六观大师”，弟子五六百人中，修戒得神通者，三十余人。有小阇利名“性真”者，貌莹冰雪，神凝秋水，年仅二十岁。三藏经文无不通解，聪明知慧，卓出诸髡，大师极加爱重，将欲以衣钵传之。大师每与众弟子讲论大法，洞庭龙王化为白衣老人，来参法席，味听经文。

一日，大师谓众弟子曰：“吾老且病，不出山门已十余年，今不可轻动矣。汝辈众人中，谁能为我入水府，拜龙王，替行回谢之礼乎？”性真请行。大师喜而进之，性真着七斤之袈裟，曳六环之神筴，飘飘然向洞庭而去。俄而守门道人告于大师曰：“南岳卫真君娘娘送八介女仙，已到门矣。”大师命召之。八仙女次第而入，周行大师之座，至三回乃已，以仙花散地讫，跪传夫人之言曰，“上人处山之西，我则处山之东，起居相近，饮食相接，而贱曹多事，使我苦恼尚未得一造法座，稳听玄谈。处仁之智蔑矣，交邻之道关矣。兹送洒扫之婢，敬修起居之礼，兼以天花仙果七宝纹锦，以表区区之诚。”遂各以所领花果宝贝，擎进于大师，大师亲受之，以授侍者，供养于佛前，屈身而礼，叉手而谢曰：“老僧有何功德？荷此上仙之盛愧？”仍设斋以待八仙。于其归，致敬谢之意而送之。

八仙女同出山门，携手而行，相议曰：“此南岳无山。一丘一水无非我家境界，而自和尚开道场之后，便作鸿沟之分，莲花胜景在于咫尺，而未得探讨矣。今者吾侪以娘娘之命，幸到此地。且春色正妍，山日未暮，趁此良辰，陟彼崔嵬，振衣于莲花之峰，濯纓于瀑布之泉，赋时而吟，乘兴而归，夸张宫中之诸姊妹，不亦快乎？”皆曰：“诺”，遂相与缓步而上。俯见瀑布之源，缘崖而行，遵水而下，少憩于石桥之上。

此时正当三月也，林花各绽，紫霞葱笼，望之如展锦绣之色。谷鸟争鸣，娇音宛转，闻之如奏管弦之曲。春风使人怡荡，物色挽人留连。八仙女油然而感，怡然而乐。踞坐桥上，俯瞰溪流，百道流泉汇为澄潭，清冽莹澈，如挂广陵新磨之境。翠蛾红妆，照耀水底，依稀然一幅美人图，新出于龙眠手下也。自爱其影，不忍即起，殊不觉夕照度岭，暝霭生林也。

是日性真至洞庭，劈琉璃之波，入水晶之宫。龙王大悦，出迎于宫门之外，延入殿上，分席而坐。性真俯伏奏大师遥谢之言。龙王恭己而听之，遂命设大宴而接之。珍果仙菜，丰洁可口。龙王亲自执酌，以劝性真。性真固让曰：“酒者伐性之狂药，即佛家大戒，贱僧不敢饮也。”龙王曰：“释氏五戒中禁酒，予岂不知？寡人之酒，与人间狂药大异，且只能制人之气，未尝荡人之心。上人独不念寡人勤恳之意耶？”性真感其厚眷，不敢强拒，乃连倒三卮，拜辞龙王，出水府，御冷风，向莲花而来。至山底，颇觉酒晕上面，昏花糊眼，自讼曰：“师父见满颊红潮，则岂不惊怪而切责乎？即临溪而坐，脱其上服，掇风于晴沙其上，手掬清波，沃其醉面。忽有异香，捩鼻面迪，既非兰麝之薰，亦非花卉之馥，而精神自然震荡，鄙吝倏尔消烁，悠扬荏弱，不可形喻。乃自语曰：“此溪上流有何样奇花，郁烈之气泛水而来耶？吾当往而寻之。更整衣服，沿流而上。”

此时八仙女尚在石桥之上，正与性真相遇。性真舍其杖锡，上手而礼曰：“金女菩萨，俯听贫僧之言：贫僧即莲花道场六观大师弟子也，奉师之命下山而去，方还归寺中矣。石桥甚狭，菩萨各坐，男女恐不得分路，惟愿金菩萨，暂移莲步，特借归路。”八仙女簪拜曰：“妾等即卫夫人娘娘侍女也，承命于夫人，问候于大师，归路适少留于此矣。妾等闻之，礼云：‘于行路，男子由左而行，妇女由右而行。’此桥本来偏窄，妾等且已先坐，今遭人从桥而去，于礼不可，请别寻他路而行。”性真曰：“溪水既深，且无他径，欲行贫僧从何处而行乎？”仙女等曰：“昔达摩尊者，乘芦叶涉大海。和尚若学道于六观大师，则必有神通之术，涉此小川何难之有？而乃与儿女子争道乎？”性真笑而答曰：“试观诸娘之意，必欲索行人买路之钱也！贫寒之僧本无金钱，适有八颗明珠，请奉献于诸娘子，以买一绵之路。”说罢，手持桃花一枝，以掷于仙女之前，四只绛萼化为明珠。祥光满地，瑞彩烛天，若出于海蚌之怀胎。八仙女各拾取一介，顾向性真，粲然一笑，竦身乘风腾空而去。性真伫立桥头，掩首远望良久，云影始灭，香风尽散，惘然如失，怊怅而归，以龙王之言复于大师。大师诘其晚归，对曰：“龙王待之甚款，挽之甚恳，情礼所在

，不敢拂衣而即出矣。”大师不答，使之退休。

性真来到弹房，日已曛黑。自见仙女之后，嫩语娇声，尚留耳旁。艳态妍姿，犹在眼前。欲忘而堆忘，不思而自思。神魂恍惚，悠悠荡荡，兀然端坐，默然于心曰：“男儿在世，幼而读孔孟之书，壮而逢尧舜之君，出则作三军之帅，入则为百揆之长，着锦袍于身，结紫绶于腰，揖让人主，泽利百姓。目见娇艳之色，耳听幻妙之音，荣辉极于当代，功名垂于后世，此固大丈夫之事也。哀找佛家之道，不过一盂饭、一瓶水、数三卷之经文、百八颗之念珠而已。其德虽高，其道虽幻，寂寥太甚矣，柿淡而止矣。假今悟上乘之法，传祖师之统，直坐于莲花台上，三魂九魄一散于烟焰之中，则夫孰知一介性真生于天地间乎？”思之如此，念之如彼，欲眠不眠，夜已深矣。霎然合眼，则八仙女忽罗列于前矣，惊悟开睫，已不可见矣。遂大悔曰：“释教工夫，正心志，斯为上行矣。我出家十年，曾无半点苟且之心。邪心忽发，今乃如此，岂不有妨于找之前程乎？”遂自热梅檀，跌坐蒲团，振励精神，轮尽项珠。方静念千佛矣，忽然有一童子，立窗外呼之曰：“师兄着寝否？师父命召之矣！”性真大愕曰：“深夜促召必有故也！”仍与童于忙诣方丈。大师集众弟子，俨然正坐。威仪肃肃，烛影煌煌。乃厉声责之曰：“性真汝知汝罪乎？”性真颠倒下阶，跪而对曰：“小子服事师父十阅春秋，而曾未有毫发不恭不顺之事，诚愚且昏，实不知自作之罪。”人师曰：“修行之功其目有三；日身也，日童也，日心也。汝往龙宫，饮酒而醉归。到石桥邂逅女子，以言语酬酢，折赠花枝，与之相戏。及其还来，且尚缱绻。初既蛊心于美色，旋且留意于富贵，慕世俗之繁华，厌佛家之寂灭。此三行工夫，一时坏了，其罪固不可仍留于此地也！”性真叩头泣诉曰：“师乎！师乎！性真诚有罪矣！然自破酒戒，因主人之强劝，而不获已也。与仙女酬酢言语，只为借路，本非有意，有何不正之事乎？及归禅房，虽萌恶念，一刹那间，自觉其非，惕狂心之走作，蔼善端之自发，咋指追悔，方寸复正，此儒家所谓：‘不远而复’者也。苟使弟子有罪，则师父挞楚儆戒，亦教诲之一遭，何必迫而黜之，俾绝自新之路乎？性真十二岁弃父母、离亲戚，依归师父，即剃头发，言其义，无异生我育我。语其情，所谓无子有子，父子之恩深矣！师弟之分重矣！莲花遭场，即性真之家。舍此何之？”大师曰：“汝欲去之，吾令去之，汝苟欲留，谁使汝去乎？且汝自谓曰汝何去乎。汝所欲往之处，即汝可归之所也。”仍复大声曰：“黄巾力士安在？”忽有神将自空中而来，俯伏听命。大师吩咐曰：“汝领此罪人往酆都，变付于阎王而回。”性真闻之肝胆堕落，涕泪进出，无数叩头曰：“师父！师父！听此性真之言。昔阿兰尊者，入娼女之家，与同寝席，失其操守，而释迦大佛不以为罪，但设法而教之。弟子虽有不谨之罪，比之阿兰，犹且轻矣，何必欲进于酆都乎？”大师曰：“阿兰尊者，未制妖术。虽与娼物亲近，其心则未尝变矣。今汝则一见妖色，全失素心。婴情冕绶，流涎富贵。其视于阿兰也何如？”汝罪如此，一番轮回之苦，乌得免乎？”性真惟涕而已，顿无行意。大师复慰之曰：“心苟不洁，虽处山中，道不可成矣。不忘其根本，虽落于十丈狂尘之间，毕竟自有税驾之处。汝必欲复归于此，则吾当躬自率来。汝其勿疑而行。”

性真知无可奈何，拜辞于佛像及师父，与师兄弟相别，随力士而归。入阴魂之关，过望乡之台，至酆都城外。守门鬼卒问其所从来。力士曰。“承六观大师法旨，领罪人而来矣。”鬼卒开门而纳之，力士直抵森罗殿，以押来性真之意告之。阎王使之召入，指性真而言曰。“上人之身，虽在子南岳山莲花之中，上人之名，已载于地藏玉香寨之上矣。寡人以为上人得成大道，一升莲座，则天下众生，必将普梭阴德矣。今乃何事，辱至于此乎？”性真大惭。良久乃告曰：“性真无状，曾遇南岳仙女于桥上，不能制一时之心，故乃以得罪于师父，待命于师父矣。”阎王使左右上言于地藏主曰：“南岳六观大师使黄巾力士押送其弟予性真，要令冥司论罪。而此与他罪人自别，敢仰禀矣。”菩萨答曰：“修行之人一往一来，当依其所愿，何必更问？”阎王方欲按决矣，两鬼卒又告曰：“黄巾力士以穴观大师法命，领入罪人来到于门外矣。”性真闻此言大惊矣。

阎王命召罪人。南岳八仙女匍匐而入，跪于庭下。阎王问曰：“南岳八仙，听我言也：仙家自有无穷之胜概，自有不尽之快乐，何为而到此地耶？”八人含羞而对曰：“妾等奉卫夫人娘娘之命，修起居于六观大师。路逢性真小和尚，有问答之事矣。大师以妾等为玷污丛林之静界，移牒于卫娘娘府中，拉送妾等于大王。妾等之升沈苦乐，皆悬于大王之手，伏乞大王大慈大悲，使之再生于乐地。”阎王定使者九人，招之前，密密吩咐曰：“率此九人遵往人间！”言讫，大风倏起于殿前，吹上九人于空中，散之于四面八方。性真随使者，为风力所驱，飘飘摇摇无所终，薄至于一处，风声始息。两足已在地上矣。

性真收拾惊魂，举目而见之，则苍山盎盎而四围，清溪曲曲而分流，竹篱茅屋，隐映草间者，仅十余家。数人相对面立，私相语曰：“杨处士夫人五十后有胎候，城人闻稀罕之受矣。临产已久，尚无儿声，可怪可虑！”性真默想曰：“今者我当轮生于世，而顾此形身，只个精神而已，骨肉正在莲花峰上，已火烧臭。我以年少之故，未畜弟子，更有何人收拾我舍利？思量反覆，心切凄怆。俄而使者出，挥手招之言曰：“此地即大唐国淮南道秀州县也。此家即杨处士家也。处上乃汝父亲，其妻柳氏乃汝慈母也。汝以前生之缘，为此家之子。汝须速入，母失吉时！”性真即入，则处士载葛巾，穿野服，坐于中堂，对炉煎药，香臭霭霭然袭衣。房内隐隐有妇人呻吟之声矣。使者促性真入房中，性真疑虑逡巡，使者自后推挤。性真蹶然仆地，神昏气窒，若天地翻覆之中者然。性真大呼曰：“救我！救我！”而声在喉间，不能成语，只作小儿啼哭之声矣。侍婢走告于处士曰：“夫人诞生小郎君矣！”处士奉药碗而入，夫妻相对，满面欢喜。性真饥则饮乳，饱则止哭。当其初也，心头尚记莲华遭场矣。及其渐长，知父母之恩情，然后，则前生之事，已茫然不能知矣。处士见其儿子骨格清秀，抚顶而言曰：“此儿必天人谪降也。”名之曰：“少游”，字之曰：“千里。”

流光水驶，犀角曰长，于焉之间，已至十岁。容如温玉，服如晨星，气质擢秀，智虑深远，魁然若大人君子矣。处士谓柳氏曰：“我本非世俗之人，而以与君有下界

因缘，故久留于烟火之中。蓬莱仙侣寄书招邀者已久，而念君孤子，不能决去。今皂天默祐英子，斯德听达绝伦，颖容拔翠，真吾家千里驹也。君既得依倚之所，晚年必将睹荣华，而享富贵也。此身去留，须不可介念也。”一日众道人来，集于堂上，与处士或骑白鹿，或骖青鹤，向深山而去。此后惟往往自空中寄书札而已，踪迹未尝到家矣。

华阴县闺女通信

蓝田山道人传琴

自杨处士升仙之后，母子相依，经过日月。步游仅过数年，才名蔼蔚，卒郡太守以神童荐于朝，而少游以亲老为辞，不肯就之。年至十四五，秀美之色似潘岳，发越之气似青莲，文章燕许如也，诗材鲍谢如也，笔法仆命钟王，智略弟畜孙吴。诸子百家，九流三教，天文地理，六韬三略，舞枪之法，用剑之术，神授鬼教，无不精通。盖以前世修行之人，心窦洞澈，脑海恢廓，触处融解，如竹迎刀，非风流俗士之比也。

一日，告于母亲曰：“父亲升天之日，以门户之贵，付之于少子。而今家计贫窶，老母勤劳，儿子若甘为守家之狗，曳尾之龟，而不求世上之功名，则家声无以继矣。母心无以慰矣。甚非父亲期待之意也。闻国家方设科抄选天下之群才，儿子欲暂离母亲膝下，歌《鹿鸣》而西游。”柳氏见其志气卒不碌碌，少年行役，不能无虑，远路离别，亦且关心。而已知其沛然之气，不可以沮，乃颺勉而许之，尽卖钗钏，备给盘缠。

步游拜辞母亲，以三尺书童、一匹赛驴，取道而行。行累日，至华州华阴县，距长安已不远矣。山川风物，一倍明丽。以科期尚远，日行数千里，或访名山，或寻古迹，客路殊不寂寥矣。忽见一区幽庄，近隔芳林，嫩柳交影，绿烟如织。中有小楼，丹碧照耀，潇洒辽复，幽致可想，遂垂鞭徐行，迫以视之：则长条细枝，拂地婀娜，若美女新浴，绿发临风自梳，可爱亦可赏也。步游手攀柳丝，踟蹰不能去，欣赏曰：“吾卿蜀中，虽多珍树，未曾见袅袅千枝，毵毵万缕，若此柳者也。”乃作《杨柳词》，诗曰：

杨柳青如织，长条拂画楼。

愿君勤种意，此树最风流。

杨柳垂青青，长条拂绮楹。

愿君莫攀折，此树最多情。

诗成，浪詠一追，其声请亮豪爽，宛若控金击石，一阵春风吹其余响，飘拂于楼上。其中适有玉人，午睡方浓，忽然惊觉，推枕起坐，拓开绣户，徙眄凝睇，四顾寻声，忽与杨生眼相值，髣髴云发，乱毛双鬓，玉钗欹斜，眼波朦胧，芳魂若痴，弱质无力。睡痕犹在于眉端，铅红半请于脸上矣。天然之色，嫣然之态，不可以言语形容，丹青描画也。两人脉脉相看，未措一辞。

杨生先送书童于林前客店，使备夕炊矣，至是还报曰。“夕饭已具矣！”美人凝情熟视，闭户而入，惟有阵阵暗香，泛风而来而已。杨生虽大恨书童。一垂珠箔，如隔弱水，遂与书童回来，一步一顺，纱面已紧闭而不开矣。来坐客店，怅然消魂。

元来此女子姓秦氏，名彩凤，即秦御史女子也。早丧慈母，且无兄弟，年才及笄，束适于人。时御史上京师，小姐独在于家，梦寝之外，忽逢杨生。是其貌而悦其风采，闻其诗而慕其才华，乃思曰：“女子从人，终生大事。一生荣辱，百年苦乐，皆系于二丈夫。故卓文君以寡妇而从相如。今我即处于之身也，虽有自媒之嫌，臣亦择君，古不云乎？今若不问其姓名，不知其居住，他日虽稟告于父亲，而欲连媒妁，东西南北何处可寻？”于是展一幅之笺，写数句之诗，封授于乳媪曰：“特此封书，往彼客店，寻得俄者身骑小驴，到此楼下蒜《杨柳词》之相公，而传之。俾知我欲结芳缘，永耗一身之意也。此吾莫重之事，慎勿虚徐：此相公其容颜如玉，眉宇如画，虽在于众人之中，昂昂凤凰之出鸡群。媪公亲见，传此情书。”乳媪曰：“谨当如教而异时老爷若有问，则将何以对之耶？”小姐曰：“此则我自当之，汝勿虑焉！”乳媪出门而去，旋又还问曰：“相公或已娶室，或既定婚，则何以为之耶？”小姐移时沈吟，乃言曰：“不幸已娶，则我同不嫌为刚。而我观此人，年是青阳，恐未及有室家矣。”

乳娘往于客店，访问吟咏杨柳之客。此时杨生出立于店门之外，见老婆来访，忙迎而问曰：“赋《杨柳词》者即小生也。老娘之间有何意耶？”乳娘见杨生之美，不复致疑，但云：“此非讨语之地也。”杨生引乳娘坐于客榻，问其来寻之意。乳娘问曰：“郎君《杨柳词》咏于何处乎？”答曰：“生以远方之人，初入帝圻，爱其佳丽，历览选胜。今日之午，适过一处，即大路之北，小楼之下。绿柳成林，春色可玩，感兴之余，赋得一诗而咏之矣。老娘何以闻之？”媪曰：“郎君其时与何人相而乎？”杨生曰：“小生幸值天仙降临楼之时，艳色尚在于眼，异香犹洒于衣矣。”媪曰：“老身当以实告之：其家盖吾主人秦御史宅也。其女即吾家小姐也。小姐自幼时，心明性慧，大有知人之鉴。一见相公，便欲托身。而御史方在京华，、往复稟定之间，相公必传向他处，大海浮萍，秋风落叶，将向以访其踪迹乎？丝萝虽切愿耗之心，当今实其自跃之耻，而三生之缘重，一时之嫌小也。是以舍经从权，包羞冒惭，使老妾问郎君姓氏及乡贯，仍探婚娶与否矣！”杨生闻之，喜色溢面，谢曰：“小生杨少游，家本在楚，年幼未娶矣。惟老母在堂，花烛之礼，当告两家父母而后行之。结亲之约，今以一言而定之矣。华山长青，渭水不绝。”乳娘亦大喜，自袖中出一封书，以赠生。生拆见：即《杨柳词》一绝也。其诗曰：

楼头种杨柳，拟系郎马住。

如何折作鞭，催向章台路。

生艳其清新，亟加欢服，称之曰：“虽古之右丞、李学士、蔑以加矣。遂披彩笺，写一诗以授媪。其诗曰：

杨柳千万丝，丝丝结心曲。

愿作月下绳，好结春消息。

乳娘受置于怀中，出店门而去。杨生呼而语曰：“小姐秦之人，小生楚之人，一散之后，千里相阻。山川修曼，消息难通。况今日此事，既无良媒，小生之心，无可凭信之处也。欲乘今夜之月色，望见小姐之容光，未知老娘以为如何？小姐诗中亦有此意，望老娘更稟于小姐。”

乳娘去即还来曰：“小姐奉真郎和诗，十分感激。且备传郎君之意，则小姐曰：，男女束及行礼，私与相见，极知其非礼。然方欲托身于其人，而何可有违于其言乎？且中夜相会，人言可畏。异日父亲若知之，则必有厚责。欲待明日相会于中堂，相与约定云矣。”杨生嗟叹曰：“小姐明敏之见，正大之言，非小生所及也。”对乳娘再三劝嘱，毋令失期，乳娘唯唯而去。

是夜，生留宿于店中，转展不寐，坐待晨鸡，苦恨春宵之长也。俄而斗杓初转，村鼓催鸣。方欲呼意而秣马矣，忽闻千万人喧阗之声，潮涌汤沸，自西方而来矣。杨生大惊，摄衣而出，立街而见之。则执兵之乱卒、避乱之众人，笼山络野，纷骈杂远，军声动地，哭声响于霄。耐之于人，则曰：“神策将军仇士良，自称皇帝，发兵而反。天子出巡扬州，关中大乱。贼兵四散，却掠人家。且传言：‘闭亟关不通，往来之人，毋论良贱，皆住军丁矣。’”

生慌忙惊惧，遂率书童，鞭驴促行，望蓝田山而去，欲窜伏于岩穴之间矣。仰见绝顶之上，有数间草屋，云影掩翳，鹤声清亮，杨生知有人家，从岩间五迳而上。有道人凭几而卧，见生至起坐问曰：“君是避乱之人，必淮南杨处士令郎也！”杨生趋进再拜，含泪而对曰：“小生果是杨处士子也，自别严父，只依慈母。气质甚鲁，才学俱蔑。而妄生微悖之计，冒死观国之宾，行到华阴，猝值变乱。不图今日获拜丈人，此必上帝俯鉴微诚，故令叩陪大仙之几杖，得闻严父之消息。伏乞仙君；毋惜一言，以慰人子之心。家严今在何山？而奉履亦何如？”道人笑曰：“尊君与我着棋于紫阁峰上，别去属耳，未知其去向何处。而童颜不改，绿发长春，惟君母用伤怀。”杨生泣诉曰：“或因先生，可得一拜于家严乎？”道人又笑曰：“父子之情虽深，仙风之分迥殊，虽欲为君圈之，未由也。而况三山渺邈，十州空阔，尊

公去就何以得知？君既到此，姑且留宿，徐待道路之通，归去亦未晚也！”杨生虽闻父亲安宁之报，道人落落无顾念之意，会合之望已绝矣。心绪悽怆，泪流被面。道人慰之曰：“合而离，离而合，亦理之常也，何以为无益之悲也？”杨生拭泪而谢，当隅而坐。遭人指壁上玄琴而问曰：“君能解此乎？”生对曰：“虽有素癖，而未遇真师，不得其妙处矣。”遭人使童于授琴于生。使弹之。生遂置之膝上，奏《风入松》一曲。道人笑曰：“用手之法，活动可教也。”乃自移其琴，以千古不传之四曲，次第教之。清而幽，雅而亮，实人间之所未闻者。生本来精通音律，且多神悟，一学能尽传其妙。道人大喜，又出白玉洞箫，自吹一曲以教生，乃谓之曰：“知音相遇，古人所难。今以此一琴一箫赠君，日后必有用处，君其识之。”生受而拜谢曰：“小生之得拜先生，必是家亲之指导。先生即家亲故人，小生敬事先生何异于家亲乎？侍先生杖屦，以备弟子列，小于愿也。”遭人笑曰：“人间富贵自来偏君，君将不可免也。何能以游老夫，接在岩穴乎？况君毕竟所归之处，与我各异，非我之徒也。但不忍负殷勤之意，赠此彭祖方书一卷，老夫之情此可领也。习此则虽不能久视延年，亦足以消病却老也。”生复起拜而受之，仍问曰：“先生以小子期之以人间富贵，敢问前程之事矣。”小子于华阴县，与秦家女子方议婚，为乱兵所遥，奔窜至此，未知此婚可得成乎？”道人大笑曰：“婚姻之事昏黑似夜，天机不可轻泄。然君之佳缘在于累处，秦女不必偏自缢恋也！”生跪而受命，陪道人同宿于客室。天未明道人唤觉杨生，而谓之曰：“道路既通，科斯退定于明春。想大夫人方切倚闾之望，须早归故乡，毋贻北堂之忧。”仍计给路费，生百拜床下称谢厚眷。收拾琴书，行出洞门，不胜依黯。矫音回顾茅茨及道人，已无去处。惟曙色霁凉，彩靄蕴笼而已。

生入山之初，扬花束落，一夜之间菊花满发矣。生大以为怪，问之人：“已秋八月矣！来访旧日客店，新径兵火，材落萧条，与向来经过之时大异。赴举之士纷纷下来，生问都下消息。则答曰：“国家召诸道兵马，过五个月，始削平潜乱，大驾远都。科举且以春退定矣。”杨生往访秦御史家，则绕澳衰柳摇落于风霜之后，殊非旧日景色。朱楼粉墙已成灰烬，陈础推破瓦积遗墟而已。四阴荒凉，亦不问鸡犬之声。生怆人事之易变，怅佳期之已旷，攀援柳条，伫立斜阳，徒吟秦小姐杨柳之词。一字一泪，衣裾尽湿。欲问往事，不见人迹。乃茫然而归，问于店主曰：“彼秦御史家属今在何处耶？”店主嗟惋曰：“相公不闻耶？前者，御史仕宦在京，惟小姐率婢仆守家。官军恢复京师之后，朝廷以秦御史为受逆贼伪爵，以极刑之。小姐押去京师，而其后，或言终不免惨祸，或言没入掖庭矣。今朝官人押领罪人等数多家属，过此店之前，问之则曰：“此属皆没入为英南县奴婢者也。”或云：“秦小姐亦入于其中矣。”杨生听之，泪汪然自下曰。“蓝田山道人云：“秦氏婚事，昏黑似夜，小姐必已死矣，更无诘问之处。”乃治行具下去秀州，此时柳氏闻京师祸乱之报，恐儿子死于兵火，日夜呼天，几不得自保矣。及见步游，相持痛哭，若遇泉下之人。

未几，旧岁已尽，新春忽届矣。生又将作赴举之行，柳氏谓生曰：“去年汝往皇都

，几陷危境，至今思惟，惟稟稟可怕。汝年尚稚，功名不急，然所以不挽汝行者，吾亦有主意故也。顾此秀州既狭且僻，门户才貌实无堪为汝配者，而汝已十六岁也，今若不定，几何其不失时乎？京师紫清观杜鍊师，即吾表兄，出家虽久，计其年岁，则尚或生存。此兄气宇不凡，知虑有裕，名门贵族无不出入。寄我情书则必亲汝知子，而出力周旋，为求贤匹。汝须留意于此。”仍作书而付之。生受命，始以华阴事告之，辄有悽感之色。柳氏嗟咄曰：“秦氏虽美，既无天缘，祸家余生，必难全生。假今不死，逢着亦难，汝须永断浮念，更求他姻，以慰先母企望之怀也。”生拜敬登程。

及到洛阳，猝值骤雨，避入于南门外酒店，沽酒而饮。生谓主曰：“此酒虽美，亦非上品也。”主人曰：“小店之酒无胜于此者。相公若求上品，天津桥头酒肆所卖之酒，名曰‘洛阳春’，一斗之酒千钱其价，味虽好而价则高矣。”生静思：洛阳自古帝王之都，繁华壮丽甲于天下。我去年取他路而去，未见其胜概，今行当不落奠矣。

卷之二

卷之二

杨千里酒楼擢桂

桂瞻月鸿被荐贤

生乃使书童算酒价，仍驱驴向天津而行。及抵城中，山水之胜人物之盛，果叶所闻矣。洛水横贯都城，如铺白练。天津桥洞跨澄波，直通大路。隐隐如彩虹之饮水，蜿蜒若苍龙之展腰。朱甍耸卒，碧瓦耀日，色映清漪，影抱春街，可谓第一名区也。生知其为店主所谓酒楼，乃催行至其楼前。金鞍骏马，填塞迎衢，仆夫林立，谭声雷聒。仰观楼上，则丝竹轰鸣，声在半空。罗绮纷续，香闻十里，生以为河南府尹讌客于此，使书童问之：争言城里少年诸公子，聚集一时名妓，设宴珥景。生闻之已觉醉兴翩翩，豪气腾腾，于是当楼下驴，直入楼中。

年少书生十条人，与菱人数十，杂坐于锦筵之上，骋高谈，浮大白，衣冠鲜明，意气轩轻。诸生见杨生容颤秀美，符彩洒落，齐起迎揖，分席列坐。各通姓名后，上座有卢生者，先问曰：“吾见杨兄行色，所谓‘槐花黄，举子忙’者也。”生曰：“诚如兄言矣。”又有杜生者曰：“杨兄苟是赴举之儒，则虽云不速之宾，参于今日之会亦不妨也。”生曰：“以两兄言观之，则今日之会，非但以酒杯留连而已，必结诗社而较文章也。若小弟者，以楚国寒贱之人，年龄既少，智识甚狭，虽以薄劣猥充乡贯，忝与子诸公盛会之末，不亦借乎？”诸人见杨生语逊而年幼，颇轻易之，答曰：“吾辈之会，非为结诗社也。而杨兄脐谓较文章，盖彷彿矣。然兄是后来之客，虽作诗可也，不柞亦可也，与吾辈饮酒洽好矣。”仍促传巡杯，使满坐诸妓造奏众乐。杨生乍抬醉眸，猎视群媼：二十余人各执其艺，而惟一人，超然端坐，不奏乐不接语。淑美之容，冶艳之态，真国色也。望之如南海观音，婷婷独立于会素之中矣。杨生神魂撩乱，自忘巡杯。其美人亦颇顾杨生，以秋波送情。生又睇视，则累幅诗笔，堆积于美人之前。遂向诸生面言曰：“彼诗笺必者兄佳制，可得一赏否？”诸人未及对，美人辄起，摄其华笺，置之于櫺生座前。生一一披阅，则大都十余丈诗，而其中虽不无优劣生熟，盖平平无惊语佳句也。生心语曰：“我会闻洛阳多才子矣，以此见之，则虚言也。乃还其诗笺于美人，对诸生拱手而言曰：“下土贱生，未会见上国文章矣。今者幸玩诸兄珠玉，快乐之心不可胜喻。”此时诸生已大醉矣，恰恰笑曰：“杨兄但知诗句之妙而已。不知其间有最妙之事也。”生曰：“步弟过蒙诸兄眷爱，酒召之间，已作忘形之友。所谓妙事，何惜向少弟说来耶？”王生大笑曰：“说道于兄，何害之有？吾洛阳素称之才府库，是以近前科甲洛阳之人，不为状元则必为探花，吾辈诸人，皆得文字上虚名，而不能自定其优劣高下矣。彼娘子姓桂名蟾月，非但姿色歌舞独步于东京，古今诗文无所不通，且

其诗眼尤妙矣。灵如鬼神，路阳诸儒纳卷而来，则一阅其文，断其立落，言如符合，未尝一失，其神鉴如此也。以是吾辈各以所制之文，送于桂娘，经其品题，取其入眼者，载之歌曲，被之管弦，以之而定其高下，长其声价，如旗亭故事。况桂娘姓名，盖应月中之桂，新榜魁元之吉兆，实在于此矣。杨生试闻之，此非妙事乎？”有杜生者，曰：“此外有刚妙而又妙者。诸诗之中，桂卿择其一首而歌之，则作其诗者，今夜当与桂卿好结芳缘，而吾辈皆作贺客而已，斯岂非妙而又妙者乎？杨兄亦男子也，苟有一段豪兴，亦赋一诗，与吾辈争衡似好电。”生曰：“诸兄之诗，成之已久，未知桂卿已歌何人之诗乎？”王生曰：“桂卿尚断一阕，清音樱唇，久锁玉齿未启，阳春绝调，犹不入于吾侪之耳。桂卿若不故作娇态，则必有羞涩之心而然也。”生曰：“小弟会在楚中，虽或依样画芦，作一两首诗，而即局外之人也。与诸兄较艺，恐未安也。”王生大言曰：“杨生容貌黄于女子矣，又何无丈夫之意耶？圣人有言曰：‘当仁，不让于师’，又曰：‘其争也君子’，第恐杨兄无诗才也。苟有才也，岂可徒执伪谦乎？”杨生虽外饰虚让，一见桂娘，豪情已不可制矣。见诸生座傍尚有空笺，生抽其一幅，纵横走笔，题三章诗。比如风樯之走海，渴马之奔川。诸生见其诸思之敏捷，笔势之飞动，莫不惊讶失色矣。杨生掷笔于席上，谓诸生曰：“宜先请教于诸兄，而今日座中桂卿即考官也，纳卷时刻，恐不及也。”即送其诗笺于桂卿，其诗曰：

楚客西游路入秦，酒楼来醉洛阳春。

月中丹桂谁先折？今代文章自有人。

天津桥上柳花飞，珠箔重重映夕晖。

侧耳要听歌一曲，锦燕休食舞罗衣。

花枝羞杀玉人妆，未吐纤歌口已香。

侍得梁花飞尽后。洞房花烛贺新郎。

蟾月乍转星眸，霎然看过檀板，一声清歌自发，嫋嫋如缕，咽咽如诉，鹤唳青田，凤鸣丹丘。秦筝夺其声，赵瑟失其曲。满坐皆洒然易容。初诸人傲视杨生，许令作诗矣。及其三诗皆入于蟾月之歌喉，恍然败兴相对，其喜可知。蟾月满酌玉杯，以《金缕衣》一曲侑之，芳姿嫩声，能割人之肠，而迷人之魂。生情不能抑，相携就寝。虽巫山之梦，洛浦之遇，未足以踰其乐矣。

至夜半，蟾月于枕上谓生曰：“妾之一身，自今日已託于郎君矣。妾请略暴情事，惟郎君俯察而怜悯焉。妾本韶州人也，父会为此州驿丞矣，不幸病死于他乡，家事零替，故山迢递，力单势蹙，无路返葬。继母卖妾于媪家，受百金而去。妾忍辱舍

痛，屈身事人，只祈天或垂怜，幸逢君子，复见日月之明。而妾家楼前，即去长安道也，车马之声昼夜不绝，来人过客，孰不落鞭于妾之门前乎？从来四五年间，眼阅千万人矣，尚未见近以于郎君者。今何幸遇我郎君，至愿已毕。郎君不以妾鄙夷之，则妾愿为樵爨之婢，敢问郎君意如何？”生乃款管曰：“我之深情岂与桂娘少间哉？第我本贫秀才也，且堂有老亲，与桂卿偕老，恐不概于老亲之意，若具妻妾，则亦恐桂娘之不乐也。桂娘虽不以为嫌，天下必无可为杜娘女君之淑女，是可虑也。”蟾月曰：“郎君是何言也？当今天下之才，无出于郎君之右者。新榜状元固不足论，丞相印绶，大将节钺，非又当归于郎君手中？天下美女，孰不愿从于郎君乎？将见红拂随李靖之匹马，绿珠步石崇之香尘。蟾月何人，敢有一毫专宠之心？惟愿郎君娶贤妇于高门，以奉大夫人后，亦勿弃贱妾焉。妾请自今以后，洁身而待命矣。”生曰：“去年我会过华州，偶见秦家女子，其容貌才华，足与桂娘可较伯仲，而不幸今也则亡，桂卿欲使我更求淑女于何处乎？”蟾月曰：“郎君所言者，必是秦御史女彩凤也。御史会为吏于此府，秦娘子与贱妾，情谊颇缜密矣。其娘子且有卓文君之才貌，郎君岂无长卿之情？而今虽思之亦无益矣，请郎君更求于他们矣。”杨生曰：“扫古绝色本不世出，今桂卿秦娘俩人生并一代，吾恐天地精明之气，殆已尽矣。”蟾月大笑曰：“郎君之言，诚如井底蛙矣。妾姑以吾娼妓中公论，告子郎君矣。天下有‘青楼三绝色’之语，江南万玉燕、河北狄惊鸿，洛阳桂蟾月，蟾月即妾也。妾则独得虚名，玉燕、惊鸿，真当代绝艳，岂可曰天下更无绝色乎？”生曰：“吾意则彼两人猥与桂卿齐名矣。”蟾月曰：“玉燕以地之远，虽未得见，南来之人无不称赞，可知其决非虚名。惊鸿与妾情若兄弟，惊鸿一生本末，请略陈之。惊鸿播州良家女也，早失怙恃，依其姑母。自十岁美丽之色，名于河北，近地之人欲以千金买以为妾。媒婆填门，闹如群蜂，而惊鸿言于姑母，皆斥遣。众媒婆问于姑娘曰：‘姑娘东推西却，不肯许人，必得何许佳郎乃合于意乎？欲以为大丞相之妾乎？欲以为节度使之副室乎？欲许于名士乎？欲送于秀才乎？’惊鸿替对曰：‘若如晋时，东山携妓之谢安石，则可以为大宰相之妾矣。若如三国时，使人误曲之周公瑾，则可以为节度使之妾矣。有若玄宗朝，献《清平词》之翰林学士，则名士可随矣。有若武帝时，奏《凤凰曲》之司马长卿，则秀才可从矣。惟意是适，何可逆料乎？’众婆大笑而散。惊鸿以为，穷乡女子耳目不广，将何以拣天下之奇才，择闺中之贤匹乎？惟媼女则英雄豪杰无不接席，而酬酢公子王孙，亦皆开门而逢迎，贤愚易辨，优劣可分，比之则求竹于楚岸，采玉于蓝田，奇才美品何患不得？遂愿自卖于娼家，必欲耗身于奇男。未及数年，名声大噪。去年秋，山东河北十二州文人才士，会于邺都，设宴以娱，惊鸿以一曲霓裳，舞于席上，翩如惊鸿，矫如翔凤，百队罗绮，尽失颜色，其才其貌此可见矣。宴罢独上于铜雀台，带月徘徊，感古悲伤，咏断肠之遗句，吊分香之往迹，仍窃笑曹孟德不能藏二乔，于楼中见之者，无不爱其才奇其志。顾今闺阁之中，岂独无其人乎？惊鸿与妾，同游于上国寺，与之论怀，惊鸿谓妾曰：‘尔我两人，苟得意中之君子，互相荐引，同事一人，则庶不误百年之身矣。’妾亦诺之矣。妾及遇郎君，辄思惊鸿，而惊鸿方入于山东诸侯宫中，此所谓好事多磨者耶？侯王姬妾，富贵虽极，亦非惊鸿之愿也。”仍唏嘘曰：“惜乎，安得一见惊鸿说此情也？”杨生曰：“青楼中虽有许多

才女，安知士大夫家闺秀，不让娼扉一头地乎？”蟾月曰：“以妾目见，无如秦娘子者。苟下秦娘一等，妾不敢荐于郎君。然妾饱闻长安之（长安之）人争相称道曰：“郑司徒女子，窈窕之色，幽闲之德，为当今女子中第一。妾虽未亲见，大名之下，本无虚事。郎君归到京师，留意访问是所望也。”

问答之间，纱窗已微明矣。两人同起，梳洗毕。蟾月曰：“此处非郎君久留之地也。况昨日诸公予，尚不无快快之心，恐不利于相公，须趁早登程。前头叩侍之日尚多，何必为儿女予屑屑之悲乎？”生问曰，“娘言诚如金石，当铭镂于心肝矣。”遂相对挥泪分袂而去。

倩女冠郑府遇知青

老司徒金榜得快婿

杨生自洛阳抵长安，定其旅舍，顿其行装，而科日尚远矣，招店人问紫清观远近，云：“在春明门外矣。”即备礼段往寻杜鍊师。鍊师年可六十余岁，戒行甚高，为观中女冠之首矣。生进以礼谒，传其母亲书简，鍊师问其安否。垂涕而言曰：“我与今堂姐姐相别已二十年，后世之人，轩仰若此，人世流光，信如白驹之忙也。吾老矣，厌处于京师烦嚣之中，方欲远向崆峒，寻仙访道，鍊魂守真，栖心于物外矣。姐姐书中有所託之言，吾当不得已为君少留。杨生风采明秀如仙，当世闺艳之中，恐难得相敌之良配也。然从须商量，如有间日更加一来焉。”杨生曰：“小侄亲老家贫，年近二十而身处僻乡，未能择配，方当喜惧之日，反贻衣食之忧，诚孝莫展，歉愧深切。今拜叔母，眷念至斯，感荷良深矣。”即拜辞而退。

时科日将迫，而自闻指婚之诺，稍弛求名之心，数日后復往观中。鍊师迎笑曰：“一处有处女，言其才与貌，则真杨郎之配。而但其家门楣太高，六代公侯三代相国，杨郎若为今榜魁元，则此始事庶可望矣。其前，发口无益也。杨郎不必烦访老身，勉修科业期于大捷可也。”杨生曰：“第谁家也？”鍊师曰：“春明门外郑司徒家也。朱门临道，门上设棨戟者，即其第也。司徒有一女，而其处子仙也，非人也。”生忽思蟾月之言，潜念曰：“此女子果如何，而大得声誉于两京之间乎？”问于鍊师曰：“郑氏女子师父会见之乎？”鍊师曰：“我岂不见乎？郑少姐即天人，不可以口舌形其美也。”生曰：“小侄非敢为誇大之言也，今春科第当如探囊中物也。此则固不足挂念，而平生有痴呆之愿，不见处于则不欲求婚，愿师父特出慈悲之心，使小子一见其颜色如何？”鍊师大美曰：“宰相家女子，岂有得见之路乎？杨郎或虑老身之言，有未可信者乎？”生曰：“小子何敢有疑子尊言乎？凡人之所见各自不同，安保其师父之眼必如小子之目乎？”鍊师曰：“万无此理也！凤凰麒麟，妇孺皆称祥瑞。青天白日，奴隶亦知高明。苟非无目之人，则岂不知子都之美乎？”杨生犹不快而归矣，必欲受诺于鍊师。翌日清晨又往道观。鍊师笑谓曰：“杨郎必有事也。”生曰：“小子不见郑小姐，则终不能无疑于心。更乞师父念母亲

付託之意，察小子委曲之情，密运冲襟，别出妙计，使小子一遭望见，则当结草而图报矣。”鍊师掉头曰：“未易哉！”沉吟半晌，乃谓曰：“吾见杨郎聪睿明透，学问之暇或知音律乎？”生曰：“小子会遇异人，学得妙曲，五音六律颇皆精通矣。”鍊师曰：“宰相之家甲第峨峨，中门五重，花园深深，缭垣数丈，自非身具羽翼不可超电。且郑小姐读诗学礼，律身有范，一动一静合度合仪，既不焚香于道观，又不荐齐于尼院，正月上元不观灯市之戏，三月三日不作曲江之游，外人何从而窥见乎？且有一事或冀万幸，而恐杨郎不肯从也。”生曰：“郑小姐如何得见？虽令升天入地，握火蹈水，何敢不从乎？”鍊师曰：“郑司徒近因老病，不乐仕宦，惟寄必于园林钟鼓。夫人崔氏性好音乐，而小姐聪慧颖悟，千万百事无不明知。至于音律清浊，节奏繁促，一闻辄解，毫分缕析。虽妙如师襄，神如子期，未必过此。而蔡文姬之能知断弦，盖余事耳。崔夫人闻有新翻之曲，则必招致其人，使奏于座前，令小姐论其高下评其工拙，凭几而听，以此为暮景之乐。吾意杨郎苟解弹琴，预习一曲而待之。三月晦日，乃灵符道君诞日，郑府每年必送解事婢子，贡米香烛于观中。杨郎当以此时，换着女服，手弄三尺绿绮，使彼闻之，则被必归告于夫人。夫人闻之则必请去矣。入郑府之后，得见小姐与否，皆系于天缘，非老身所知，而此外无他计矣。况君貌如美人，且不生髯，出家之人或有不裹发不掩身者，变服亦不难矣。”生喜而谢拜而退，屈指待日矣。

原来郑司徒无他子女，惟有一女小姐而已。崔夫人解娩之日，于昏困中见之，则有仙女把一颗明珠入于房枕，而小姐生矣。名之曰瓊贝。及长，娇姿雅仪，奇才徽范，盖千古一人也。父母钟爱甚笃，欲得佳郎而无可意者，年至二八，尚未笄矣。

一日，崔夫人招小姐乳母钱姬，谓之曰：“今日遭君诞日，汝持香烛往紫清观，传与杜鍊师，兼以表段茶果，致吾恋恋不忘之意。”钱姬领命，乘小轿至遭观，鍊师受其烛，供享于三清殿，且奉三种盛饌百拜，而谢斋供钱姬而送之。此时杨生已到别堂，方横琴而奏曲矣。钱姬留别鍊师，正欲上轿，忽听琴韵出于三清殿迤西小席之上，其声甚妙，宛转清新，如在云霄之外矣。钱姬停轿而立，侧听颇久，颖问于鍊师曰：“我在夫人左右，多听名琴，而此琴之声果初闻也。未知何人所弹也？”鍊师喜曰：“日昨年步女冠自楚地而来，欲壮观皇都，姑此淹留，而时时弄琴，其声可爱，贫道聋于音律者，不知其工焉知其拙。今妈妈有此嘉奖，必善手也。”钱姬曰：“吾夫人若闻之，则必有召命，鍊师须挽留此人，勿令之他。”鍊师曰：“当如教矣。”钱姬出洞门后，入以此言传于杨生。生大悦，苦待夫人之召矣。

钱姬归告夫人曰：“紫清观有何许女冠，能做奇绝之响，诚异事矣。”夫人曰：“吾欲一听之矣。”明日，送小轿一乘。侍婢一人于观中，语于鍊师曰：“小女冠虽不欲辱临，道人须为之劝进。”鍊师对其侍婢，谓生曰：“尊人有命，君须勉往。”生曰：“遐方贱踪，虽不合进谒于尊前，而大师之教，何敢有违？”于是具女道上之巾服，抱琴而出，隐然有魏仙君之道骨，飘然有谢自然之仙风矣。郑府丫环钦叹不已。

杨生乘小轿至郑府，侍婢引入子内庭。夫人坐于中堂，成仪端严。生叩头再拜于堂下。夫人命赐坐，谓之曰：“昨日婢子往道观，幸听仙乐而来，老人方愿一见，得接遭人清仪，须觉俗虑之自消。”杨生避席而对曰：“贫道本是楚间孤贱之人也，浪迹如云，朝暮东西，兹因贱枝获近于夫人座下，是岂始望之所及哉？”夫人使婢取杨生手中之琴，置膝摩挲，乃称称赞曰：“真个妙材也！”生答曰：“此龙门山上百年自枯之桐，木性已尽于霹雳，至强不下于金石，虽以千金赌之，不可易也。”酬答之顷，砌阴已改，而漠然无小姐之形影矣。杨生心甚着急疑虑，自起告于夫人曰：“贫道虽传得古调，而今之不弹者多，贫遭亦不能自知其声之非今而古也。顷仍紫清观众女观而闻之，则小姐之知音，则今世之师旷，愿效贱艺以听小姐之卜教也。”夫子使侍儿招小姐，俄而繡幕乍卷，香泽微生，小姐来坐于夫人座侧。杨生起拜毕，纵目而望之：太阳初涌于彤霞，芳莲改映于绿水矣。神摇眸眩，不能正视。杨生嫌其坐席稍远，眼力有碍，乃告曰：“贫道欲受小姐之明教，而华堂广阔，声韵散泄，或恐不专于细听也。”夫人谓侍儿曰：“女冠之座可移于前也。”侍婢移席请坐。虽已逼于夫人之坐，而适当小姐座席之右，反不如真视相望之时也。生大以为恨，而不敢再请。侍婢设香案于前，开金炉，爇名香。生乃改坐援琴，先奏《霓裳羽衣》之曲。小姐曰：“美哉此曲，宛然天宝太平之气象也！此曲人必解之，而曲臻其妙未有如道人之手段者也。此非所谓‘渔阳鼙鼓动地来，惊罢霓裳羽衣曲’者乎？阶乱之淫乐，不足听也，愿闻他曲。”杨生更奏一曲。小姐曰：“此曲乐而淫，哀而促，即陈后主《玉树后庭花》也，此非所谓‘地下若逢陈后主，岂宜重问《后庭花》’者乎？亡国之繁音不足尚也。更奏他曲！”杨生又奏一阕。小姐曰：“此曲如悲，如喜，如感激者然，如思念者然。昔蔡文姬遭乱披拘，生二子于胡中矣，及曹操赎远，文姬将归故国，留别两儿，作《胡笳十八拍》，以寓悲怜之意，所谓‘胡人落泪添边草，汉使断肠对归客’者也，其声虽可听也，失节之人曷足道哉？清新其曲！”杨生又奏一腔。小姐曰：“王昭君《出塞曲》也。昭君眷系旧君，瞻望故乡，悲此身之失所怨，画师之不公，以无限不平之心，付之一曲之中，所谓‘谁怜一曲侍乐府，能使千秋伤绮罗’者也。然胡姬之曲，边方之声，本非正音也，抑有他曲乎？”杨生又奏一转。小姐改容而言曰：“吾不闻此声久矣！道人实非凡人也！此则英雄不遇其时，宅心于尘世之外，而忠义之气壹郁于板荡之中，得非嵇叔夜《广陵散》乎？及其被戮于东市也，顾日影弹一曲曰：‘怨哉！’人有欲学《广陵散》者乎？吾惜之而不传矣！嗟呼，《广陵散》从此绝矣！所谓‘独鸟下东南，广陵何处存’者也。后人无传之者，道人必遇嵇康之精灵而学也。”生膝席而答曰：“小姐之英慧，出入上万万也！贫遭尝闻之于师，其言亦与小姐一也。”又奏一翻。小姐曰：“优优哉！飒飒哉！青山峨峨，绿水洋洋，神仙之迹，超脱尘旧之中，此非伯牙《水仙操》乎？所谓‘钟期既遇，奏流水而何惭’者也。道人乃千百岁后知音也。伯牙之灵如有所知，必不恨钟子期之死也。”杨生又弹一阕，小姐辄正襟跪坐曰：“至矣！尽矣！圣人遭遇乱世，遑遑四海，有极济万姓之意，非孔宣父谁能作此曲乎？必《猗兰操》也。所谓‘逍遥九州，无有定外’者，非其意乎？”杨生跪坐添香，复弹一声。小姐曰：“高哉！美哉！猗兰之操，虽出于大圣入忧时救世之心，而犹有不遇时之欢也！此曲与天地万物熙熙同春，鬼

鬼荡荡无得以名也，是必大舜《南薰曲》也。所谓‘南风之薰兮，可以解吾民之愠’者，非其诗乎？尽善尽美者，无过于此者。虽有他曲，不愿闻矣。”杨生敬而对曰：“贫道闻：乐律九变，天神下降，贫道所奏者只八曲也，尚有一曲，请玉振之矣。”拂柱调弦，闪手而弹，其声悠扬闾悦，能使人魂佚而心荡，庭前百花一时齐绽，乳燕双飞，流莺互歌。小姐蛾眉暂低，眼波不收，泯默而坐矣。至“凤兮凤兮归故乡，遨游四海求其凤”之句，乃开眸再望，俯视其带，红晕转上于双颊，黄气忽消于八字，正若被恼于春酒者也。即雍容起立，转身入内。生愕然无语，推琴而起，惟瞪视小姐之昔，魂飞神飘，立如泥塑。夫人命坐之，问曰：“师父俄者所弹者何曲也？”生乍对曰：“贫道传得于师，而不知其曲名，故正待小姐之命矣。”小姐久而不出，夫人使侍婢问其故。传婢还报曰：“小姐半日触风候缺安，不能出矣。”杨生太疑小姐之觉悟，蹙蹙不安，不敢久留，起拜于夫人曰：“伏闻小姐玉体不平，贫道实切忧虑矣。伏想夫人必欲亲自谕视，贫道请退矣。”夫人出金帛而赏之。生辞而不受曰：“出家之人，虽粗解声律，不过自适而已，敢受伶人之缠头乎？因顿首而谢，下阶而去。夫人忧小姐之病，即召问之，已快愈矣。小姐还于寝室，问于侍女曰：“春娘之病今日何如？”侍女曰：“今日则已差，闻小姐听琴，新起梳洗矣。”

原来春娘姓贾氏，其父西蜀人也，上京为丞相府胥吏，多有功劳于郑司徒家矣，未久病死。时春娘年仅十岁，司徒夫妻怜其无依，收置府中，使与小姐同游，其龄于小姐较一月。容貌粹丽，百态俱备、端正尊贵之气象，虽不及于小姐，而亦绝代佳人也。诗才之奇，笔法之妙，女红之工，足与小姐相上下。小姐视如同气，不忍暂离。虽有奴主之分，实同朋友之谊，本名即楚云，而小姐以其态度之可爱，采韩吏部“多态度春空云”之句，改其名曰“春云”，家内之人皆以春云呼之。春云来见小姐而问曰：“朝者诸侍女争言，仲堂弹琴之女冠，容如天仙，手弹稀音，小姐大加称赞，小婢忘却在病，方欲玩赏其女冠，何其速去耶？”小姐发红于面，徐言曰：“吾动身如玉，持心如盘，足迹不出于门，言语不交于亲戚，乃春娘之所知也。一朝为人所诈，忽受难洗之羞辱，自此何忍举面对人乎？”春云惊曰：“怪哉！此何言也？”小姐曰：“俄来女冠，果然其容貌秀美矣，琴曲妙矣……”即噤嘴不毕其说：春云曰：“其人第如何？”小姐曰：“其女冠始奏《霓裳羽衣》，次奏诸曲，其终也奏帝舜《南薰曲》，我一一评论，遵季札之言，仍请止之。其女冠言：有一曲臭，更奏新声。乃司马相如挑卓文君之《凤求凰》也，我始有疑而见之：其容貌举止与女子大异，是必诈伪之人，欲赏春色而变服而来矣！所恨者，春娘若不病，一见可辨其诈也。我以闺中处女之身，与所不知男女半日对坐，露而接语，天下宁有是事耶？虽母于之间，我不忍以此言告之矣。非春娘谁与说此怀也？”春娘笑曰：“相如凤求凰处，子独不闻耶？小姐必见杯中之弓影也。”小姐曰：“不然，此人奏曲有皆有次第，若使无心求凤之曲，何必奏之于诸曲之末乎？况女子之中，容貌或有清弱者矣，或有壮大者矣，气象豪爽，未见如此人者也。予意则国试已迫，四方儒生皆集于京师！其中有误闻我名者，妄生探芳之计也。”春云曰：“其女冠果是男子，则其容颜之秀美如此，其气象之豪爽如此，其精通音律又如此，可

知其才品之高矣，安知非真相如乎？”小姐曰：“彼虽相如，我则决不作卓文君也。”春云曰：“小姐无为可笑之说。文君寡妇也，小姐处女也，文君有意而从之，小姐无心而听之，小姐何以目比于文君乎？”两人嬉嬉谈笑，终日自乐。

一日，小姐侍夫人而坐，司徒自外而入，持新出榜眼，以授夫人曰：“女儿婚事，至今未定，故欲择佳郎于新榜之中矣。闻状元杨少游，淮南人也，时年十六岁，且其科制人皆称赞，此必一代才子。且闻其风仪俊秀，标致高爽，将成大器，而时未娶妻，若得此人为东床之客，则于我心足矣！”夫人曰：“耳闻本不如目见，人虽过称，我何尽信？必也亲见而后方可定矣。”司徒曰：“是亦不难。”

咏花鞋透露怀春心

幻仙庄成就小星缘

小姐闻其父亲之言，还入寝室，谓春云曰：“向日弹琴女冠，自称楚人，年可十六七岁矣。淮南即楚地，且其年纪相近，吾心实不能无疑也。此人若其女冠，则必来谒于父亲矣。汝须待其来到，留意而见之。”春云曰：“其人妾未会之见，虽与相对，其何知之？春云之意，则不如小姐，从青锁之内亲自窥见矣。”两人相对而笑。

此时杨少游连魁于会试，及殿试，即被拣于翰苑，声名耸一世矣。公侯贵戚有女子者，皆争送媒酌，而生尽却之。往见礼部权侍郎，以求婚于郑家之意，缕缕告之，仍要介绍。侍郎裁一札而付之，生即袖往郑司徒家，通其姓名。司徒知杨状元之至，谓夫人曰：“新榜状元来矣。”即迎见于外轩。

杨状元载桂花，拥仙药，进拜于司徒。文彩之美，礼貌之恭，已令司徒口呿而齿露矣。一府之人，惟小姐一人之外，莫不奔走耸视焉。春云问于夫人侍婢曰：“吾闻老爷与夫人唱酬之言？前日弹琴女冠即杨状元之表妹，有彷彿处乎？争言曰：‘果是矣’。视其举止容貌，小无参差，中表兄弟何其酷相似耶？”春云即入谓小姐曰：“小姐明鉴果不差矣。”小姐曰：“汝须更往闻其为何语而来。”春云即出去，久而还曰：“吾老爷为小姐求婚于杨状元，状元拜而对曰：‘晚生自入京师，闻令小姐窈窕幽闲，妄出非分之望矣。今朝往议于座师权侍郎，则侍郎许以一书通于大人，而顾念门户之不敌如青云浊水之相悬，人品之不同如凤凰鸟雀之各异。侍郎之书方在晚生袖中，而惭愧趑趄不敢进矣。’仍擎而献之。老爷见而大悦，方促进酒饌矣。”小姐惊曰：“婚姻大事不可早卒，而父亲何如是轻诺耶？”语未了，侍婢以夫人之命招之，小姐承命而往。

夫人曰：“状元杨少游，一榜所推，万人所称，汝之父亲既许婚，吾老夫妻已得託身之人矣，更无可忧者矣。”小姐曰：“小女闻侍婢之言，杨状元容仪，一如顷日

弹琴之女冠，果其然乎？”夫人曰：“婢辈之言是矣。我爱其女冠仙风道骨，拔出于世，久犹不忘，方欲更邀，而家间多事计，莫之邀矣。今见杨状元宛如女冠，相对以此，足知杨状元之美矣。”小姐曰：“杨状元虽美，小女与彼有嫌，与之结亲恐不可也。”夫人曰：“是甚怪事，怪事？吾女儿处于深闺，杨状元处于淮南，本无干涉之事，有何嫌疑之端乎？”小姐曰：“小女之事，言之可惭，故尚未得告于母亲矣。前日女冠即今日之杨状元也。变服弹琴，欲知小女之妍媸也。小女陷于奸计，终日打话，岂可日无嫌乎？”夫人惊惧无语。

司徒送杨状元，入内寝，喜色已津津矣。谓小姐曰：“琼贝，汝今日有乘龙之庆，甚是快活事也。”夫人以小姐之言传之。司徒更问于小姐，知杨生弹求凤曲之颠末，大笑曰：“杨状元真风流才子也！昔王维学士，着乐工衣服，弹琵琶于太平公主之第，仍占状元，至今为流传之美谈。杨郎为求淑女，换着衣服，实多才之人，一时游戏之事，何嫌之有？况女儿只见女道士而已，不见杨状元也。杨状元之换女道士，于汝何关也？卓文君之隔帘窃见，不可日道也。有何自嫌之心乎？”小姐曰：“小女之心，实无所愧。见欺于人至于此，以是愤恚欲死尔！”司徒又笑曰：“此则非老父所知也。他日汝可问之于杨生电。”夫人问于司徒曰：“杨郎欲行礼于何间乎？”司徒曰：“纳带之礼，从俗而行之，亲迎则称待秋间。陪来大夫人后方定日矣。”夫人曰：“礼则然矣，迟速何论？”遂择吉日，捧杨翰林之幣，仍请翰林，处于花院别堂。翰林以子婿之礼，敬事司徒夫妻。司徒夫妻爱翰林如亲子焉。

一日小姐偶过春云寝房，春云方刺繡于锦鞋，为春阳所留，独枕繡机而眠。小姐因入房中，细见繡线之妙，欢其才品之妙矣，机下有小纸写数行书，展见则即咏鞋之诗也。其诗曰：

怜渠最得玉人亲，步步相随不暂舍。

烛灭罗维解带时，使尔抛却象床下。

小姐见罢，自语曰：“春娘诗才尤将进矣。以繡鞋比之自于身，以玉人拟之于吾，言尝时与我不相离，彼将从人必与我相疎也。春娘诚爱我也。”又微吟而笑曰：“春云欲上于吾所寝象床之上，欲与我同事一人，此儿之心已动矣。”恐惊春娘，回身潜出，转入内室，见于夫人。夫人方率侍婢备翰林夕饌矣。小姐曰：“自杨翰林来住吾家，老亲以其衣服饮食为忧，指挥婢仆损伤精神，小女当自当其苦，而非但于人事有嫌，在礼亦无所据。春娘年既长戒，能当百事，小女之意，进春云于花园，俾奉杨翰林内事，则老亲之优可除其一分矣。”夫人曰：“春云妙才奇质，何事不可当乎？但春云之父会已有功于吾家，且其人物出子等夷，相公每欲为春云求良匹，终事女儿，恐非春云之愿也。”小姐曰：“小女观春云之意，不欲与小女分离矣。”夫人曰：“从嫁婢妾千古亦有，然春云之才貌非等闲侍儿之比，与汝同归，恐非远念。”小姐曰：“杨翰林以远地十六岁书生，媒三尺之琴调，戏宰相家深

闺处于，其气象岂独守一女子而终老乎？他日据丞相之府，享万钟之禄，则堂中将有几春云乎？”适司徒入来，夫人以小姐之言，言于司徒曰：“女儿欲使春云往侍杨郎，而吾意则不然。行礼之前先进媵妾，决知其不可也。”司徒曰：“春云与女儿才相似，而貌相若也，情爱之笃亦相同也。可使相从，不可使相离也。毕竟同归，先送何妨？少年男子，虽无风情，亦不可独栖孤房，与一柄残灯为伴。况杨翰林乎？急送春娘以慰寂寞之怀，恐无不可，而但不备礼，则太涉草草，欲具礼则亦有所不便者，何以则可以得中也？”小姐曰：“小女有一计，欲借春云之身，以雪小女之耻。”司徒曰：“汝有何计？试言之！”小姐曰：“使十三兄如此如此，则小女见凌之耻，可以除矣。”司徒大笑曰：“此计甚妙矣。”

盖司徒诸侄子中有十三郎者，贤而机警，志气浩荡，平生喜作谐谑之事，且与杨翰林气味相合，真莫逆之交也。小姐归其寝所，谓春云曰：“春娘，吾与汝头发覆额，心肝已通，共争花校，终日啼呼。今我已受人聘礼，可知春娘之年，亦不稚矣，百年身事，汝必自量，未知欲託于何样人也？”春云对曰：“贱妾偏荷娘子抚爱之恩，涓埃报未由自效。惟愿长奉巾匣于娘子，以终此身也。”小姐曰：“我素知春娘之情与我同也，我与春娘欲议一事尔。杨郎以枯桐一声，弄此闺里之处女，貶辱深矣，受侮多矣，非吾春娘谁能为我雪耻乎？吾家山庄，即终南山最僻处也，距京城仅牛鸣地，而景致潇洒，非人境也。赁此别区，设春娘之花烛，且令郑兄导杨郎之迷心，行如此如此之计，则横琴之诈谋，彼不得更售矣，听琴之深羞，可以快湔矣。惟望春娘毋惮一时之劳。”春云曰：“小姐之命，贱妾何敢违乎？但异日何以举而于杨翰林之前乎？”小姐曰：“欺人之羞不犹愈于见欺者之羞乎？”春云微笑曰：“死且不避，当惟命焉！”

翰林职事，倖直之外，无奔忙之矣。持被之余，闲日尚多，或寻朋发，或醉酒楼。有时跨驴出都，访柳寻花。一日郑十三谓翰林曰：“城南不远之地，有一静界，山川绝胜，吾欲与一游，泻此幽悄。”翰林曰：“正吾意也，遂击壶榼屏驺隶，行十余里，芳草被堤，青林绕溪，剩有山樊之兴。翰林与郑生临水而坐，把酒而吟。此时正春夏之交也，百卉犹存，万树相映，忽有落英，泛溪而来。翰林咏春来遍桃花水之句曰：“此间必有武陵桃花源也。”郑生曰：“此水自紫阁峰发源而来也。会闻花开月明之时，则往往有仙乐之声，出于云烟缥缈之间，而人或闻之者。弟则仙分甚浅，尚未得入其洞天矣。今日当与大兄，蹑灵境寻仙踪，拍江崖之肩，窥玉女之窗矣。”翰林性本好奇，闻之欣喜曰：“天下无神仙则已，若有之，则只在此山中矣。”方振衣欲赏，忽见郑生家家僮流汗而来，喘促而言曰：“娘子患侯，猝嗟走，请郎君矣。”郑生忙起曰：“本欲与壮游于神仙洞府矣，家忧此迫，仙赏已违，向所谓仙分甚浅者，尤可翰矣。”促鞭而归。

翰林虽甚无聊，而赏必犹不尽矣，步随流水转入洞口。幽洞冷冷，群峰矗立，无一点飞尘，朗襟自觉萧爽矣。独立溪上，徘徊吟哦矣。丹桂一叶，飘水而下。叶上有数行之书，使书童拾敢而见之。一句诗曰：

仙龙吠云外，知是杨郎来。

翰林心窃怪之曰：“此山之上，岂有人居？此诗亦岂人所作乎？”攀萝缘壁，忙步连进。书童曰：“日暮路险，进无所託，请老爷还归城里。”翰林不听，又行七八里，东岭初月在山腰矣。逐影步光，穿林撇涧，惟闻惊禽啼，而悲猿啸矣。已而星摇峰顶，露锁树梢，可知夜将深矣。四无人家，无处投宿，欲觅禅庵佛寺而亦不可得。方苍黄之际，十余岁青衣女童洗衣于溪，边见其来，忽而惊起，且去且呼曰：“娘子，娘子，郎君来矣！”生闻之尤以为怪，又进数十步，山回路穷，有小亭，翼然临溪。窃而深，幽而闯，真仙居也。一女子被霞带月影，孑然独立于碧桃花下，向翰林施礼曰：“杨郎来何晚耶？”翰林惊见其女子，身着红绵之袍，头插翡翠之簪，腰横白玉之珮，手把凤尾之扇，婣妍清高，认非世界人也。乃慌忙答礼曰：“学生乃尘间俗子，本无月下之期，而有此晚来之教何也？”女子请往亭上共做稳话，仍引入亭中，分宾主而坐，招女童曰：“郎君远来，虑有饥色，略以薄食进之。”女童受命而退。少焉排瑶床，设绮食，擎碧玉之钟，进紫霞之酒，味冽香浓，一酌便醺。翰林曰：“此山虽僻，亦在天之下也。仙娘何以获瑶池之乐，谢玉京之侣，辱属于此乎？”美人长吁短叹曰：“欲说旧事，徒增悲怀。妾是王母之侍女，郎是紫府之仙吏。玉帝赐宴于王母，众仙皆会，郎偶见小妾，掷仙果而戏之。郎则误被重谴，幻于人世。妾则幸受薄罚，谪在于此。而郎已为膏火所蔽，不能记前身之事也。妾之谪限既满，将向瑶池，而必欲一见郎君，乍展旧情，恳嘱仙官退却。一日之期已至，郎君将到此而止待耳。郎今辱临，宿缘可续。”时桂影将斜，银河已倾。翰林携美人同寝，若剂玩之入天台，与仙娥结缘，似梦而非梦，似真而非真也。才尽缱绻之意，山鸟已啁于花梢，而窗纱已微明矣。美人先起，谓翰林曰：“今日即妾上天之期也。仙官奉帝勅，备幢节来迎小妾之时，若知郎君在此，则彼此将俱被谴罚，郎君促行矣。郎君若不忘旧情，又有重逢之日也。遂题别诗于罗巾，以赠翰林。其诗曰：

相逢花满天，相别花在地。

春色如梦中，弱水杳千里。

杨生览之，离怀斗起，不胜悽黯。自裂汗衫，和题一首而赠者。其诗曰：

天风歧玉珮，白云何离披！

巫山他夜雨，愿湿褰褰衣。

美人奉览曰：“琼树月隐桂殿霜，飞作九万里外面目者，惟此一诗而已。”遂藏王香囊，仍再三催促曰：“时已至矣，郎可行矣。”翰林挥手拭泪，各自保重而别。才出林外，回瞻亭榭，碧树重重，瑞蔼融融，如觉瑶台一梦。及归家，精爽倏忽，

忽忽不乐，独坐而思之曰：“其仙女虽自云已蒙天赦，归期在即，安知其行必在于今日乎？暂留山中藏身密处，目见群仙以幢幡来迎之后下来，亦不晚也。我何思之不审，行之太躁耶？”悔心憧憧，达霄不寝，惟以手书空，作咄咄字而已。翌晓早起，率书童复往昨日留宿之处。则桃花带笑，流水如咽，虚亭独留，香尘已阒矣。翰林悄凭虚檻，怅望青霄，指彩云而双曰：“想仙娘乘被云而朝上帝矣，仙影已断，何磋及矣。乃下亭倚桃树而洒涕曰：“此花应识崔护城南之恨矣。”至夕，乃怏然而回。

至数日，郑生来谓翰林曰：“倾日因室人有疾，不得与兄同游，尚有恨矣。即今桃李虽尽，城外长郊柳阴正好，与兄当偷得半日之闲，更辨一场之游，玩蝶舞而听莺歇矣。”翰林曰：“绿阴芳草亦胜花时矣。”两人共辔同行，催出城门，涉远野，择茂林，藉草而坐，对酌数筹。傍有一坏荒坟，寄在于断岸之上，而蓬莽回没，莎草尽剥，惟有杂卉成丛，绿影相交，数点幽花，隐映于荒阡乱树之间也。翰林因醉兴，指点而叹曰：“贤愚贵贱，百年之后，尽归于一丘土，此孟尝君所以泪下于雍门琴者也，吾何以不醉于生前乎？”郑生曰：“兄必不知彼坟也，此即张女娘之坟也。女娘以美色鸣一世，人以张丽华称之，二十而夭，瘞于此，后人哀之，以花柳杂植于墓前，以志其处矣。吾辈以“一杯填其坟，以慰女娘芳魂如何？”翰林自是多情者，乃曰：“兄言可也。”遂与郑生至其坟前，举酒浇之，各制四韵一首，以吊孤魂。翰林之诗：

美色会倾国，芳魂已上天。

管弦山鸟学，罗绮野花传。

古墓空春草，虚楼自暮烟。

秦川旧声价，今日属谁边？

郑生之诗：

问昔繁华地，谁家窈窕娘？

荒凉苏小宅，寂寞薛涛庄。

草带罗裙色，花留宝靥香。

芳魂招不得，惟有暮鸦翔。

两人传看浪吟，更进一杯。郑生绕墓徊徨，至崩颓之处，得白罗所书绝句一首而咏

之，曰：“何处多事之人作此诗纳于女娘之墓乎？”翰林索见之，则即自家裂衫制诗，以赠仙娘子者也。乃大惊于心曰：“向日所逢美人，果是张女娘之灵也。”骇汗自出，头发上竦，心不能自定而已，自解曰：“其色之美如此，其情之厚如此，仙亦天缘也，鬼亦天缘也，仙与鬼不必辨之矣。”郑生起旋之时，更酌一杯，潜浇于坟上默祷曰：“幽明虽殊，情义不隔，惟祈芳魂鉴此至诚，更趁今夜重续旧缘。”祷毕，拉郑生还归。

是夜独在花园，倚枕敢坐，想其美人，思甚褥涸，耿耿不成眠矣。时月光窥帘，树影满而，群动已息，人语正闻，而似有跽音自暗中而至。翰林开户视之，则乃紫阁峰仙女也。翰林满心惊喜，跳出门限，携来玉手，欲入房中。美人辞曰：“妾之根本，郎已知之，得无嫌猜之心乎？妾之初遇郎君，非不欲直吐，而或恐惊动，假託神仙，叨侍一夜之枕席，荣已极矣，情已密矣。庶几断魂再续，朽骨更肉。而今日郎君又访贱妾之幽宅，浇之以酒，吊之以诗，慰此无主之孤魂，妾于此不胜感激，怀恩恋德，欲谢厚眷，面布微愠而来，敢欲以幽阴之质，复近君子之身乎？”翰林更挽其袖而言曰：“世之恶鬼神者，愚迷怯懦之人也。人死而为鬼，鬼幻而为人。以人而畏鬼，人之骇者。以鬼而避人，鬼之痴者。其本则一也，其理则同也。何人鬼之辨，而幽明之分乎？我见若斯，我情若斯，娘何以背我耶？”美人曰：“妾何敢背郎君之恩而忽郎君之情哉？郎君见妾眉如蛾翠，脸如猩红，而有眷恋之情，此皆假也，非真也。不过作谋巧饰，欲与生人相接也。郎君欲知妾真面目也，即白骨数片，绿苔相萦而已。郎君何可以如此之陋质，欲近于贵体乎？”翰林曰：“佛语有之，人之身体，以水沤风花，假成者也。孰知其真也？孰知其假也？”携抱入寐，稳度其夜，情之缜密，一倍于前矣。翰林谓美人曰：“自今夜夜相会，毋或自沮。”美人曰：“惟人与鬼其道虽异，至情所格，自相感应。郎君之眷妾，诚出于至情。则妾之欲耗子郎君，夫岂贱耶？”俄闻晨钟之声，起向百花深处而去，翰林凭栏送之，以夜为期。美人不答，倏然而逝矣。

卷之三

卷之三

贾春云为仙为鬼

狄惊鸿乍阴乍阳

翰林自遇仙女以来，不寻朋友，不接宾客，静处花园，专心一虑，夜至则待来，日出则待夜，惟望使彼感激。而美人不肯数来，翰林念转骂而望益切矣。久之，两人自花园挟门而来。在前者即郑十三，在后者生面也。郑生引在后者见于翰林曰：“此师父即太极宫杜真人。相法卜术，与李淳风、袁无纲相颉颃也。欲相杨兄而邀来矣。”翰林向真人面揖曰：“慕仰尊名宿矣，尚未承颜一奉亦有数耶？先生必审见郑生之相，以为如何耶？”郑生先答曰：“此先生相小弟而称曰：‘三年之内必得高第，将为八州刺史。’于弟足矣。此先生盲必有中，兄试问之。”翰林曰：“君子不问福，只闻灾殃，惟先生直言也。”真人熟视而言曰：“杨翰林两眉皆秀，凤眼向鬓，位可跻于三台。耳根白，如涂粉圆，如垂珠，名必闻于天下。权骨满面，必手执兵权，威震四海，封侯于万里之外，可谓百无一缺。而但今日有目前之横厄，殆哉殆哉。”翰林曰：“人之吉凶祸福，无不自己求之，而惟疾病之来，人所难免，无乃有重病之兆耶？”真人曰：“此非寻常之灾殃也。青色贯于天庭，邪气侵于明堂，相公家内或有来历不分明之奴婢乎？”翰林于心已知张娘之祟，而蔽于恩情，略不惊恐，答曰：“无是事也。”真人曰：“然则或过古墓，感伤于脑中，或与鬼神相接于梦里乎？”翰林曰：“亦无是事也。”郑生曰：“杜先生会无一言之差，杨兄更加商念！”翰林不答。真人曰：“人生以阳明保其身，鬼神以幽阴成其气，若昼夜之相反，水火之不容。今见女鬼邪秽之气，已罩于相公之身，数日之后，必入于骨髓，相公之命恐不可救矣。此时母门贫遭不会说来也。”翰林念之曰：“真人之言虽有所据，女娘永好之盟固矣，相爱之情至矣，夫岂有害吾之理乎？楚襄遇神女而同席，柳春畜鬼妻而生于，从古亦然，我何独虑？”乃谓真人曰：“人之死生寿夭，皆定于有生之初。我苟有将相富贵之相，鬼神其于我何？”真人曰：“天亦相公也，寿亦相公也，无与于我矣。”乃拂袖而去。翰林亦不强留焉。郑生慰之曰：“杨兄自是吉人，神明必有所助，何鬼可虑乎？此流往往以诞术动人，可悲也。”乃进酒终夕，大醉而散。

是日，翰林至夜分乃醒，焚香静坐，苦待女娘之来。已至深更，杳无形迹。翰林拍案曰：“天欲曙矣。欲灭灯而寝矣。”窗外忽有且啼且语之声，细听之；则乃女娘也。曰：“郎君以妖道于之符，茫于头上，妾不敢近前。妾虽知非郎君之意，是亦夭缘尽，而妖魔戏也。惟望郎君保重，妾从此永诀矣。”翰林大惊而起，拓户而视之，已无人形，而只有一封书在于阶上。乃拆见之，即女娘之所制也。其诗曰：

昔访佳期蹑彩云，更将清酌酹荒坟。

深诚未效恩先绝，不怨郎君怨郑君。

翰林一吟一唏，且恨且怪，以手抚头有一物，在于总发之间，出面见之，乃逐鬼符也。大怒叱曰：“妖人误我事也！”遂裂破其符，痛恚益切，更把女娘之诗，微吟一度，大悟曰：“张女之怨郑君深矣。此乃郑十三之事也，虽非恶意，沮败好事，非道士之妖，乃郑生也。吾必辱之。”遂次女娘之诗，囊以藏之曰：“诗虽成矣，谁可赠矣？”诗曰：

冷然风驭上神云，莫道芳魂寄孤坟。

园里百花花底月，故人何处不思君？

达明，往郑十三家，郑生出去矣。三日往寻，终未一遇。女娘影响益渺邈矣。欲访于紫阁之亭，则精灵已归。欲寻于南郊之墓，则音容难接。无处可问，无计可施，抑塞纡轸，寝食顿减矣。

一日，郑司徒夫妻置酒食邀林，讨稳而飞觞。司徒曰：“杨郎神观近何憔悴耶？”翰林曰：“与十三兄连日过饮，恐固此而然矣。”郑生忽来到，翰林以怒耳睥睨视，不与语矣。郑生先同曰：“只近来职事倥偬耶？心结不佳耶？陟岵之情苦耶？滥酒之疾作耶？貌何憔悴耶？神何萧索耶？”翰林微管曰：“旅游之人，安得不然？”司徒曰：“家中婢仆传言：杨郎与一美姝共话于花园，此语信耶？”翰林答曰：“花园僻矣，人谁往来，必传之者妄也。”郑生曰：“以杨兄豁达之量，为儿女羞愧之态耶？兄虽以大言斥杜真人，观兄气色不可掩也！弟恐兄迷而不悟，祸将不测，潜以杜真人逐鬼之符，置于兄束发之间，而兄醉倒不省矣。其夜潜身于园林蒙密之中窥见，则有鬼女哭辞于兄寝室外，即踰墙而去。此真人之言验矣。兄不我谢，而乃反衔怒何耶？”翰林知其不可牢讳，向司徒而言曰：“小婿之事，颇涉怪骇，当备告于岳丈矣。”具其首尾，悉陈无余。仍曰：“小婿固知十三兄之爱我，而女娘虽曰鬼神，鞋而不诞，正而不邪，决不贻祸于人，小婿虽疲劣，亦丈夫也，不必为鬼物所迷。而郑兄乃以不经之符，断其自来之路，实不能无介于中也。”司徒击掌大笑曰：“杨郎文彩风流，与宋玉同，必已作《神女赋》也。老夫非为戏言于杨郎也，少时偶值异人，果学少翁致鬼之术矣，今当为贤婿致张女娘之神，以谢侄儿之罪，以慰贤婿之心，未知如何？”翰林曰：“此岳丈弄小婿也。少翁虽能致李夫人之魂，而此术之不传也久矣，小婿于岳丈之言，不敢信也。”郑生曰：“张女娘之魂杨兄则不费一言而致之，小弟则能以一符而遂之，鬼中之可使者也。兄何疑乎？”司徒乃以麈尾打屏风曰：“张女娘安在？”一女子忽自屏后而出，含笑台娇，立于夫人之后。翰林一举目，已知其张女娘也，恍恍惚惚，莫知端倪，直视司徒及郑生而问曰：“此人耶？鬼耶？鬼以何能出于白昼耶？”司徒及夫人启齿而笑，郑

生捧腹大噱，颠扑不能起。左右侍婢等已折腰矣。司徒曰：“老夫方为贤婿而吐其实矣。此儿非鬼非仙，即吾家所育贾氏女子，其名春云，近因杨郎块处花园，吃尽苦况，老夫送此美女以侍贤郎，欲以慰客中之无聊，盖出于吾老夫妻好意。而年步辈居间用计，戏谑太过，遂使贤郎无端苦恼，不亦笑乎？”郑生方止笑而言曰：“前后再度之逢，皆我所媒，而不感媒酌之恩，反以仇簪视之，杨兄可谓负功忘德者也！”翰林亦大笑曰：“岳丈既以此女送于小弟，郑兄从中操弄而已，何功之可赏？”郑生曰：“操弄之责，弟实甘心，发踪指示，自有其人，此岂独为小弟之罪哉？”翰林向司徒而笑曰：“苟有是也，或者岳丈为小婿作游事也。”司徒曰：“否否，老父之发已黄矣，岂可作儿戏乎？杨郎误思也。”翰林顾郑生曰：“非兄作俑，而谁复为此戏乎？”郑生曰：“圣人有言乎？‘出乎尔者，反乎尔。’杨兄更思之：曾以何计欺何许人乎？男子尚化为女子，以俗人而为仙，以仙子而为鬼，何足怪哉？”翰林乃大觉，笑向司徒曰：“是哉是哉，小婿会有得罪于小姐之事矣！小姐必不忘睚眦之怨也。”司徒与夫人皆笑而不答。翰林顾谓春云曰：“春娘汝固慧黠矣，欲事其人，而欺之，其于妇女之道如何耶？”春云跪而对曰：“贱妾但谏将军令，不闻天子诏也。”翰林嗟叹曰：“昔神女朝为云暮为雨，今春娘朝为仙暮为鬼。云与雨虽异一神女也，仙与鬼虽变一春娘也。襄王惟知一神女而已，何与于云雨之数化？今我亦知一春娘而已，何论其仙鬼之互变乎？然襄王见云则不曰云而曰神女，见雨则不曰雨而曰神女。今我遇仙则不曰春娘而曰仙，遇鬼则不曰春娘而曰鬼，是我不及于襄王远矣。春娘之变化非神女所及也。吾闻强将无弱卒，其裨将若此，其大将不待亲见而可知也。”座中皆大笑。更进酒肴，终夕大醉。春云亦以新入与于末席。至夜春云执灯陪翰林至花园。翰林醉甚，把春云之手而戏之曰：“汝真仙乎？真鬼乎？”仍就视之曰：“非仙也，非鬼也，乃人也。吾仙亦爱之，鬼亦爱之，况人乎？”又曰：“仙亦非汝也，鬼亦非仙也，或使汝而为鬼者，亦真有为仙为鬼之术。而以杨翰林为俗客而不欲相从耶？以花园为阳界而不欲相访耶？人能使汝为仙为鬼，而我独不能使汝而变化乎？使汝而欲为仙也，其将为月殿之姮娥乎？使汝而欲为鬼也，抑将为南岳之真真乎？”春云对曰：“贱妾僭越，实多欺罔之罪，惟相公宽假之。”翰林曰：“当汝之变化为鬼，亦不以为忘，到今岂有追咎之心乎？”春云起而谢之。

杨翰林得第之后，即入翰苑。自縻职事，尚未归观。方欲请假归乡省拜母亲，仍陪来京师，即过婚礼。而时国家多事，吐蕃数侵掠边境，河北三节度或自称燕王，或自称魏王，连结强邻，称兵交乱，天子忧之。传谋于群臣，广询于庙堂，将欲出师致讨。大小臣僚言议矛盾，皆怀姑息苟且之计。翰林学士杨少游出班奏曰：“宜如汉武帝招谕南越王故事，亟下诏书，诰以祸福。终不归命，用命取胜，为万全之策也。”上从之，使少游即草语于上前。少游俯伏命，走笔制进。上大悦曰：“此文典重严截，恩威并施，大得诰谕之体，狂寇必自戢矣。”印下于三镇。赵魏两国则去壬号，服朝命，上表请罪。遣使进贡马一万匹，绢一千匹。惟燕王恃其地远兵强，不肯归顺。上以两镇之服，皆少游之功，降旨褒崇曰：“河北三镇专据一隅，屈强遭乱殆百年矣。德宗皇帝起十万众，命将征伐，终未能挫其强而服其心矣。今

杨少游以盈尺之书，服两镇之贼，不劳一师，不戮一人，面皇威远畅于万里之外，朕实嘉之，赐以绢三千匹，马五千匹，表予优奖之意，仍欲进秩。少游进前辞谢曰：“代草王言，即臣职分，两镇归化，莫非天威，臣以何功，叩此重赏？况一镇犹梗圣化，敢肆跳梁，恨不能错提剑执殳，以雪国家之耻。升擢之命，何安于心？人臣愿忠，固无间于职阶之杀卑。兵家胜败，不专在于士卒之多。小臣愿得一枝之兵，倚仗天朝之威，进与燕寇决死力战，以报圣恩之万一。”上壮其意，问于大臣。皆曰：“三镇互为唇齿之形，而两镇既已屈服，小燕狂贼特鼎鱼穴蚁也。以兵临之，则必若摧枯拉朽。而王者之兵先谋后伐，请遣少游，喻以利害，不服则即加兵可也。”上然之，使杨少游持节往喻。

翰林奉诏旨，受鈇钺将发行，拜辞于司徒。司徒曰：“边镇犷逆，不用朝命非一日也。杨郎以一介书生，入不测之危地，如有不虞之变，介于无备之处，岂但为老人之不幸乎？吾老且病，虽不与朝廷未议，而欲上一书面争之。”翰林止之曰：“岳丈母用过虑，藩镇不过乘朝廷之不靖，哇误于一时也。今天子神武，朝政清明，赵魏两国，且已束手，单弱之小镇，偏少之一燕，何能为哉？”司徒曰：“王命既下，君意已定，老夫更无他盲。惟愿加餐而已。”夫人垂涕面别曰：“自得贤郎，颇慰老怀，郎今远行，我怀如何？王程有限，只祝来归疾矣。”

翰林退至花园，治行即发。春云执衣而泣曰：“相公之朝直于玉堂也，妾必早起，整包寝具，奉着朝袍。相公必流盼顾妾，常有眷眷不忍离之意。今当万里之别，何无一言相赠？”翰林大笑曰：“大丈夫当国事受重任，死生且不可顾，区区私情安足论乎？春娘无作浪悲；以伤花色。谨奉小姐，稳度时日。待吾竣事成功，腰悬如斗大金印得意归来也。”即出门，乘车而行。

行至洛阳，旧日经过之迹，尚不改矣。当时以十六岁藐然一书生，着布衣，跨蹇驴，猾猾栖栖，行色艰关，不啻如苏秦十止之劳矣。仅过数年，建玉节，驰驷马，洛阳县令，奔走除道，河南府尹，匍匐导行，光彩照耀于一路，先声麓慑于诸州，间里耸观，行路咨嗟，岂不诚伟哉？翰林先使书童，往探桂蟾月消息。书童往蟾月之家，重门深锁，画楼不开，惟有樱花烂开于墙外而已。访于邻人，则曰：“蟾月去年春，与远方相公结一夜之缘，其后称有疾病，诸绝游客，官府设宴，托托故不进矣。未几佯狂，尽去珠翠之饰，改着道士之服，遍游山水，尚未远归。不知其方在何山矣。”书童以此来报，翰林欢意遂沮，若坠深坑，过其门，抚迹潜辛，夜入客馆，不能交睫。府尹进娼女十余人而娱之，皆一时名艳也。明妆丽服，三匝围坐，前者天津桥上诸妓，亦在其中矣。争妍誇娇，欲睹一盼，而翰林自无佳绪，不近一人。翌晓临行，遂题一诗于壁上，其诗曰：

雨过天津柳色新，风光宛似去年春。

可恃玉节归来地，不见当垆劝酒人。写讫投笔，乘轺取其前路而去。请教立望行尘

，只切慙赧而已，争腊其诗纳于府尹。府尹责众妓曰：“汝辈若得杨翰林之一顾，则可增三倍之价。而一队新妆，皆不入于杨翰林之眼，洛阳自此无颜色矣。”问于众妓，知翰林属意之人，揭榜四门，访蟾月去处，以待翰林复路之日矣。

翰林至燕国，绝微之人，未曾睹皇华威仪，见翰林如地上祥麟，云间瑞凤，到底拥车塞路，无不以一睹为快。而翰林威如疾雷，恩如时雨，边民亦皆欣欣鼓舞喷舌，相称曰：“圣天子将活我矣。”翰林与燕王相见，翰林盛称天子威德，朝廷处分，以向背之执，顺逆之机，纵横阖闾，言皆有理。滔滔如海波之泻，凜凜如霜飈之烈。燕王瞿然而惊，惕然而悟，乃以膝蔽地而谢曰：“弊藩僻陋，自外圣化，习狃常，迷不知返。此承明教，大觉前非。自此当永戢狂图，恪守臣职。惟皇使归奏朝廷，使小邦园危获安，转祸为福，则是小镇之幸也。”因设宴予辟舘宫以饯。翰林将行，以黄金百镒，名马十匹贐之。翰林却不受，离燕土而西归。

行十余日，至邯郸之地，有美少年，乘匹马在马前矣。仍前导辟易，下立于路旁。翰林望见曰：“彼书生所骑者必骏马也。”渐近，则其步年美如卫玠，娇如潘岳。翰林目，“吾尝周行两京之间，而男子之美者，未见如彼步年者也。其貌如此，其才可知。谓从者：“汝请其少年随后而来。”

翰林午憩驿馆，少年已至。翰林使人邀之，少年入谒。翰林爱而谓曰：“学生于路上循见潘卫之风彩，便生爱慕之心，乃敢使人奉邀，而惟恐不我顾矣。今蒙不遗，幸叩合席，此所谓倾盖若旧者也。愿闻贤兄姓名。”少年答曰：“小生北方之人也，姓狄名百鸢，生长穷乡，未遇硕师良友，学术粗识，书剑无成，尚有一片之心，欲为知己者死。今相公使过河北，威德并行，雷厉风飞，陆慄水慄，人慕荣名，其有既乎？小生不揆鄙拙，欲托门下，一效鸡鸣狗盗之贼技矣。相公俯察至愿，有此辱速。岂直为小生之荣？实有光于大人先生屈身待士之盛德也。”翰林尤喜曰：“语云‘同声相应，同气相求。’两情相投，甚是快事。”此后与狄生并辔而行，对床而食。过胜地则共谈山水，值良宵则共赏风月，不知鞍马之劳、行役之苦。

还到洛阳，过天津桥。乃有戚旧之意曰：“桂娘之自称女冠，浮游山间者，想欲守初盟以待吾行。而吾已杖节归来，桂娘独不在焉！人事乖张，佳期婉晚，乌得无惻怆之心乎？桂娘若知吾顷日之虚过，则必来待于此，而想其踪迹，不在于道观，则必在于尼院。道路消息，何以得闻？噫！今行又不得相见，则未知费了几许日月，有团会之期乎？”忽送遐瞩，则一佳人独立楼上，高卷绡帘，斜倚綵栏，注目于车尘马蹄之间，即桂蟾月也。翰林思想之余，忽见旧面，倾畅之色可掬矣。隼辔如风，瞥过楼前，两人相观凝情而已。

俄至客馆，蟾月先从捷径已来，候于馆中。见翰林下车，进拜于前，陪入帟幪，接裾而坐，悲喜交切，泪下言前。乃偃身而贺曰：“驱驰原隰，贵体万福，足慰恋慕之贱谅也。”仍历陈别后事曰：“自别相公，公子王孙之会，太守县令之宴，左右

招邀，东西侵逼，遭逆境非一二。而自剪头发，称有恶疾，仅免胁迫之辱。尽谢华妆，幻着山衣，避城中之嚣尘，栖谷里之静室，每逢游山之客，访道之人，或自城府而至，或从京师而来者，辄问相公消息矣。今年孟春，忽闻相公口含天纶，路经此地，车徒行色远矣，遥望燕云，惟洒血泪。县令为相公至道观，以相公馆壁所题一首诗示贱妾曰：‘向者杨翰林之奉命过此，金桔满车，而以不见蟾娘为恨，终日看花，不折一枝，惟题此诗而归，娘何独栖山林，不念故人，健我接待之礼太埋没乎？’仍以过致敬礼，自谢前日之事，恳请远归旧居，以待相公之回。贱妾如知女子之身亦尊重也。当贱妾独立于天津楼上，望相公之行也，满城群妓，栏街行人，孰不羡小妾之贵命，钦小妾之荣光也哉？相公之已占状元，方为翰林之报。妾已闻之矣，第未知已得主馈之夫人乎？”翰林曰：“曾已订婚于郑司徒女子，花烛之礼，虽未及行，其贤淑已行，已闻之熟矣。桂卿之言，小无遥庭。良媒厚恩，太山亦轻矣。”更展旧情，未忍即离。仍留一两日，而以桂娘在寝，久不访狄生矣。

书童忽来密告曰：“小仆见狄生秀才非善人矣，与蟾娘子相戏于众稠之中。蟾娘子既从相公，则与前日大异矣，何敢若是其无礼乎？”翰林曰：“狄生必无是理，蟾娘尤无可疑，汝必误见也。”书童怏怏而遣。俄而复进曰：“相公以小仆为诞妄矣，两人方相与欢戏，相公若亲见之，则可知小仆之虚实矣。”翰林乍出西廊而望见：则两人隔小墙而立，或笑或语，携手而戏，欲听其密语，稍稍近往，狄生闻曳履声，惊而走。蟾月顾见翰林，颇有羞涩之态。翰林问曰：“桂娘曾与狄生柏亲乎？”蟾月曰：“妾与狄生虽无宿昔之雅，而与其妹子有旧谊，故问其安否矣。妾本娼楼贱女，自然濡染于耳目，不知远嫌于男子。执手戏，附耳密语，以招相公之疑。贱妾之罪实合万殒！”翰林曰：“吾无疑汝之心，汝须无介于中也。”仍商量曰：“狄生少年也，必以见我为嫌，我当召而慰之。”使书童请之，已去矣。翰林大悔曰：“昔楚庄王，绝缨以安其群臣矣。我贝町欲察暧昧之事，仍失才美之士，今虽自责何可及也。”即使从者遍访于城之内。是夜与蟾月话旧论心，对酒取乐，至夜半，灭烛而寝矣。基微明始觉。则蟾月方对妆镜调铅红臭。泻情留日。心忽惊悟。更见之：则翠眉明眸，云鬓花脸，柳腰之勾约，雪肤之皎洁，皆蟾月，而细审之则非也。翰林惊愕疑惑，而亦不敢诘焉。

金鸾真学士吹玉箫

蓬莱殿宫娥乞佳句

翰林细绎深推，知非蟾月，而后乃问曰。“美人何如人也？”对曰：“妾本播州人，姓名狄惊鸿电，自幼时与蟾娘结为兄弟，昨夜蟾娘谓妾曰：‘吾适有病，不得侍相公矣，汝颇代我之身，俾免相公之责。’以此妾敢替桂娘，猥陪相公矣。”言未毕，蟾月开户而入曰：“相公又得新人，妾敢献贺矣。贱妾曾以河北狄惊鸿，荐于相公，贱妾之言果何如？”翰林曰：“见而大胜闻名。”更察惊鸿仪形，则与狄生无毫发异矣。乃言曰：“元来狄生是鸿娘之同气也。男女虽异，容貌即同，狄娘

为狄生之妹乎？狄生为狄娘之兄乎？我昨日得罪于狄兄矣！狄兄今何在乎？”惊鸿曰：“贱妾本无兄弟矣。”翰林又细见，大悟笑曰：“邯鄲道上从我而来者，本狄娘也。昨日墙隅与桂娘语者，亦鸿娘也。未知鸿娘以男服瞞我何也？”惊鸿对曰：“贱妾何敢欺罔相公乎？贱妾虽貌不逾人，才不如人，平生愿从君子人矣。燕王过闻妾名，睹以明珠一斛，贮之宫中，虽口饫珍味，身厌锦繡，非妾之愿也。菀菀如鹦鹉，深锁于雕笼，心欲奋飞，而恨不能得也。顷日燕王邀相公开大宴也，妾穴窗纱而见之，则是贱妾愿从者也。然宫门九重，何以能越？长程万里，何以自致？百尔思度，仅得一计。而相公离燕之日，妾若抽身而从之，则燕王必使人追蹶。故待相公启程后十日，偷骑燕王千里马，第二日追及邯鄲。及拜相公，宜告实状，恐烦耳目，不敢开口，欺臆之责实难逃也。前日之着男子巾服者，欲避追者之物色。昨夜之效唐姬古事者，盖循桂第之情恳也。前后之罪，里有可恕，而惶恐之心久益切矣，相公若不绿其过，不嫌其陋，而假乔木之荫，借一技之巢，则妾当与蟾娘，同其去就，待相公有室之后，与蟾娘进贺于门下矣。一翰林曰：“鸿娘高义，虽杨家执拂之妓，不敢跂也。我愧无李卫公将相之才而已，欲相好岂有量哉？”鸿第亦谢之。蟾月曰：“鸿第既代妾身以待相公，妾亦当代鸿娘而谢于相公矣。”仍起拜漾漾，是日，翰林与两人经夜。明朝将行，谓两人曰：“道路多烦，不得同车，将待归家即相迎矣。”

至京师，复命于阙下。时燕藩表文及贡献金银綵段，亦适至矣。上大悦，慰其勤劳，褒其勋庸，将议封侯，以咎其功。因翰林力辞，寝其议。擢拜礼部尚书，兼带翰林学士，赏赉使蕃，宠遇降至，人皆荣之。翰林还家，司徒夫妻迎见于中堂，贺其成功于危地，喜其超秩于卿月，欢声动一家矣。尚书归花园，与春娘说离抱，结新欢，郑重之情可想矣。

上重杨少游文学，频召便殿讨论经史，翰林之直宿最频。一日罢夜对，归直庐，宫壶漏滴，禁苑月上。翰林不堪豪兴，独上高楼凭栏而坐，对月吟诗，忽因风便而闻之：则洞箫一曲，自云霄葱笼之间，渐渐而来矣。地密声远，虽不能辨其调滴，而俗耳所不闻者。乃招院吏而问曰：“此声出于宫墙之外耶？或宫中之人有能吹此曲者乎？”院吏曰：“不知也。”仍命普酒，连饮数觥，乃出所藏玉箫，自吹数曲。其声直上紫霄，彩云四超，听之若鸾凤之和鸣也。青鹤一双，忽自禁中飞来。应其节奏，翩翩自舞。院中诸吏大奇之，以为王子晋在吾翰苑中矣。

时皇太后有二男一女，皇上及越王，兰阳公主也。兰阳之诞生也，太后梦见神女奉明珠置怀中矣。公主既长，兰姿蕙质，超出于银潢玉叶之中。一动一静、一语一默，皆有法度，顿无俗态，文章女工亦皆逼真。太后以此钟爱甚笃。时西域太真国，进白玉洞箫，其制度极妙，而工人吹之，声不出矣。公主一夜梦遇仙女，教以一曲，公主尽得其妙，及觉试吹太真玉箫，声韵其清，律吕自叶。太后及皇上皆异之。而外人莫之知矣。公主每吹一曲，群鹤自集于殿前，蹁跹对舞。太后谓皇上曰：“昔秦穆公女弄玉，善吹玉箫。夸兰阳妙曲，不下于弄玉，必有箫史者，然后方使兰

阳下嫁矣。”以此兰阳已长成，而尚未许聘。是夜，兰用适吹箫于月下，以调鹤舞矣。曲罢青鹤飞向玉堂而去，舞于翰苑。是后宫人盛传，‘杨尚书吹玉箫，舞仙鹤，其言通入宫中。天子闻而奇之，以为公主之缘必属于少游。入朝于太后，以此告之曰：“杨少游年岁与御妹相当，其标致才学，于群臣中无二，虽求之天下，不可得也。”太后大笑曰：“萧和婚事讯无定处，我心常自纠结矣。今闻是语，杨少游即兰阳天定之配也。但欲见其为人而定之矣。”上曰：“此不难矣，后日当召见杨少游于别殿讲论文章，娘从帘内一窥则可知矣。”太后益喜，与皇上定计。兰阳公主名萧和，其玉箫刻“箫和”二字，故以此名之。

一日天子燕坐丁蓬莱殿，使小黄门召杨少游。黄门往翰林院，则院吏曰：“翰林已出去矣。”往问郑司徒家，则曰：“翰林果还受。”黄门奔驰，慌忙奠知去向矣。时杨尚书与郑十三大醉于长安酒楼，使名娼朱娘玉露唱歌，轩轩笑傲，意气自若。黄门飞鞋而来，以命牌召之，郑十三大惊跳出。翰林醉目朦胧，鬓发鬅髻，不省黄门之已在楼上矣。黄门立促之，翰林使一娼扶而起，着朝袍随中使入朝。天子赐座。仍论历代帝王治乱兴亡，尚书出入古今，敷秦明恺，天颜动色。卫问曰：“组绘诗句，虽非帝王之要务，惟我祖宗亦尝留心于此。诗文或传播于天下，至今称诵。卿试为我论圣帝明王之文章，评文人墨客之诗篇，勿惮勿讳，定其优劣。上而帝王之作，谁为雄也？下而臣邻之诗，谁为最也？”尚书伏而对曰：“君臣唱和，自大尧帝舜而始，不可尚，已无容议。为汉高祖‘大风’之歌，魏太祖‘月明星稀’之句，为帝王诗词之宗。西京之李陵，邺都之曹子建，南朝之陶渊明、谢灵运，最其表著者也。自古文章之盛，母如国朝者。国朝人才之蔚兴，无过于开元，天宝之间。常王文章，玄宗皇帝为千古之首。诗人之才，李太白无敢于天下矣。”上曰：“卿言实合于朕意矣，朕每见太白学士清平词、行乐词，则恨不与同时也。朕今得卿，何羨太白乎？朕遵国制，使宫女十余人掌翰墨，所谓女中书也，颇有雕篆之才，能摸月露之形，其中亦有可观者矣，卿效李白倚醉题诗之旧事，试挥彩毫，一吐珠玉，毋负官娥景仰之诚。朕亦欲观卿倚马之作，吐凤之才。”即使宫女，以御前琉璃砚，甲白玉笔床，玉蟾蜍砚滴，移置于尚书席前。诸宫人已承乞诗之命矣，各以笔钏罗巾画扇，擎进于尚书。尚书醉兴方高，诗思自涌，遂拈彤管，次第挥洒。风云倏起，云烟争吐，或制绝句，或作四韵，或一首而止，或两首而罢，日影未移，钏帛已尽。宫女以次跪进于上，上一一鉴别，个个称扬，谓官娥等曰：“学士亦既劳矣，特宣御酝。”诸宫女或擎黄金盘，或把琉璃钟，或执鹦鹉杯，或擎白玉床，满酌清醴，备列佳肴，乍跪乍立，迭劝迭进。翰林左受右接，随一献辄倒，至十余觥，韶颜已首苦，玉山欲颓。上命止之。又教曰：“学士一句可值千金，真所谓无价宝也。诗曰：‘投之木果，报蹦琼琚，尔辈以何物为润笔之资乎？’群娥或抽金钗，或解玉佩，或卸指环，或脱金钏，争投乱掷，顷刻成堆。上召谓小黄门曰：“尔收取尚书所用笔砚及砚滴，官娥润笔之物，随尚书而去，传给于其家。”尚书叩头谢恩，欲起还仆，上命黄门扶掖而出。至宫门，驺从齐拥上马，归到花园。春云扶上高轩，解其朝服而问曰：“相公过醉谁家酒乎？翰林醉甚不能答，已而苍头奉赏赐笔砚及钗钏首饰等物，积置于轩上。尚书戏谓春云曰：“此物皆天子赏

赐春云者也，我之所得与东方朔谁优？”春云更欲问之，翰林已昏倒，鼻息如雷。

翌日高春，尚书始起盥洗矣。闻者走告曰：“越王殿下下来矣。”尚书惊曰：“越王来之必有以也。”颠蹶而出迎王。上座施礼，年可二十余岁，眉宇炯然，真天人也。尚书跪而曰：“大王枉屈于陋地，抑有何教也？”王曰：“寡人窃慕盛德雅矣，出入异路，尚稽承稳。兹奉上命，来宣圣旨矣。兰阳公主正当芳年，朝家方拣驸马矣。皇上爱尚书才德，已定厘降之仪，先使寡人谕之。诏命将继下矣。”尚书大骇曰：“皇恩至此，臣首至地，过福之灾，有不暇论。而臣与郑司徒女子约婚纳聘已经岁矣，伏望大王，以此意奏达于皇上。”王曰：“吾当归奏于天阶，而惜乎皇上爱才之意已归虚矣。”尚书曰：“此关系人伦之大事，不可忽也。臣当请罪于阙下矣。”王即辞归。

尚书入见司徒，以越王之言告之，春云已告于内阁矣，举家遑遑，莫知所为。司徒惨檐，不能出一言。尚书曰：“岳丈勿忧。天子圣明，守法度重礼义，必不怀了臣等之纶纪。小婿虽不肖。誓不作宋弘之罪人矣。”

先时太后出临蓬莱殿，窥见杨步游。心甚喜悦，谓皇上曰：“此真兰阳之匹也。吾既亲见，更何议乎？”即使越王先谕于杨少游。天子方欲命召而而谕矣，时上在别殿，忽思昨日少游诗才笔法俱极清妙，更欲亲览，使太监尽收女中书等所受诗笺。诸宫人皆深藏于篋笥，而惟一宫人持题诗画扇，独归寝所，置之怀中，终夕悲啼，忘寝废食。此宫女非他人也，姓秦氏名彩凤，华州秦御史女子。御史死于非命，没入于宫掖，官人皆称秦女之美，上召见之，欲封婕妤。时皇后有宠，嫌秦女之太美，自于上曰：“秦家女可合昵侍至尊，而陛下杀其父而近其女，恐非古先哲王立刑远色之道也。”上从之。问于秦氏曰：“汝知文字乎？”秦女曰：“仅辨鱼鲁矣。”上命为女中书，使掌宫中文书，仍令进往皇太后宫中，陪兰阳公主，主读书习字。公主大爱秦氏妙色奇才，视如宗戚，跬步相随，不忍一时分离，秦氏是日侍太后往蓬莱殿，仍承上命，与女中书等乞诗于杨尚书，尚书之七邀百骸，曾已铭镂于秦氏之心肝矣，岂有不知之理哉？秦女生存，尚书既不能知之，况天威咫尺，亦不敢举目。秦女一见尚书，心如火炽，藏悲匿哀，恐被人知，痛情义之不通，悲旧缘之难续，手把圆扇，口咏清诗，一展一吟，不忍暂释。其诗曰：

纨扇团团似明月，佳人玉手争皎洁。

五絃琴里薰风多，出入怀里无时歇。

纨扇团团月一团，佳人玉手正相随。

无路遮却如花面，春色人间总不知。

秦氏詠前一首，而叹曰：“扬郎不知我心矣。我虽在宫中，岂有承恩之念哉？”又詠后一首而叹曰“我之容颜，他人虽不得见之，杨郎必不忘于心，而诗意若斯，咫尺诚如千里矣！”仍忆在家之时，与杨郎唱和《杨柳词》之事，悲不自抑，和泪濡笔，续题一诗于扇头。方吟哢矣，忽闻太监以上命，来索画扇，秦氏骨惊胆落，肌肉自颤，叫苦之声自出于口，曰：“我其死矣，我其死矣！”

宫女掩泪随黄门

侍妾含悲辞主人

太监谓秦氏曰：“皇上欲复见杨尚书之诗，故小宦承命来收矣。”秦氏泣谓曰：“薄命之人死期已迫，偶和其诗题于其尾，自犯必死之罪。皇上若见之，则必不免诛戮之祸。

与其伏法而死，毋宁自决之为快也。方将以此残命，付于三尺之下，而身死后，掩土一事，专恃于太监。伏乞太监哀之怜之。收瘞残骸，无令为鸟鸢之食，幸甚幸甚。”太监曰：“女中何为此言也？圣上仁慈宽厚，迥出百王，或者终不加罪。没有震叠之成，我当出力救之。中书随我瓶来。”秦氏且哭且行，随太监而走。太监使秦氏立于殿门之外，入以诸诗进于上。上留眼披阅。至秦氏之扇，尚书所题之下，又有他诗。上讶之，问于太监。太监告曰：“秦氏谓臣云：‘不知皇父有寝取之命，猥以荒芜之语，续题于其下，此死罪必不贷血。’仍欲自死，臣开谕而止。领率而来矣。”

上又詠其诗。诗曰：

纨扇圆如秋月圆，忆曾楼上对羞颜。

初知咫尺不相识，却悔教君仔细看。

上见毕曰：“秦氏必有私情之，不知于何处，与何人相见，而其诗意如此耶？然其才足情而可奖也！”使太监召之。秦氏伏于阶下，叩头请死。上下教曰：“直告则当赦死罪。汝与何人有私情乎？”秦氏又叩头曰：“臣妾何敢抵讳于严问之下乎？臣妾家败亡之前，杨尚书赴举之路，适过妾家楼前，臣妾偶与相见，和其《杨柳词》，送人通意，与结婚媾之约矣。顷当蓬莱引见之日，妾能解旧而，而杨尚书独不知，故妾恋旧兴感，抚躬自悼，偶题胡乱之说，终至于上累圣鉴。臣妾之罪万死犹轻。”上悲怜其意，乃曰：“汝云《杨柳词》，结婚媾之约，汝能记得否？”秦氏即缮写以上。上曰：“汝罪虽重，汝才可惜。且御妹爱汝殊甚，故朕特用宽典，赦汝重罪，汝其感篆国恩，殫竭心诚，以事御妹宜矣。”即下其纨扇，秦氏拜受，惶恐顿谢而退。

是日陪太后而坐。“越王自杨尚书家来入朝，以杨尚书曾已纳聘之意奏之。皇太后不悦曰：“杨少游爵至尚书，宜知朝廷事体，而何其固滞若是耶？”上曰：“少游虽已纳聘与成亲，朕而谕则似不可不从也。”

翌日，命召礼部尚书杨少游。少游承命入朝。上曰：“朕有一妹，资质超常，非卿无可与为配者。朕使越王以朕意谕之矣。闻卿託以纳聘云此，卿之不思也甚矣。前代帝王选择驸马也，或出其正妻。故若王献之，终身悔之。惟宋弘不受君命。朕意则与古先帝王不同，既为天下万民之父母，则岂可以非礼之事，加于人哉？今卿虽斥郑塞之婚，郑女自当有可归之处，卿无糟糠下堂之嫌，岂可有害于伦纪乎？”尚书顿首奏曰：“圣上不惟不罪，又从而谆谆面命，若家人父子之亲。臣感祝天恩，之外，更无可奏者矣。然臣之情势与他人绝异。臣远方书生，入京之日，无处可託，厚蒙郑家眷遇之恩，迎以舍之，礼以待之，非但伉俪之礼已行于入门之日，已与司徒定翁婿之分，有翁婿之情。且男女既已相见，恰有夫妇之恩义，而未行亲迎之礼者，盖以国家多事，不遑将母也。今幸藩镇归化，天忧已纾，臣方欲急请还乡迎归老母，卜日成礼矣。意外皇命，及于天状，小臣惊惶震惧，不知所以自处也。臣若伏威畏罪，将顺皇命，则郑家女“死自守，必不他适，此岂非匹妇之失所，王政之有歉者乎？”上曰：“卿之情理虽云闷迫，若以大义言之，则卿与郑女本无失妇之义，郑女岂可不入于他人之门乎？夸朕之欲与卿结婚者，不独朕以柱石待卿也，以手足视卿也。”

太后慕卿威容德器，亲自主张，恐朕亦不得自由矣。”尚书犹且固让。上曰：“婚姻大事也，不可以一言决定，朕姑与卿着棋，以消长日矣。”命小黄门进局。君臣相对赌胜，日昏乃罢。

郑司徒见杨尚书之来，悲惨之色溢于满面，拭泪而言曰：“今日皇太后下诏，使退杨郎之札綵，故老夫已出付于春云，置于花园。而顺念小女之身世，吾老夫妻心事，当作何如状也？吾则仅能撑支，而老妻沈虑成疾，方昏瞶不省人事矣。”尚书失色无言。过食顷，乃告曰：“是情不可但已，小婿当上表力争。朝廷之上，亦岂无公论？”司徒止之曰：“杨郎之违拒上命已至再矣。今若上疏，则岂无批鳞之惧哉？必有重谴！下如顺受面已。且有一事，杨郎之仍处处园，大有不安于事体者，仓卒相离，虽甚缺然。移寓他所，实合事宜矣。”杨尚书不答，屡到花园。春云呜呜咽咽，泪痕染澜，乃奉纳币物曰：“贱妾以小姐命来，侍相公已有年矣。偏荷盛眷，恒切感愧，神妬鬼精，事乃大谬。小姐婚事，无复余望，贱妾亦当永诀相公，归侍小姐。天乎！地乎！鬼乎！人乎！”仍饮泣，声如缕矣。尚书曰：“吾方欲上疏力辞，皇上庶或回听，设未能得听。女子许身于人，则从夫礼也，春娘夫岂背我之人哉？”春娘曰：“贱妾虽不明，亦尝闻古人绪论矣。岂不知女子三从之义乎？春云情事有异于人。妾会自吹葱之日，与小姐游戏。及至毁齿之岁，与小姐居处，忘贵贱之分，结生死之盟，吉凶荣辱，不可异同。春云之从小姐，如影之随形，身固既去，则影岂独留乎？”尚书曰：“春娘为主之诚可谓至矣。但春娘之身，与小姐

异，小姐东西南北，唯意择路。春娘从小姐事他人，得无有妨于女子之节乎？”春云曰：“相公之言到此，不可谓知吾小姐也。小姐已有定计，长在吾老爷及夫人膝下，待过百年之后，洁身断发，去託空门，发愿于佛前。世世生生，誓不为女子之身。春云踪迹亦将如斯面已。相公如欲复见春云，相公礼币复入于小姐房中，然后当议之矣。不然则今日即生离死别之日也。妾任相公使令者专矣。荷相公恩爱者久矣。报效之道，惟在于拂枕席、奉巾栉，而事与心违，到此地头，只愿后世为相公犬马，只效报主之忱矣。惟相公保摄保摄。”向隅呼眺者半日，乃翻身下阶，再拜而入。

尚书五情愤乱，万虑胶扰，仰屋长吁，抚掌频唏而已。

乃上一疏，言甚激切，其疏曰：

礼部尚书臣杨少游，谨顿首百拜，上言于皇帝陛下；代以伦纪者，王政之本也。婚姻者、人伦之始也。

一失其本，则风化大坏。而其国乱，不谨其始。则家道币成，而其家亡，有关于家国之兴衰者，不其较著乎？是以圣王哲辟，未尝不留意于是。欲治其国，必以慎伦纪为重。欲齐其家，必以定婚姻为先者何？莫非端本出治之道，别嫌明微之意也。臣既已纳币于郑女，且已托迹于郑家，则臣固有妻也，不意今者归妹之盛礼，遽及于无似之贱臣。臣始疑终惑，震惊悚惕，实不知圣上之举措。朝家处分，果能尽其礼而得其当也。设令臣未行伀皮之币，币作甥馆之垂，族贱而地微，才浅而学蔑，则实不台于锦裔之抄拣。而况与郑女已有伉俪乏义，与妊翁已定舅甥之分，不可谓六礼之未行也。岂可以贵位之尊，下嫁于匹夫之徽而行非礼之礼乎？至于密下内旨，使之废已行之礼义、退已捧之聘币，尤非臣攸闻也。臣恐陛下未能效光武待宋弘之宽也。贱臣危迫之洗，已关于圣明之听。郑女穷蹙之情，亦系于私家之事。臣固不敢更愿于絃纆之下，而臣之所恐者，王政由臣而乱，人伦因臣而废，以至于上景圣治，下坏家道，终不被乱亡之祸也。伏乞圣上重礼义之本，正风化之始，亟收诏命，以安贱分。不胜幸甚。

上览疏，转奏于太后。太后大怒，下杨少游于狱。朝廷大臣一时齐谏。上曰：“朕知其罪罚之太过，而太后娘娘方震怒，朕不敢救。”太后欲困杨少游，不下公事者至数日。

郑司徒亦惶恐，杜门谢客。

此时吐蕃强盛，轻易中国，起卜万大兵，连陷边郡，先锋至渭桥，京师震惊。上会群臣议论，皆曰：“京城之卒，未滿数万。外方援兵，势不可及。暂避京城，出巡关东。召诺道兵马，以图恢复可也。”上犹豫未决曰：“诸臣中惟杨步游善谋能断

，朕甚器之。前日三镇之服，皆少游之功也。”罢朝入告太后。太后使者持节放少游，召见问计。少游奏曰。“京城宗庙所在，宫阙所寄，今若弃之，则天下人心必从动摇，且为强贼所据，则亦未可指且恢拓矣。代宗朝，吐蕃与回纥合力，驱百万兵来犯京师，其时王师之单弱，甚于此时。汾阳王匿郭子仪，以匹马却之。臣之才略比子仪，虽万万不相及，愿得数千军，扫荡此贼，以报再生之恩。”上素知少游有将帅才，即拜为大将，使发京营军三万讨之。

尚书拜辞而出，指挥三军，阵于渭桥，讨贼先锋，擒左贤王。贼势大挫，潜师遁去。尚书追击，三战三捷，斩首级三万，获战马八千匹，以捷书报之。天子大悦，使即班师，论诸将之功，以次赏赍，少游在军中上疏，其疏曰：

臣闻王者之兵，贵于万全，而坐失机会，则功不可成也。又闻常胜之家，难与虑敌，而不乘饥弱，则娥不可破也。夸娥之兵力，不可谓不强，器械不可谓不利，而彼则以客而犯主，我则以饱而待饥，此臣所以树尺寸之功，而贼军形势日蹙而兵日弱矣。兵法乘劳，乘劳而不胜者，盖饷馈之不及也，地利之不便也。今赋气既挫，蹈藉疲困，贼之劳弊极矣。雄州大城皆思峙，芻粮则我无半菽之患。平原广野最得形便，则彼无设伏之处。若蓄锐勇进，追蹙其后，则庶几坐收全功。今乃徇一时之小捷，弃万全之良策，径罢王师，不竟天讨者，臣未知其得计也。伏愿陛下博采庙议，廓挥乾断，许夸臣驱兵远袭，直捣巢穴。臣虽不能燔龙城之绩，勒燕然之石，誓使支轮不返，一箭不发，以除我圣上西顾之忧矣。

疏至，上壮其意嘉其忠，即进秩拜御史大夫兼兵部尚书征西大元帅，赐尚方斩剑，彤弓赤箭，通天御带白旄黄钺。

诏发朔方河东陇西诸道兵马，以助其军势。

杨少游奉诏向阙拜谢，择吉日祭旗纛，仍发行。言其兵法，则六韬之神谋也。语其阵势，则八卦之奇变电。军容并并，号令肃肃，因建瓴之势，成破竹之功。数月之间，复所失五十余城，驱大军至积雪山下。一阵回风忽起于马前，有鸣鹄横穿阵中而去。尚书于马上卜之，得一卦曰：“贼兵必袭吾阵，而终有吉也。”留阵山底，铺鹿角、蒺藜于四面，整齐三军，设备而待。尚书坐帐中烧椽烛，阅看兵书，巡军已报三更矣。忽寒飙灭烛，冷气袭人。一女子自空中下，立于帐里，手把尺八匕首，色如霜雪矣。尚书知是刺客，而神色不变，威棱益冽，徐问曰：“汝子何人？夜入军中有甚意也？”女子管曰：“妾承吐蕃国赞普之命，欲取尚书首级而来矣。”尚书笑曰：“大丈夫何畏死也？须速下手。”女子掷剑而前，叩头而对曰：“贵人勿虑，妾何敢惊动贵人乎？”尚书就而扶起曰：“君既挟利刃入军营，反不害我何也？”女子曰：“妾之本末虽欲自陈，恐非立谈之间所能尽也。”

尚书赐坐而问曰：“娘子之涉险冒危，来见少游，必有好意也。

将何教之？”其女子曰：“妾里有刺客之名，实无刺客之心，妾之肝当吐露于贵人矣。”自起燃独，当前而坐。其人椎结云发，高插金簪，身着挟袖战袍，而袍上画石竹花，着风尾靴，腰悬龙泉剑，天然艳色，若浥露之海棠花，非从军之木兰，必偷盒之红线也。继而言曰：“妾本扬州人也，世为大唐之民。幼失父母，从一女子为其弟子，其女子剑术神妙，教弟子三人，即秦海月、金繇虹、沈袅烟，袅烟即妾也。学剑术三年，能传变化之术，乘长风还，飞电瞬息之顷，行千余里矣。三人剑术别无高下，而师或欲报仇，或欲杀恶人，则必遣繇虹海月，而独不使妾。妾问‘吾三人共事师父，同受明教，而弟子则独束报师父之惠，敢问妾才拙不足任师父使命乎？’师曰：‘尔非我流也，他日当得正遭，终有成就。今若共此两人，杀害人命，则岂不有损于汝之心行乎？是以不遣也。’妾又问曰：‘若然则妾学得剑术将何用乎？’师曰：‘之前世之缘，在于大唐国，而其人大贵人乎。汝在外国邂逅无便，吾所以教汝剑术者，欲使汝因此小技，得逢贵人。汝他日当入百万军中，得成好缘于藏马之间矣。’今春帅又谓妾曰：‘大唐天子使大将军征伐吐蕃，赞普招募刺客，欲害唐将，汝须趁此下山，往于吐蕃国，与诸剑客较长短之术，一以救唐将之祸，一以结前身之缘。’妾奉师命之蕃国，自摘城门所挂之榜，赞普召妾而入，使与先到众刺客较才，妾片时能割十余人椎髻，赞普大喜，遣妾而言曰：‘待汝献庸将之首，封汝为贵妃。’今逢尚书，师父之言验矣。愿自此永奉履綦，忝侍左右。

相公其果肯诺乎？”尚书大喜曰：“娘子既救濒死之命，且欲以身而事之，此恩何可尽报？白首偕老是我志矣。”因与同寝，以枪剑之色，代花灯之光。以刀斗之响，替琴瑟之声。伏波营中，月影正流，玉门关外，春色已回。戎幕中，一片豪兴。未必不愈于罗帷綵屏之中矣。

是后尚书晨昏沉溺，不见将士至三日矣。袅烟曰：“军中非妇女可居之处，兵气恐不扬矣。”乃欲辞归。尚书曰：“仙娘非世红粉儿所可比也，方析画奇计，运妙策，教我而破贼矣！娘何弃归耶？”袅烟曰：“以相公之神武，荡残贼之巢窟，在唾手间耳，何足以烦相公之虑哉？妾之此来，虽仍师命，未及永辞矣。归见师父，姑居山中，徐待相公回军，当归拜于京城矣。”尚书曰：“然娘子去后，赞普更遣他刺客，将何以备之？”袅烟曰：“刺客虽多，皆非袅烟之敌手，若知妾归顺于相公，则他人安敢来乎？”手探腰问出一颗珠曰：“此珠名妙儿玩，即赞普椎髻上所系者也。相公命使者送此珠使赞普，知妾无复归之意也。”尚书又问：“此外更无可教者乎？”袅烟曰：“前路必过盘谷，而此谷无可饮之水，相公须慎之。凿井饮，三军则好矣。”尚书又欲问计，袅烟一跃腾空，不可复见矣。尚书会将士，语袅烟之事，皆曰：“帅洪福如天，神武摺敌，想有神人来助矣。”

卷之四

卷之四

白龙潭杨郎破阴兵

洞庭湖龙君宴娇客

尚书即发使，遣妙儿玩于吐蕃。遂行到大山之下，峡路甚窄，才容一马。攀壁缘涧，鱼贯而进。过数百里，始得稍广之处。设寨立营，歇马休军，军士劳顿渴甚，求水不得。

山下有大泽，争饮其水。饮毕遍身皆青。语言不通，战栗欲死，奄奄就尽。尚书未自往见，其水色沈碧，深不可捌，寒气凜栗，似挟秋霜，始悟曰：“是必裊烟所谓盘蛇谷也。”

督余军掘井，众军凿数百余井，高可十丈，而无一涌水之处。尚书大以为悯，方欲撤营移阵于他处矣。鞞鼓之声忽自山后而来。雷声殷地，岩谷皆应，贼兵据其险阻，以绝归路。官军进退俱碍，饥渴且甚。尚书方在营中思退敌之计，而终无善策。闷恼之久，神气颇困，倚桌而少眠。忽有异香遍军营中，女童两人进立于尚书之前，容状奇异，非仙则鬼，告于尚书曰：“吾娘子欲告一言于贵人，愿贵人无惜一枉于陋秽之地”。尚书问曰：“娘子是何人？在何处？”管曰：“吾娘子即洞庭龙君小女也，近日暂离宫中来寓于此矣。”尚书曰：“龙神所在即水府也，我人世人也，将以何术致身乎？”女童曰：“神马已系於门外，贵人骑之，则自当至矣。水府不远，何难之有乎？”尚书随女童出辕门，从者数十人，衣服殊制，仪形不常，扶尚书上马。

马行如流，飞尘不起于蹄下矣。俄顷臻水中宫阙，宏丽如壬者之居。守门之卒，皆鱼头虾须矣。女童数人自内开门出导。尚书升堂上。殿中有白玉交椅，南向而设。侍女请尚书坐其上，铺锦繡，步障于阶砌之下，即入于内殿，未几，侍女十余人，引一个女子，从左边月廊抵殿前。姿态之媚。

服饰之华，俱不可形言。侍女一人至前请曰：“洞庭龙王之女，请谒于杨元帅矣。”尚书惊欲避之，两侍女挟持，使不可下床。龙女向前四拜，琳琅戛响，芬馥射人。尚书请上殿，龙女辞逊不敢，设小席而坐。尚书曰：“杨少游尘世贱品，娘子水府灵神，礼貌何太恭也？”龙女答曰：“妾即瀾庭龙王女凌波也。妾之始生也，父王朝于上界，请张真人，卜妾之命，真人辩蕃曰。‘此娘子前身即仙女也，因罪谪降为王之女，而毕竟复得人形，为人间贵人之姬。’妾享富贵荣华之乐，悉耳目心

志之娱，终归佛永为大禅定矣。吾龙神为术族之宗，而以幻人之形为大荣。至于仙佛，尤所敬戴也。妾之伯兄，初为泾水宫之妇，夫妻反目，两家失和，再适于柳真君。九族尊之，一家敬之。而妾则将得正果，一身荣贵必在于伯兄之上也。父王自闻真人之言，爱妾之情，一信降笃。宫中女小侍妾，如待天上真仙。及稍长，南海龙王之子五贤，闻妾略有姿色，求婚于父王。吾洞庭即南海之管下，故父王不敢峻斥，亲往南海，谕以张真人之言，强拒不从。则南海之壬为其骄悍之于，反以父王为惑於诞说，肆言喝责，求婚益急。妾自知若在父母膝下，则辱心及身。远离父母，抽身迢逃，披荆棘，开窟宅，自蛰胡地，苟送岁月。而南海之逼益甚矣。父母但曰：‘女子不愿钦身远走，终欲不弃，问之于渠。’惟彼狂童欺妾孤弱，自率军兵欲逼贱妾，妾之至冤苦节感极，天地潸泽之水，居然变化，冷如寒冰，昏如地狱，他国之兵不能轻入。故妾赖此全完保危命矣。今日之幸邀贵人，临此陋处者，不惟欲诉衷情。且今王师暴露既久，水路莫通井泉不出，掘土凿地，亦云劳止，虽遍一山而穿万丈，水不可得，而力不可支矣。此水本名清水潭，水性甚黄。自妾来居，其味苦恶，饮之者生病，故改称曰白龙潭也。今贵人来此，贱妾得所何美乎？银瓶之上井，阴谷之生春乎？妾既耗命於贵人，许身於贵人，财贵人之忧即妾之忧也，岂敢不效愚智而助军功乎？自此之后，水味之甘，当如旧日。士卒皆牛饮，自无害矣。病水之卒，亦当自瘳矣”。尚书曰：“今闻娘子之言，两人之缘，天已定之，神亦知之。月老之约，肆可卜矣。娘子之意亦如我否？”龙女曰：“妾之陋质，虽已许之。径侍郎君不可者三：一则不告父母也。二则幻形变质而后方可以侍贵人也。今不可以鳞甲之腥，髻鬣之陋，以累贵人之床席也。三则南海龙王子送逻卒于此，暗暗侦探，不可激其怒而挑其祸，以起一场风波也。贵人须早归阵中，整军歼贼，得遂大勋奏凯还京，则妾当褰裳涉渍从贵人于甲第之中也。”

尚书曰：“娘予之言虽美，我思之：娘之来此，不但守志，面亦父王欲使留待少游之来，而即从之也。今日之相会，岂非父王之命乎？且娘子神明之后，灵异之性也，出入人神之间，无所往而不可，则岂以鳞鬣为嫌乎？少游虽不才，奏天下之明命，将百万之雄兵，飞廉为之导先，海若为之殿后，其视南海小儿，如蚊虻蝼蚁而已，渠若不自量，妄欲相逼，则不过污我宝剑而已。今夜何幸，邂逅相逢，则良展岂可虚度？佳期何忍孤负？遂携龙女而就枕，空会之欢，非梦则真。

日未明，一声疾雷，铜铜镜镜，嵌却水晶宫殿，龙女忽惊觉而起。宫女报急曰：“大祸出矣！南海太子驱无数军兵，来阵山下，请与杨元帅决雌雄矣。”尚书大怒曰：“狂童何敢乃尔，拂袂而起，跳出水边，南海兵已围白龙潭，喊声大震，阵云四超。所谓“太子”者，跃马出阵，而大叱曰：“尔为何人而掠人之妻乎？誓不与共立天地间也！”尚书立马大笑曰：“洞庭龙女与少游，有三生宿缘，即天宫之所簿，真人之所知也。我不过顺天命也，奉天数也，么麽鳞甲，何无礼若是耶？”仍麾兵督战。太子大怒，命千万种水族，鲤提督、鳖参军，鼓气贾勇，腾跳而出。尚书一麾而斩之，举白玉鞭一挥之，百万勇卒，齐发蹴踏。不移时败鳞残甲，已满地矣。太子身被数枪，不能变化，终为唐军所获，缚致麾下。尚书大悦，击金收军。门

卒报曰：“白龙潭娘子亲诣军前，进贺元帅，仍犒军卒矣。尚书使人邀入，龙女进贺尚书之全胜，以千石酒、万头牛，大饷三军。士卒鼓腹而歌，翘足而舞，轻锐之气百陪矣。杨元帅与龙女同坐，捧入南海太子，厉声责之曰：“我奉行天命，征伐四夷，百鬼千神，莫不从命。汝小儿不知天命，敢抗大军，是自促鳞鲙之诛也！我有一斤宝剑即魏徵丞相斩泾河龙王之利器也，当斩汝头以壮军威。而汝镇定南海，博施雨泽有功于万民，是以赦之。自今勉恢旧恶，幸勿得罪于娘子也。”仍命曳出。太子屏息戢身，鼠窜而走。忽有祥光瑞气，自东南而至矣。紫霞葱杳，彤云明灭，旌旗节钺，自太空缤纷而下。紫衣使者趋而进曰：“洞庭龙王知杨元帅破南海之兵，救公主之急极，欲躬谢子壁门之前，而职业有守，不敢擅离，故方设大宴于凝碧殿，奉邀元帅，元帅暂屈焉。大王亦令小臣陪贵主同归矣。”尚书曰：“敌军虽退，壁垒犹存，且洞庭在万里之外，往返之间日月累矣，将兵之人，何敢远出？”使者曰：“已具一车，驾以八龙，半日之内，当去来矣。”

杨元帅偷闲叩禅扉

兰公主微服访闺秀

杨尚书与龙女登车，灵风吹轮，转上层空，未知去天余几尺也，距地隔几里也。面但见白云如盖，平覆世界而已，渐渐低下，至于洞庭。龙王远出迎之。执宾主之礼，展翁婿之情，揖上层殿，设宴饷之。执酌而谢曰：“寡人德薄而势孤，不能使一女安其所矣。今元帅奋神威而擒骄童，垂厚谊而救小女，欲报之德，天高地厚。”尚书曰：“莫非大王威令所及，何谢之有？”至酒阑，龙王命奏众乐。乐律融融闻有条节，而与俗乐异矣。壮士千人列立于殿左右，手持剑戟，挥击大鼓而进。美女六佾，着芙蓉之衣，振明月之瑕。

飘拂藕衫，双双对舞，真壮观也。尚书问曰：“此舞未知俺曲也？”龙王答曰：“水府旧无此曲，寡人长女嫁为泾河王太子之奏，因柳生传书，知其遭牧羊之困。德人弟钱德君与泾河王大战，大破其军，率女子而来，宫中之人为作此舞，号曰钱塘破阵乐，或称贵主行富乐。有时奏之于宫中之宴矣。夸元帅破南海太子，使我父母相会，与钱塘故事颇相似矣，故改其名曰元帅破军乐也。”尚书又问曰：“柳先生夸何在耶？未可相见耶？”王曰：“柳郎今为瀛洲仙宫，方在职府，何可来耶？”酒过九巡，尚书告辞曰：“军中多事，不可久留，是可恨也。惟愿使娘子毋失后期也。”龙王曰：“当如约矣。”出送于殿门之外。有山突兀秀出，五峰高入于云烟。尚书便有游览之必，问于龙王曰：“此山何名？少游历遍天下，而悝未见此山及华山也。”龙王曰：“元帅束闻此山之名乎？即南岳衡山，奇且异也。”尚书曰：“何以则今日可登此山乎？”龙王曰：“日势犹未晚矣，虽暂玩而归亦未暮矣。”尚书即上车，已在衡山之下矣。携竹杖，访石径，径一丘，度一壑，山益高，境转幽。景物森罗，不可应接。所谓千岩竞秀，万岳争流者，真善形容也。尚书拄筇聘瞩，幽思自集，乃叹息曰：“积苦兵间，弊情劳神，此身尘缘，何太重耶？安得功

成身退，超然物外之人也？”俄闻石磬之声，出于林端。尚书曰：“兰若必不远及。”涉绝巘，上高顶。有一寺殿，阁深邃，法侣坌集。老僧趺坐蒲团，方诵经说法。眉长而绿，骨清而癯，可知年纪之高矣。见尚书至，率阁利，下堂迎之曰：“山野之人，聳愤不知大元帅之来，未能迎候于山门，请相公恕之。今番非元帅永来之日，顶上殿，礼佛去。”尚书即诣佛前，焚香展拜。

方下殿忽跌足，惊觉身住营中，倚桌而坐，东方微明矣。

尚书异之，问于请将曰：“公等亦有梦乎？”齐答曰：“小的等皆梦陪元帅，与神兵鬼卒大战而破之，擒其大将而归，此皆擒胡之吉兆也。”尚书备说梦中之事，与诸将往见自龙潭，碎鳞铺地，流血成川。尚书持杯酌水先尝，因饮病卒，即快癒矣。驱众军及战马，临水快吸，欢动天地。贼闻之大惧，欲舆榦而降矣。

尚书出师之后，捷书相续，上嘉之。一日，朝太后，称杨少游之功曰：“少游郭汾阳后一人，待其还来，即拜丞相，以酬不世之勋。而但御妹婚事，尚未牢定，彼若回心从命则大善，若又坚执，则功臣不可罪矣，其志不可夺矣，处治之道实难得当，是可悯也。”太后曰：“我闻郑家女子诚美，且与少游曾已相见，少游岂肯弃之？吾意赠乘少游出外之日，下诏于郑家，与他人结婚，则少游之望绝矣，君命何可不从乎？”上久不仰答，默然而出。时兰阳公主太后之侧，乃告于太后曰：“娘娘之教，大违于事体。郑女之辩与不婚，自是其家之事，岂朝廷所可指挥者乎？”太后曰：“此即汝之重事，国之大礼。我欲与汝相议尔。尚书杨少游，风采文章，非独卓出于朝绅之列。曾以洞箫一曲，卜汝秦楼之缘，决不可弃杨家而求他人矣。少游本与郑家情分不泛，彼此亦不可背矣。是事极其难处。少游还军之后，先行汝之婚礼，使少游次娶郑女为妾，则少游可无辞矣。第未知汝意，以是越趄耳。”公主对曰：“小女一生不识妬忌为甚事也。郑女何可忌乎？且杨尚书初既纳聘，后以为妾，非礼也。郑司徒累代宰相，国朝大族，以其女子为人姬妾，不亦冤乎？此亦不可也。”太后曰：“然则汝意欲何处以处之乎？”公主曰：“国法：诸侯三夫人也。杨尚书成功连朝，则大可为王，小不失为侯，聘两夫人富非僭也。当此之时，亦许娶郑女，则何如？”太后曰：“是则不可。”女子势均体敌，刚同为夫人，固无所妨。女儿先帝之爱女，今上之宠妹，身固重矣，位亦尊矣，岂可与间阎小女子齐眉而事大乎？”公主曰：“小女亦知身地之尊重，而古之圣帝明王，尊贤敬士，忘身爱德，以万乘而友匹夫者。小女闻郑氏女子容貌节行，虽古今烈女不及也。诚如是言，与彼女并肩，亦小女之幸也，非小女之辱也。忸传闻易爽，虚实难副，小女欲因某条亲见郑氏，其容貌才德，果出于小女之右，则小女屈身仰事。若所见不如所闻，则为妾为仆，惟娘娘意。”太后叹嗟曰：“妬才忌色，女子常情。吾女儿爱人之才若己之有，敬人之德如渴求饮，其为母者，岂无嘉悦之心哉？吾欲一见郑女，明日当下诏于郑家矣。”公主曰：“虽有娘娘之命，郑女必称病不来。然则宰相家女儿不可胁象，若分付于道观、尼院，则欲知郑女焚香之日，则一者逢着恐不难矣。”太后是之，即使小黄门问于近处寺观正弊院。尼姑曰：“郑司徒家本行佛事于

吾寺，而其小姐元不往来于寺观。三日前，小姐侍婢、杨尚书小室贾孺人，奉小姐之命，以发愿文纳于佛前而去。愿黄门赍去此文，复命太后娘娘如何？”黄门还来，以此奏进。太后曰：“苟如是，则见郑女之面难矣。”

与公主同览其祝文曰：

弟子郑氏琼贝，谨使婢子春云，斋沐顿首敬告于诸佛前，弟子琼贝罪恶甚重，业障未除，生为女于之身，且无兄弟之乐，顷既受币于杨家，将欲终身於杨门矣。

杨郎被拣于锦裔，君奇至严，弟子已与杨家绝矣。但恨天意人事自相乖戾，薄命之人更无所望，而身虽未许，心既有属，则至今二三其德，非义之所敢出也。姑欲依存于怙恃膝下，以送未尽之月矣。因此命途之崎岖，幸得一身之清闲，故乃敢荐诚于佛前，以告弟子之心诚，伏愿金佛圣之灵烛祈恳之忱，垂慈悲之念，使弟子老父母，俱享遐算，寿与天齐。今弟子身无疾病灾殃，以尽衣彩弄雀之欢。则父母身后，誓归空门，断俗缘，服戒行。斋心诵经，洁躬礼佛，以报诸佛之厚恩矣。侍婢贾春云，本与琼贝大有因果，名虽奴主，实则朋友，曾以主人之命，为櫛家之妾矣。事与心违，佳缘莫保，永辞杨家，复归主人，死生苦乐，誓不异同。伏乞诸佛俯怜吾两人之心事，世世生生俾免为女子之身，消前生之罪过，赠后世之福禄，使之还生于普地，享逍遥快活之乐。

公主见毕，惨然曰：“因一人之婚事，误两人之身世，恐有大害于阴德矣。太后听后默然。

此时郑小姐侍其父母，婉容嫡色，无一毫慨恨之色。而崔夫人每见小姐，辄有悲伤之念。春云侍小姐，以翰墨卒技，强为排遣之地，而潜消暗削，日渐憔悴，将成膏肓之疾。小姐上念父母，下怜春云，心绪摇摇，不能自安，而人不能知矣。小姐欲慰母亲之意，使婢仆等求技乐之人，玩好之物，时时辜进，以误其耳目矣。一日女童一人来，卖绣簇二轴，春云取而见之。一则花间孔雀，一则竹林鸂鶒，手品绝妙，工如七襄，春云敬叹，留其人，以其簇子进于夫人及小姐曰：“小姐每赞春云之刺绣矣，试观此簇，其才品何如耶？不出于仙女机上，必成于鬼神手中也！”小姐展看于夫人座前，惊谓曰：“今之人必无此巧，而染线尚新，非旧物也。怪哉，何人有此才也？”使春云问其出处子女童。女童答曰：“此绣即吾家小姐所自为也。小姐方在寓中，急有用处，不择金银钱币而欲捧之矣。”春云问曰：“汝小姐谁家娘子，且因何事独留客中耶？”答曰：“小姐李通判妹氏也，通判陪夫人往浙东任所，而小姐病不从，姑留于内舅张别驾宅矣。别驾宅中近有些故，借寓于此，路迤左胭脂店谢三娘家，以待浙东车马之来矣。”春云以其言入告小姐，以钗钏首饰等，优其价而买之，高挂中堂，尽日爱玩，嗟美不已。

此后女童因缘出入于郑府，与府中婢仆相交矣。郑小姐谓春云曰：“李家女子手才

如此，必非常人也。吾欲使侍婢随往女童，求见李小姐容貌矣。”仍送伶俐婢子。

闻家狭窄，本无内外，李小姐知郑府婢子，馈酒食而送之。婢子还告曰，李小姐艳丽娉婷，与我小姐二而一者矣。

春云不信曰：“以其手线而见之，则李小姐决非鲁钝之质，而汝何为过实之吉也？此世界上谓有如我小姐者，吾实疑之。”婢子曰：“贾孺人疑我言乎？更遣他人而见之，则可知吾言之不妄也。”春云又私送一人矣。还曰：“怪哉，怪哉！此小姐即玉京仙娥，昨日之言果宴矣。贾孺人又以吾言为可疑，此后一者亲见如何？”春云曰：“前后之言皆诞矣，何无两目也？”相与大笑而罢。

过数日，胭脂店谢三娘来郑府，入谒于夫人曰：“近者李通判宅娘子，赁居小人之家，其娘子有貌有才，实老姬初见，窃仰小姐芳名，每欲一见请教，而有不敬者，以小人获私于夫人，使之仰稟矣。”夫人招小姐，以此童言之。小姐曰：“小女之身与他人有异，不欲举此面目与人相对。而且闻李小姐为人一如其锦绣之妙，小女亦欲一洗昏眊矣。”

谢三娘喜而归。翌日李小姐送其婢子，先通踵门之意。日晚，李小姐乘垂帐小玉轿，率丫环数人至郑府。郑小姐邀见于寝房，宾主分东西而坐。织女为月富之宾，上元与瑶池之宴矣。光彩相对，满堂照耀，彼此皆大惊。郑小姐曰：“顷缘婢辈闻，玉趾临于近地，而命奇之人，废绝人事问候之札，尚此阙如矣。今姐姐惠然辱临，既感且伤，敬谢之意，何以口舌尽也？”李小姐答曰：“小妹僻陋之人也，严亲早背，慈母偏爱，平生无所学之事，无可取之才也。常自嗟惋曰：‘男子迹遍四海，交结良朋，有切磋之益，有规警之道，而女子惟家内婢仆之外，无可相接之人，救过于何处，资疑于何人乎？’自恨为闺闱中女子矣。恭闻姐姐以班昭之文章，兼孟光之德行，身不出于中门，名已彻于九重，妾以是自忘资品之陋劣，愿接圣德之光辉矣。今蒙姐姐不弃，足偿小妾之至愿矣。”郑小姐曰：“姐姐所教之言，即小妹方寸间所素蓄积者也。闺中之身，踪跡有碍，耳目多蔽，本不知沧海之水，巫山之云，志气之隘，见识之偏，固其宜也，何足怪也？此概荆山之玉一埋光，而耻炫老蚌之珠，葆彩而自珍。然如小妹者，自视欲然，何敢当盛奖也？”因进蒸果，稳吐闻谈。李小姐曰：“似闻府中有贾孺人者，可得见乎？”郑小姐曰：“渠亦欲一拜于姐姐矣。”招春云谒。

车小姐起身迎之。春云惊叹曰：“前日两人之言果信矣！天既生我小姐，又出李小姐，不自意飞燕，玉环并世而出也。”

李小姐齐自度曰：“饱闻贾女之名矣，其人过其名也。杨尚书之眷爱不亦宜乎？当与秦中书并驱。若使春娘见秦氏，则岂不效尹夫人之泣乎？奴主两人有如此之色，有如此之才，杨尚书岂肯相陪乎？”李小姐与春云吐心谈话，款曲之情，与小姐一

也。李小姐告辞曰：“日已三竿矣。不得稳陪请谈可恨。小蛛寓舍只隔一路，当偷闲更进以请余教矣。”郑小姐曰：“猥荷荣临，仍受盛诲，小妹当进谢堂下。而小妹处身异于他人，不敢出户庭一步之地，惟姐姐宽其罪而恕其情焉。”两人临别，惟黯然而已。

郑小姐谓春云曰：“宝剑虽埋于狱中，而光射斗牛。老蜃虽潜于海底，而气成楼台。李小姐同在一城，而吾辈未尝有闻。诚可怪也。”春云曰：“贱妾之心第有一事可疑。杨尚书每言；华州秦御使女子，见而于楼上，得诗于店中，与结秦晋之约，而因秦家之遭祸，终致乖张矣。仍称秦女绝世之色，輒愀然发叹。而妾亦见《杨柳词》，则诚才女也。此女子无乃藏其姓名，缔结小姐欲成前日之缘乎？”小姐曰：“秦氏之美，吾亦因他路闻之。似与此女子相近。而彼遭家祸，没入掖庭，何能得至于此乎？”入见夫人称李小姐不容口。夫人曰：“吾亦欲一请而见之矣。”数日后使侍婢请小姐一往，李小姐欣然承命又至。郑府人出迎于堂中。李小姐咀子侄礼见于夫人。夫人大爱，款接曰：“顷日小姐为访小女，过垂厚眷，老身良用感谢，而其时病未能相接，至今惭叹。”李小姐伏以对曰：“小侄景慕姐姐如天仙，惟恐贱弃矣。尊姑一逢小侄，便以兄弟之谊待之，夫人特赐颜色，以子侄之倒畜之。小侄于此实未知措躬之处也。小侄欲终身出入于门下，事夫人如事慈母矣。”夫人称不敢者再三矣。

郑小姐与李小姐侍坐夫人至半日，仍请李小姐归其寝房，与春云鼎足而坐，娇声嫩语，昵昵相酬，气已合矣，情亦密矣。评鹭文章，讲论妇德，殊不觉日影已在窗西矣。

两美人携手同车

长信宫七步成诗

李小姐去后，夫人谓小姐及春云曰：“郑崔两门宗族甚多，几至百千人矣。吾自少时见美色多矣，皆不及李小姐远矣。诚与女儿相上下矣。两美相从，结为兄弟则好矣。”小姐爱春云所传秦氏事告曰：“春云终不能无疑，而小女所见与春云异。李小姐姿色之外，气象之飘逸，威仪之端重，与闺阁士夫家女子绝异。秦氏虽有才气，何敢比之？于是乎以妾所闻言之。兰阳公主貌如其心，才如其德。或恐李小姐气象与兰阳不远。”夫人曰：“公主吾亦不见，未可悬度。而虽居尊位得盛名，安知其必与李娘同符乎？”小姐曰：“牵小姐踪迹实有可疑者，后日当使春云往审之矣。”

明日，郑小姐与春云方议是事，李小姐婢子孙郑府，传语曰：“吾小姐适得浙东顺归之船，将以明日发行，故今日当到府中，告别于夫人及小姐矣。”小姐方扫轩而待之，小顷李小姐至，入见夫人及郑小姐。两小姐别意匆匆，离绪依依，如仁兄之

别受弟，荡子之送美人也。李小姐起再拜，乃敬告曰：“小侄别母离兄已周一期，归意如矢，不可复泪。”

而且夫人之恩德，姐姐之情分，心如素丝，欲解复结矣。小侄兹有一言，欲恳于姐姐，而恐姐姐不许。先告于夫人，仍越赳不发。”夫人曰：“娘子所欲请者何事？”李小姐曰：“小侄为先亲，方绣南海大师画像，仅已讫工。而家兄方在任所，小侄身是女子，尚未求文人之赞，将使前工归虚，甚可惜也。欲得姐姐数句语，数行笔，而绣幅颇广，卷舒有妨，且恐褻慢，不敢取来。不得已暂邀姐姐乞得笔制，一以完小女为亲之孝，一以慰远路相别之情，而未知姐姐之意，不敢直请，敢以我恳，仰渎于夫人矣。”夫人顾小姐曰：“汝虽于至亲之家，本不来往，而顾念此娘子所请，盖出于为亲之至诚。况娘子侨居，距此密通，一霎来去，似非难事。”

小姐初则似有持难之色，翻然内悟曰：“李小姐行色甚忙，春云不可送矣。吾乘此机会，往探其迹则不亦妙乎？”乃告于夫人曰：“李小姐所请，若系等闲之事，则实难奉副。而孝亲之诚，人皆有之。小姐之言，何可不从乎？但欲得日昏而去矣。”李小姐大喜，起谢曰：“日若曛黑，则持笔似难。姐姐若以有烦道路为嫌，小妹所乘之轿虽甚朴陋，足容两人之身也。与我同乘而去，乘夕而还，亦如何耶？”小姐答曰：“姐姐之教甚台矣。”李小姐拜辞夫人，退与春云执手而别，与郑小姐同乘一轿。郑府侍婢数人从小姐之后矣。

郑小姐来，见李小姐寝室所排什物不甚繁多，而品皆精妙，所进饮食，虽甚简略，而无非珍味。郑小姐留眼见之，皆可疑也。李小姐久不出乞文之言，而日色看看暮矣。郑小姐问曰：“观音画像奉置于何处耶？小妹亟欲礼拜。”李小姐曰：“当即使姐姐奉玩矣。”语毕，车马之声，喧聒于门外，旗帜之色，掩映于道上。郑家侍婢惊惶入告曰，“一陈军马急围此家，娘子娘子何以为之？”郑小姐既已知机，自若而坐。李小姐曰：“姐姐安心，小蛛非别人也，兰阳公主萧和，即小妹职号身名，邀至姐姐乃太后娘娘之命也。”郑小姐避席对曰：“间巷间微末小女，虽无知识，亦知天人骨格，与常人自殊，而贵主降临，实千万梦寐外事也。既失竭之礼，又多逋慢之罪，伏愿贵主死生。”公主未及对，侍女告曰：“自三殿遣薛尚宫、王尚宫，和尚宫，问安于贵主矣。”公主谓郑小姐曰：“姐姐小留于此。”乃出坐子堂上。三人以次而入，礼谒毕，伏奏曰：“玉主离大内已累日矣，太后娘娘思想正切。万岁爷爷、皇后娘娘，使婢子等问候，且今日即玉主还宫之期也，车马仪仗已尽来待，而皇上命赵太监护行矣。”三尚宫又告曰：“太后娘娘有诏曰：‘玉主与郑女子同辇而来矣。’”公主留三人于外，入谓郑小姐曰：“多少说话，从容稳展，而太后娘娘欲见姐姐，方临轩而待之，姐姐毋庸苦辞，与小妹同入，趁今日朝见。”郑小姐知不可免，对曰：“妾已知玉主之眷妾，而闻家女儿，未尝现谒于至尊，惟恐礼貌之有愆以是惶怯矣。”公主曰：“太后娘娘欲见娘子之心，何异于小妹之爱姐姐乎？姐姐勿疑也！”郑小姐：“惟贵主先行，妾当归家以此意言于老母，蹑后而进矣。”公主曰：“太后娘娘已有诏命，使小车与姐姐同车，而辞意极其恳至，

姐姐勿固让也。”小姐曰：“贱妾微也，陋也，何敢与贵主同辇乎？”公主曰：“吕尚，渭川渔父，文王共车。候嬴，夷门监者，信陵君执辔。苟欲尊贤，何可挟贵姐？侯伯盛门、大臣女子，何嫌乎？与小妹同乘而执，嫌何太过耶？”遂携手同辇。小姐使侍婢一人归告于夫人，一人随入于宫中。公主与小姐同行。入东华门，历重重九门，至狭门外下车。公主谓王尚宫曰：“尚宫陪郑小姐少待于此。”王尚宫曰：“以太后娘娘之命，已设郑小姐幕次矣。”公主喜而留之，入谒于太后。

元来太后初则本无好意于郑氏矣。公主以微服寓于郑家近处，媒一幅之繻，结郑氏之交，必既敬服，情又绸缪，且知杨尚书终不肯疎弃相受，相约结为兄弟、将欲共一室而事一人。数以书苦谏于太后，以回其意。太后于是大悟。许以公主及郑氏为两夫人于少游，而必欲亲见其容貌，使公主设计而率来矣。

郑小姐少憩于幕中矣。宫女两人，自内闼奉衣函而出，传太后之命曰：“郑小姐‘以大臣之女，受宰相之币，而犹着处子之服，不可以平服朝于我也，特赐一品命妇章服’。

故妾亦奉诏而来，惟小姐着之。”郑氏再拜曰：“臣妾以处子之身，何敢具命妇服色乎？臣妾所着虽筒褻，亦当着之于父母之前者也。太后娘娘即万民之父母，请以见父母之衣服，入朝于娘娘也。”宫女入告，太后大嘉之，即引见。

郑氏随宫女入前殿，左右宫嫔耸见喷舌曰：吾以为娇艳惟吾贵而已，岂料复有郑小姐乎？”小姐礼毕，宫人引之上殿。太后赐坐下教曰：“顷者因女儿婚事，诏收杨家礼币，此所以遵国法、别公私也。非寡人创开。而女儿谏予曰：‘使人为新婚而背旧约，非王者所以正人伦之道也。’且愿与汝齐体共事少游，予已与帝相议，快从女儿之美意。

将待杨少游还朝，使之复送礼币，以尔为一体夫人，此恩眷古亦无，今亦无，前不见，后不见也。特令使尔知之矣。”

郑氏起簪曰：“圣恩隆重，实出望外，非臣妾粉麝所能上报也。但臣妾是人臣之女，奚敢与贵主同其列而齐其位乎？臣妾设欲从命，父母以死固争，必不奉诏也。”太后曰：“尔之避逊虽可嘉，邦门累世侯伯，司徒先朝老臣，朝家礼待本来自别，人臣分义不必胶守也。”小姐对曰：“臣予之顺受君命，如万物之自随其时。升以为侍女，降以为婢仆，又敢违忤天命，而杨少游亦何安于心乎？必不从也。臣妾本无兄弟，父母亦已衰朽，臣妾至愿惟在于竭诚供养，以毕余生而已。”太后曰：“惟尔孝亲之诚，处子之道，可谓至矣。而何使一物，不得其所乎？况尔百美具全，一疵难求。杨少游岂肯甘心于弃汝乎？且女儿与杨少游，以洞箫之一曲，验百年之宿缘，天之所定，人不可废。而杨少游一代豪杰，万古之才，娶两个夫人，何不可之有？寡人本有两女子，而兰阳之兄十岁而夭，予每念兰阳之孤子矣。予今见汝，

其貌其才不让兰阳，予亦如见亡女矣。予欲以汝为养女，言之于帝，定汝位号。一则所以表予爱女之情也，二则所以成兰阳视汝之志也，三则使汝与兰阳同归于杨少游，则无许多难便之事也。汝意今则如何？”小姐稽首曰：“圣教又至于此，臣妾恐损福而死也。惟望即收成命，以安臣妾。”太后曰：“予与帝相泌，即勘定矣。汝无多执也。”召公主出见郑小姐。

公主具章服，备威仪，与郑小姐对坐。太后笑曰：“女儿与郑小姐愿为兄弟矣。今为真兄弟，可谓难兄难弟矣，汝意更无憾乎？”仍以取郑氏为养女之意谕之。公主大悦，起谢曰：“娘娘处分尽矣；明矣；小女得成寤寐之愿，此心快乐，何可尽达？”太后待郑氏尤款，与论古之文章。太后曰：“曾仍兰阳闻汝有咏絮之才矣，今宫中无事，春日多闲，母惜一吟以助予欢。古人有七步成章者，汝可能乎？”小姐谢曰：“既闻命矣，敢不画鸦以博一笑乎？”太后择宫捷步者，立于殿前，欲出题而试之。公主奏曰：“不可使郑氏独赋，小立亦欲与郑氏共试之。”太后尤喜曰：“女儿之意亦妙矣，但必得清新之题，然后诗思自出矣。”方涉猎古诗矣。时当暮春，碧桃花盛发于栏外，忽有喜鹊来鸣枝上，太后指彩鹊而言曰：“予方定汝辈之婚，而彼鹊报喜于枝头，此吉兆也，以碧桃花上闻喜鹊为题，各赋七言绝句一首，而诗中必插入定婚之意。”使宫女各排文房四友。两人执笔。

宫女已移步，而意恐或未及成，睨视两人挥笔，而举趾稍缓矣。两人笔势风飘雨骤，一时写进。宫女仅转五步矣。太后先览郑氏诗曰：

紫禁春光醉碧桃，何来好鸟语咬咬。

楼头御妓侍新曲，南国元华与鹊巢。公主之诗曰：

春深宫披百花繁，尽鹊飞来报喜言。

银汉作桥须努力，一时齐渡两天孙。

太后咏叹曰“予之两儿即女中之青莲、子建也。朝廷若取女进士，当分占状元、探花矣。”以两诗选示于公主及小姐。两人各自敬服矣。公主告于太后曰“小女虽幸成篇，其诗孰不能思之？姐姐之诗，曲尽精妙，非小女所及也。”太后曰“然女儿之诗颖锐，殊可爱也。”

卷之五

卷之五

杨少游梦游天门

贾春云巧传玉语

此时，天子进候于太后。太后使兰阳与郑氏避于挟室，迎帝谓曰：“予为兰阳婚事，使收杨家之币，而终有伤于风化。与郑氏并为夫人，则郑家不敢当矣。使郑氏为妾，则亦近于强胁矣。今日予召见郑女，郑女美且才，足与兰阳为兄弟也。以此，予既以郑女为秦女，欲与同归于杨家，此事果如何也？”上大悦，贺曰“此盛德事也，可谓与天地同大矣！自古深仁厚泽，未有及娘娘者也。”

太后即召郑氏进谒于帝。帝命之上殿，告于太后曰：“郑氏女子已为御妹，尚着平服，何也？”太后曰：“以诏命未下，固辞章服矣。”上谓女中书曰：“取鸾凤红锦纸一轴而来。”秦彩凤擎而进。上举笔欲书，禀于太后曰：“郑氏既封公主，当赐国姓矣。”太后曰：“吾亦有此意。而但闻郑司徒夫妻年既衰老，无他子女，予不忍得无姓之人。仍其本姓，亦曲轸之意也。”上以御笔大书曰：

奉太后圣旨，以秦女郑氏封为英阳公主，踏两宫之宝，以赐郑氏。

使宫女擎公主冠服着郑氏。郑氏下殿谢恩。上使与兰阳公主定其座处。郑氏于公主长一岁。而不敢坐其上。太后曰：“英阳今则即我女，兄在上，弟在下，礼也。兄弟之间何可饰让？”小姐稽颡曰：“今日座次即他日行列，何可不谨于其始乎？”兰阳曰：“春秋时，赵襄之妻即晋文公之女也，让位于先娶之正室。况姐姐小妹之兄也，又何疑乎？”郑氏让之颇久，太后命之以年龄定崖。此后，宫中皆以“英阳公主”称之。

太后以两人之诗示之于上。上亦嗟赏曰：“两诗皆妙，而英阳之诗引周诗之意，归德于后妃，太得体也。”太后曰：“帝言是也。”上又曰“娘娘爱英阳至此，实国朝所未有也。臣亦有仰请者。”乃以秦中书前后之事敷奏曰：“彼之情势殊甚惻隐。其父虽以罪死，其祖先皆本朝臣子。欲曲收其情，以为御妹从嫁之媵，娘娘幸矜而颺之。”太后顾两公主？兰阳曰：“秦氏曾以此事言于小女矣。小女与秦女情分既切，不欲相离。虽微圣教，小臣亦有是心矣。”

太后召秦彩凤下教曰：“儿女与汝有死生相随之意，故特使汝为杨尚书媵侍。汝之至愿毕矣。此后须更竭诚悃，以报公主之恩。”秦氏感泣，泪漱漱下矣。谢恩后，

太后又下数曰：“两女婚事予既决定，而忽有喜鹊来报喜兆。予令两女已作喜鹊之诗矣。汝亦得依归之所，可与同其庆，作其诗也。”秦氏承命，郎制进其诗曰：

喜鹊喳喳绕紫宫，凤仙花上起春风。

安巢不待南飞去，三五星稀正在东。

太后与帝同看，喜曰：“虽咏雪之蔡女瞠乎其下矣。诗中亦引用诗，能守嫡妾之分，此所尤美也。”兰阳公主曰：“喜鹊诗诗料本来不多，且小女两人既已先作，后来者无下手处也。曹孟德所谓‘绕树三匝无枝可栖’者，本非吉语，取用甚难也。此诗虽杂引孟德、子美之诗及周诗之句，合成一句，而天然浑成，不见斧凿之痕。三家文字有若为秦氏今日事而作也。”太后曰：“古来女子中能诗者，惟班姬、蔡女、卓文君、谢道韞四人而已。今才女三人，同会一席，可谓盛矣。”兰阳曰：“英阳蛆蛆侍婢春云，诗才亦奇矣。”时日将暮，上归外殿。两公主同退宿于寝房。

翌晓鸡鸣，初郑氏入朝于太后，请归曰：“小女入宫之时，父母必惊惧矣。今日欲归见父母，以娘娘恩泽、小女荣宠，琰珣于门栏家族，伏愿娘娘许之。”太后曰：“女儿何有轻离大内？予与司徒夫人亦有相议之事矣。”即下教于郑府，使崔夫人入朝。郑司徒夫妻因小姐使婢子密通，惊虑初弛，感意方深矣。忽承诏旨，忙入内殿。太后引接曰：“予率来令爱，不但欲见其貌，盖为兰阳婚事矣。一接丰容，心乎爱矣。遂为秦女兄于兰阳意者，寡人前生之女子，今世诞生于夫人家矣。英阳既为公主，则当加之以国姓。而予念夫人无子，不改其姓。惟夫人领我至情：‘崔夫人受恩感激，叩头曰：‘臣妾悦得一女，爱之如玉。乃其婚事一误，礼币不送，老臣魂骨俱碎，惟愿速死，不见其可怜之形矣。贵主累枉于蓬荜之下，屈其尊体，下交贱息，仍与携入宫禁，使被广世之恩章，此叶于朽木、水于涸鱼。惟当竭髓殚力，以效报管之悃。而臣妾夫年老病深，心长发短，既不能奔走职业，以贡微劳，妾于雕谢癯羸，与鬼为邻，亦未由追逐宫娥，自服掖庭扫洒之役，丘山之恩，将何以佇报乎？惟有千行感泪，河倾雨泻而已。’乃起而拜，伏而泣。双袖已龙钟矣。太后为之嗟叹，又曰：‘英阳已为吾女，夫人更不可挈去矣。’崔氏俯伏奏曰：‘臣妾何敢率归于家中乎：但母女不得团聚称诵如天之德，是可欠也。’太后笑曰：‘不越乎行礼之前也。惟夫人勿忧也。成婚之后，兰阳亦托子夫人矣。夫人视兰阳，亦如寡人之视英阳也。’仍召兰阳与夫人相觅。夫人重谢前日之褻慢。

太后曰：“闻夫人左右有才女贾春云，可得见乎？”夫人即召春云入朝于殿下。太后曰：“美人也。”更进之前曰：“闻兰阳之言，汝曾梦江淹之锦，可能为寡人赋乎？”春云奏曰：“臣妾何敢唐突子天威之前乎？然试欲闻锤矣。”太后以三人诗下之曰：“汝能为此语乎？”春云求笔砚，一挥而制进。其诗曰：

报喜微诚祇自知，虞庭幸逐凤凰仪。

索楼春色花千树，三绕宁无借一枝？

太后览之，转两公主曰：“吾闻贾女雄才，而岂料其品之至斯也。”兰阳曰：“此诗以鹄自比其身，以凤凰比姐姐，得体矣。下句疑小女不许相容，欲借一枝之楼，而集古人之诗，采诗人之意，镕成一绝，思妙意精，真善窃狐白裘手也。古语云：‘飞鸟依人，人自怜之。’贾女之谓也。”仍令春云退与秦氏接颜。公生曰：“此女中书即华阴秦家女子，与春娘同居偕老之几也。”春云答曰：“此无乃作《杨柳词》之秦娘予乎？”秦氏惊问曰：“娘子仍何人而闻《杨柳词》乎？”春云曰：“杨尚书每思娘子，辄诵此诗，妾亦获闻之矣。”秦氏感枪曰：“杨尚书不忘妾矣。”春娘曰：“娘子何为此言也？尚书以《杨柳词》藏之于身，见之而流涕，咏之则发叹，娘子独不知尚书之情何耶？”秦氏曰：“尚书若有旧情，则妾虽不见尚书而死，无所恨矣！”仍言《纨扇诗》首末。春娘曰：“妾身上钏叉指环，皆其日所得也。”宫人忽来报曰：“郑司徒夫人将还归矣。”两公主复入侍坐。太后谓崔夫人曰：“杨少游未几当还，前日礼币自当复入于夫人之门，而复受既退之币，颇涉苟且。况英阳是吾女，两女婚礼，欲并行于一日，夫人许否？”崔氏伏地曰：“臣妾何敢自专？惟娘娘命矣。”太后笑曰：“杨尚书为英阳三抗朝命，予亦欲一瞞之矣。谚曰：‘凶言反吉’，待尚书来，瞞言郑小姐因病不幸，曾见尚书疏中有言，与郑女扭见。台盂之日，欲见尚书能解旧面否也？”崔氏承命辞妇。小姐拜送于殿门之外，召春云密授瞞了尚书之谋。春云曰：“妾为仙为鬼，欺尚书者多矣。至再至三，不亦大褻乎？”小姐曰：“非我也，太后有裙也。”春云含笑而去。

此时，杨尚书以白龙潭水饮将士，士气无前，皆愿一战。尚书指授方略，一鼓直进。赞普才受裒烟所送之珠，知唐兵已过盘蛇谷，大惧。方议诣垒而降，吐蕃诸将生缚赞昔，至唐营而降。杨元帅更整军容，入其都城，禁止侵掠，抚安百姓，登崑崙山立石，公布大唐盛德，遂振旅奏凯。

将向京师，至真州，正当仲秋也。山川萧瑟，天地摇落，寒花酿感，断雁流哀，令人有羁旅之悲矣。元帅夜入客馆，怀抱甚恶，遥夜漫漫，不能假寐，心下自想曰：“一别桑榆，三阅春秋。堂中鹤发，想非旧日。而扶护疾恙，可托何人？定省晨昏可期何时？鸣剑之志虽展于今日，列鼎之眷，不及于亲闱。子职虚矣！大道废矣！此古人所以悲风树之不停，望太行而感兴者也。况数年奔走，内事无主，郑家亲礼难保无他。所谓‘不如意者十常八九’者，此也。今我复五千里之地，平百万众之贼，其功亦不为小矣。天予必用封建之典，以酬驱驰之劳。我若还其职，陈其诚恳，请许郑家之婚，则或有允俞(五)之望矣。”念及于此，心事小宽，乃就枕而眠。

一梦遂遂，飞上天门九重。七宝宫阙，丹碧煌煌。五彩云霞，光影翳翳。侍女两人来，谓尚书曰：“郑小姐奉请尚书矣。”尚书从侍女而入。广庭弘敞，仙花烂漫，

仙女三人并坐于白玉楼上。其眼色如后妃，而双眉秀清，两眸流彩，望之如碧玉明珠，倚叠交映电。方偎曲栏，手弄琼蕊，觅尚悟至，杂坐而迎，分席而坐。上席仙女先问曰：“尚书别后无恙否？”尚书定睛详见，认是昔日论曲之郑小姐也，惊愕欲倒，欲语未语。仙女曰：“今则我已别人间，来游天上，缅怀畴曩，如隔两尘。君于虽见妾之父母，难闻妾之音耗矣！”仍指在傍两仙女曰：“此即织女仙君，彼乃戴香玉女，与君子有前世之缘，愿君子勿念妾身与此两人，先结好约，则妾亦有所托矣。”尚书望见两仙女，坐末席者，面目虽惯，而不能记电。少焉，鼓角齐鸣，蝴蝶忽散，乃一梦也。仍想梦中说话，皆非吉兆。乃抚心自叹曰：“郑娘子心死矣！不然也，我梦何其不吉耶？”又自解曰：“有思者有梦，或因相思之切而有此梦耶？桂蟾月之荐，杜鍊师之媒，未必非月老之指，而双剑未合，九原遽隔，则所谓天者不可必也，理者不可谏也。反凶为吉，或者我梦之谓乎？”

久之，前军至京师，天子亲临渭桥以迎之。杨元帅着风系紫金盔，穿黄金琐子甲，乘千里大宛马，以御赐白旄黄钺、龙凤旗帜，拥前卫后排，左列右锁赞普于槛车，著在阵前。西域三十六道君长，各执琛赆之物随其后。军威之盛，近古所无。观光之人，弥亘百里。是日长安城中虚无人矣。元帅下马叩头拜谒。上亲扶而起，慰其远来之劳，奖其大功之遂，即下诏于朝廷，依郭汾阳故事，裂土封王以侈赏典。尚书露诚力辞，终不受命。上重违其恳意，下恩旨以杨步游为大丞相，封魏国公，食邑三万户，其余赏赐不可胜记。杨丞相随法驾入阙，祇肃天恩。上即命设太平宴，以示礼遇之恩，诏画其相貌于麒麟阁。丞相自阙下来郑司徒家。郑家门族，皆会外堂迎拜丞相，各自献贺。丞相先问司徒及夫人安否。郑十三答曰“叔父叔母身虽撑保，而自遭妹氏之丧，哀伤过节，疾病额作。气力比前岁顿减，未能出迎于外堂，望丞相与小弟同入内堂如何？”丞相猝闻是说，如痴如狂，不能遽问。过食顷乃问曰：“岳丈遭何人之丧耶？”郑十三曰：“叔父本无男子，只有一女，而天道无知，于斯暮境，伤怀显有极乎？丞相入见，慎勿出悲戚之言！”丞相大惊大戚，言仅入耳，流泪已湿绵袍矣。郑生慰之曰：“丞相婚媾之约，虽同午金石。私门不幸，大事已误，望丞相恩惟义理，勉自排遣。”丞相拭泪而谢之。与郑生入谒于司徒夫妇，惟欣贺而已，不及小姐之夭戚。丞相曰：“小婿幸赖国家之威灵，猥受封建之滥赏，方欲纳官陈恳，以回天聪，得成畴曩之约矣。朝露先晞，春色既谢，乌得无存歿之感乎？”司徒曰：“彭殇皆命，哀乐有数，天实为之，言之何益？今日即一家庆会之日，不必为悲楚之言也。”郑十三曰丞相，丞相止其言，辞归园中。

春云迎谒于阶下。丞相见春云，如见小姐，尤切悲怀，余泪又汪然数行下。春云跪而慰之曰：“老爷，老爷！今日岂老爷悲伤之日乎？伏望宽心收泪，俯听妾言：吾娘子本以天仙暂时谪下，故上天之日，谓贱妾曰：‘汝自绝杨尚书，而复从我矣。今我已弃尘界，汝其更归于杨尚书，侍其左右。尚书早晚还归，如念妾而悲怀，汝须以妾意传之曰：‘礼币已还，则是行路人也。况有前日听琴之嫌乎？思念过度，悲哀逾制，则是慢命而循私情，貽累德于已亡之人，可不慎哉？且或酌奠坟墓，或吊哭灵幄，则是待我以无行之女子，岂无憾于地下乎？且日，皇上必侍尚书之还，

复议公主之婚，吾闻《关雎》之威德，台为君子之配匹，反顺受君命，母陷罪戾，是我之望也。”丞相闯言益切，怆然曰：“小姐遗命虽如此，我何能无悲怀耶？况小姐临歿，眷念少游也如此，我虽十死而报小姐恩德，难矣。”仍说真洲梦事。春云下泪曰：“小姐必在玉皇案前矣。丞相千秋万岁后，岂无会台之期哉？慎毋过哀以伤贵体。”丞相曰：“此外小姐又有何言乎？”春云曰：“虽有自言，不可以春云之口仰达矣。”丞相曰：“言无浅深，汝其悉陈。”春云曰：“小姐又谓妾曰：‘我与春云即一身，尚书若不忘我，视春云如吾，而终始勿弃。则我虽入地，如亲受尚书之恩也。’”丞相尤悲曰：“我何忍弃春娘子？况小姐有付托之命！我虽以织女为妻，以宓妃为妾，誓不负春娘也！”

合卺席兰英相讳名

献寿宴鸿月双擅场

明日，天予召见杨丞相，下教曰：“顷者为御妹婚事，太后特下严旨，朕心亦不平矣。今闻郑女已死，而御妹婚事待卿还朝盖久矣。卿虽愚念郑女，死者已臭。卿方少年，堂上有大夫人，则甘毳之供不可自当。况且大丞相官府，女君不可无矣。魏同公家庙，亚献不可阙矣。朕已作丞相府厦公主官，以待盛礼之日，御妹之婚，今亦不可许乎？”丞相叩头奏曰：“臣前后拒逆之罪，实合斧钺之诛。而圣教荐下，玉音春温，臣诚感殒，不知死所。前日之累抗严教，有所拘于人伦，而不获己也。今则郑女已亡矣，臣讵敢有他意乎？但门户寒微，才术空疏，恐不合于驸马之尊位也。”上大悦。即下诏于钦天馆，使择吉日。太史以秋九月望日奏之，只隔数十日矣。上下教于丞相曰：“前日则婚事在于可否之间，故不言于卿矣。朕有妹两人，皆真淑非风骨也。虽欲更求如卿者，何处可得乎？以是朕恭承太后之诏，欲以两妹下嫁于卿矣。”相忽忆真州客馆之梦，大异于心，伏地奏曰：“臣白被椒掖之拣，欲避无路，欲走无地，未得置身之所，第切致寇之惧。今陛下欲使两公主共事一人之身，此则自有人国家以来，所未闻者也。臣何敢承当乎？”上曰：“卿之勋业足为国朝第一，彝钟不足铭其功也，茅上不足偿其劳也。此朕所以以两妹事之。且御妹两人友爱之情，皆出于天，立则相偎，坐则相依，每愿至老死不相离，此太后娘娘之意也，卿不可辞也。且宫人秦氏，世家士族也，有姿色能文章，御妹视如手足，待以腹心，欲以为媵子下嫁之日，故先使卿知之矣。”丞相又起谢。

时郕小姐，为公在于宫中，日月多矣，事太后以孝以至诚，与兰阳及秦氏，悄如同气，敬爱深至。太后益爱之。

婚期已迫，从容告于太后曰：“当初以兰阳定次之日，冒居上座，实涉僭越，而一向固辞，以外于娘娘之恩眷，故曳勉从之，而卒非我意也。今归杨家兰阳，若辞第一位，则此大不可。惟望娘娘及圣上，参其情札，正其位次，使私分获安，家法不紊。”兰阳曰：“姐姐德性才学皆小女之师也。”

姐姐虽在郑门，小姐当如赵襄之让位。既为兄弟之后，岂有尊卑之分乎？小女虽为第二夫人，自不失帝女之尊贵，而若恭居上元之位，则娘娘养育姐姐之意，果安在哉？姐姐反欲让于小女，则小女不愿为杨家妇也。”太后问于上。上曰：“御妹之让出于中恳，束闻自古帝王家贵有此事也，愿娘娘嘉其谦德，成其美意也。”太后曰：“帝言是也。”乃下教；以英阳公主封魏国公左夫人，以兰阳公主封右夫人，以秦氏本大夫之女，封为淑人。

自古公主婚礼，行于阙门之外官府矣。是日，太后特令行礼于大内。至吉日，丞相以麟袍玉带，与两公主成礼。威仪之盛，礼貌之伟，不烦道也。礼毕入座，秦淑人亦纳礼于丞相，仍侍公主。丞相赐之座。三位上仙，齐会一席。光摇五云，影眩千门。丞相双眸乱纛，九魄超忽，只疑身在于黑甜乡也。是夜与英阳公主联袂，早起问寝于太后。太后赐宴。皇上及皇后亦入侍太后，终夕罄欢。是夕又与兰阳公主并枕。第三日往于秦淑人之房。淑人视垂相，辑潜然垂涕。

丞相惊问曰：“今日笑则可，泣则不可。淑人之泪挪有思乎？”秦氏对曰：“不记小妾，可知丞相之已忘妾也。”丞相小顷乃悟，就执玉手而谓曰：“君得得华阴秦氏乎？”彩凤无语，转咽声不出口。丞相曰：“吾以娘子为已作泉下之人矣。果在宫中也。华州相失，娘家惨祸，余欲无言，娘岂欲听。自客店逃乱之后，何尝一日不思吾娘子？而只知其死，不知其生，今日之得遂旧约，实是吾虑之所未及，亦岂娘子之所期乎？”即自囊里出示秦氏之词。秦氏亦探怀中奉呈丞相之诗。两人《杨柳词》。依稀若相和之日也。各地彩笺，摧肠叩心而已。秦氏曰：“丞相惟知以《杨柳词》共结旧日之约，而不知以纨扇诗得成今日之缘也。”遂开小篋，出画扇示丞相。仍备陈其事曰：“此皆太后娘娘及万岁爷爷、公主娘娘之洪恩盛德也。”丞相曰：“其时避兵于蓝田山，还问店人，则或云娘子没入于掖庭。或云为拿于远邑，或云亦不免凶祸，虽未知的报，更无可望，不得已求婚于他家。而每过华山渭水之间，身如失侣之鸾，心若中钩之鱼。

皇恩所及，虽与会合，第有不安于心者。店中初约，岂以小星相期，而终使娘子屈于此位，惭愧何言？”秦氏曰：“妾之薄命，妾亦自知。故曾送乳媪于客店也。即若取室，则自愿为小室矣。今居贵主之副位，荣也，幸也。妾若怨恨，则天必厌之。”是夜旧谊新情，比前两宵尤亲密矣。

明日，丞相与兰阳公主会英阳房中，闭坐传杯。英阳低声招侍女请秦氏，丞相闻其声音，中心自动，悽黯之色，忽上于面。盖曾入郑府，对小姐弹琴，闻其评曲之声音。此容貌尤惯矣。此日闻英阳之声，如自郑小姐口中出也。吾约郑氏之婚也，意欲同生而同死矣。今我已结伉俪之乐，而郑氏孤魂託于何处耶？我欲远抚，既未一酹于其坟，又孤一哭于其殡，吾负郑娘多矣。”存于中者发于外，双泪汪汪欲滴。郑氏以水镜之心，岂不知其怀抱间事乎？乃整衽而问曰：“妾闻之主辱臣死，主忧臣辱，女子之事君子，如臣之事君，今相公临觴，忽侧惻不乐，敢问其故？”丞相

谢曰：“小生心事当不讳于贵主矣。步游曾往郝家见其女子矣，贵主声音窈窕，恰似郑氏女，故触目兴思悲形于色，遂令贵主有疑。贵主勿怪也。”英阳听讫，颜颊微赤，忽起入内殿，久不出，使侍女请之，侍女亦不出。兰阳曰：“姐姐太后娘娘所宠爱也，性品颇骄傲，不如妾之贱劣也。相公出郑女于蛆蛆，蛆蛆咀此有未安之心。”丞相即使秦氏谢罪曰：“少游被酒，困醉妄发，贵主若出来，则少游当如晋文公请自刭矣。”秦氏久而出来，无所传之言。丞相曰：“贵主有何语？”秦氏曰：“贵主怒气方峻，言颇过中，贱堂不敢传矣。”丞相曰：“贵主过中之言，非淑人之短也，须细传之。”秦氏曰：“英阳公主有教曰：‘妾虽贱劣，即太后娘娘之宠女。郑女虽奇，不过为间间贱徽女子。礼曰：式路马，此菲马之敬也，敬君父之所乘也。君父之马尚且敬之，况君文所娇之女乎？相公若敬君父而尊朝廷也，固不可以妾此之于郑女。况且郑女曾不顾念，自斡其色，与相公接言语论琴曲，则不可谓持身有礼也，其滥可知矣。自伤婚事之蹉跎，身致幽瞑之疾病，终夭折于青春，亦不可谓多福之人也。其命最奇矣。相公何曾比余於是乎？昔鲁之秋胡，以黄金戏采桑之女，其妻即赴水而死。妾何可以羞颜对相公乎？不愿为无行人之妻也。且相公记其颜而于已死之后，辨其声音于久别之余，此反挑琴于卓女之堂，偷香于贾氏之室，其行之污近于秋胡，妾虽不能效古人之投水，自此誓不出阊门之外，终身而死矣。兰阳性质柔顺，不与我同，惟愿相公与兰阳偕老。”丞相大怒于心曰：“天下安有以女子而怙势如英阳者乎？果知为驸马之苦也。”谓兰阳曰：“我与郑女相遇，自有曲折矣。今英阳反以淫行加之。于我无损，而但辱反于既骨之人，是可叹也。”兰阳曰：“妾当入去开谕姐姐矣。”即回身而入。至日暮亦不肯出来。灯烛已张于房闼矣。兰阳使侍婢传语曰：“妾游说百端，姐姐终不回心。妾当初与姐姐结约死生不相离，苦乐互相同，以矢言告之于天地神祇，姐姐若终老于深宫，则妾亦终老于深宫。姐姐若不近于相公，则妾亦不近于相公。望相公就淑人之房，稳度今夜。”丞相怒胆撑肠，坚忍不泄，而虚帷冷屏亦甚无聊，斜倚寝床直视秦氏。秦氏即秉烛导丞相归寝房，烧龙香于金炉，展锦衾于象床，谓丞相曰：“妾虽不敏，尝闻君子之风礼云：‘妾御不敢当夕’，今两主娘娘皆入内殿，妾何敢陪相公而经此夜乎？惟相公安寝，当退去矣。”

即雍容步去。

丞相以挽执为苦，虽不留止，而是夜景色颇冷淡矣。遂垂幌就枕，反侧不安，自语曰：“此辈结倘挟谋，侮弄丈夫，我岂有哀乞于彼哉？我昔在郑家花园，昼则与郑十三大醉于酒楼，夜则与春娘对烛饮酒，无一日不闲，无一事不快矣。今为三日驸马，已受制于人乎？”心甚烦闷，手拓纱窗，河影流天，月色满穹，乃曳履而出，巡檐散步。这望英阳公公寝房，辅户玲珑，银缸晃明。丞相暗语曰：“夜已深矣，宫人何至不寐乎？英阳怒我而入，送我于此，或者已归于寝室乎？恐出聒音，举趾轻步，潜进窗外，则两主谈笑之响，博陆之声出于外矣。暗从枕隙而窥之，则秦淑人坐两公之前，与一女对博局，祝红呼白。其女子转身挑烛，正是贾春云也。元来春云欲观先于公主大礼，入来宫中已累月，而藏身掩迹，不见丞相。故丞相不知其

来矣。丞相惊讶曰：“春云何至于此耶？”必公主欲见而招来也。秦氏忽改局设马而言曰：“既无赌物，殊觉无味，当与春娘争赌矣。”春云本贫女，胜则一器酒肴亦幸矣。淑人长在贵主之侧，视彩锦如粗织，以珍羞为藜藿，欲使春云以物为赌乎？”彩凤曰：“吾不胜则吾一身所佩之香妆，首之饰，从春云所求而与之，娘子不胜，从我请也。是事于娘子固无所费也。”春云曰：“所欲请者何事？所欲闻何语？”彩凤曰：“我顷闻两位贵主私语，春娘为仙为鬼以欺丞相云，而我未得其详。娘子负，则以此事潜为古谈而说与我也。春云乃推局，向英阳公主而言曰：“小姐小姐：小姐平日爱春云可谓至矣，何以为此可笑之说悉陈于公主乎？淑人亦既闻之，宫中有耳之人孰不知之？春云自此以何而目立乎？”彩凤曰：“春娘子，吾公主何以为春娘子之小姐乎？英阳贵主，即吾大丞相夫人，魏国公女。君年龄虽少，爵位已高，岂可复为春娘子之小姐乎？”春云曰：“十年之口，一朝难变。争花斗卉，宛如昨日。公主夫人，吾不畏也。”仍嬉嬉面笑。兰阳公主间于英阳曰：“春云话尾，小妹亦未及闻之，丞相其果见欺于春云乎？”英阳曰：“相公之见欺于春云者多矣。无薪之突，烟岂生乎？世欲见其恇怯之状矣，冥顽太甚，不知恶鬼。古所谓：‘好色之人，色中饿鬼’者，果非诬也。鬼之饿者岂知鬼之可恶乎？”一座皆大笑。丞相方知英阳公主之为郑小姐也，如逢地中之人，徒切惊倒之心，欲直入开窗突入，而旋止曰：“彼欲瞒我，我亦瞒彼矣。乃潜归于秦氏之房，被衾稳宿。天明秦氏出来，问于侍女曰：“相公已起否？”侍女对曰：“未也。”秦氏久立于帐外，朝旭满窗，且饌将进，而丞相不起，时有呻吟之声。秦氏进问曰：“丞相有不安节乎？”丞相忽睁目直视，有若不见人者，目往往作谵语。秦氏问曰：“丞相何为此谵语耶？”丞相慌乱错莫者久，忽问曰：“汝谁也？”秦氏曰：“丞相不知妾乎？妾即秦淑人电。”丞相曰：“秦淑人谁也？”，秦氏不答，以手抚丞相之顶曰：“头部颇温，可知相公有不平之候矣，然一夜之间疾何疾也？”丞相曰：“我与郑女，达夜相语于梦中，我之气候安得平稳乎？”秦氏更问其详。丞相不答，翻身转卧。秦氏切闷。使侍女告于两公主曰：“丞相有疾，速临诊视。”英阳曰：“昨日饮酒之人今岂病乎？不过欲使吾辈出头也而已。”秦氏忙入告曰：“丞相神气恍惚，见人不知犹向暗里，频吐狂言。奏于圣上，召太医治之如何？”太后闻之，召公主责之曰：“设辈之瞒戏丞相亦已过矣。而闻其病重，不即出见是何事也？是何事也？急出问病。病势若重，促召太医中术业最妙者而治之。”

英阳不得已，与兰阳诣丞相寝所，留堂上，先使兰阳及秦氏入见丞相。见兰阳或摇双手，或噤两瞳，初若不相识者，始作喉间之声曰：“吾命将尽矣，要与英阳相决，英阳何往而不来乎？”兰阳曰：“相公何为此言乎？”丞相曰：

“去夜似梦非梦间，郑氏来我而言曰：“相公何负约耶？仍盛怒呵责，以真珠一掬与我，我受而吞之，此实凶徵也。闭目则郑女压我之身，开眸则郑女立我之前，此郑女怨我之无信，而夺我之修期也，我何能生乎？命在照刻间矣，欲见英阳者，盖以此也。”言未已，又作昏困断尽之形，回面向壁又发胡乱之说。

兰阳见此举止不得不动，而忧虑大起，出言于英用曰。“丞相之病似出于忧疑，非姐姐不可医矣。”仍言病状。英用且信且疑，踟蹰不入，兰阳携手同入，丞相犹作谰语，而无非向郑氏之说也。兰阳高声曰：“相公，相公，英阳姐姐来矣，开目面见之。”丞相乍举头，频挥手，有欲起之状。秦氏就身扶起，起坐于床上。丞相向两公主而言曰：“少游偏蒙异徵，与两位贵主乍结亲，方欲同室而同穴矣，有若拉我而去者，将不得久留矣。”英阳曰：“相公识理之人也，何为浮诞之言也？郑氏设有残魂余魄，九重严邃，百神护卫，渠何能入乎？”丞相曰：“郑女方衣吾旁，何而不敢入乎？”兰阳曰：“古人见杯中弓影，而有成疑疾者，恐丞相之病亦以弓而为蛇也。”丞相不答，但摇手而已。

英用见其病势转剧，不敢终讳，乃进坐曰：“丞相只念死郑氏，面不欲见生郑氏乎？相公苟欲见之，妾即郑氏琼贝也。”丞相佯若不信曰：“是何言也？郑司徒只有一女，而死已久矣，死郑女既在吾之身边，则死郑女之外，岂有郑女乎？不死则生，不生则死，人之常也。一人之身或谓之死，或谓之生，则死者为真郑氏乎？生者为真郑氏乎？生同真也，死则妄也。死固真也，生者诞也。贵主之言，吾不信也。”兰阳曰：“吾太后娘娘，以郑氏为养女，封为英阳公主，与妾同事相公，英阴姐姐即当日听琴之郑小姐也，不然姐姐何以与郑氏无毫发爽也？”丞相不等，微作呻吟之声，忽昂首作气而占：“我在郑家之时，郑小姐婢子春云，使唤于我矣。今有一言欲问春云，春云亦何在乎？吾欲见之耳！”兰阳曰：“春云为谒英阳姐姐，入宫属耳。春云亦忧丞相之疾，来候英旧。”自外即入谒曰：“相公贵体少康乎？”丞相曰：“春云独留，余皆出。”两公主及漱人，退立于栏头。丞相即起梳洗，整其衣冠，使春云请三人，春云含笑而出。谓两公主及秦夫人曰：“相公邀之矣。”四人同入。丞相戴华阳巾，着宫锦袍，执白玉如意，倚案席面坐，气象如春风之浩荡，精神如秋水之滢彻，文彩非似病起之人矣。郑夫人方悟见卖，微笑低头，更不问病。兰阳问曰：“相公之气今则如何？”丞相正色曰：“少游见近来风俗甚怪，妇女作佞，欺瞞家夫。少游职在大臣之列，每求规正之术，而未得其道，忧劳成病。昔病今愈，不足以烦公主虑也。”兰阳及秦氏，惟微笑而不答。郑夫人曰：“是事非妾等所知，相公如欲医疾，仰禀于太后娘娘。”丞相心不胜痒，始乃发笑曰：“吾与夫人只卜后生之相逢矣，今日我在梦中，而亦不知梦耶？”郑氏曰：“此莫非太后娘娘子视之仁，皇上陛下并育之恩，兰阳公主之德，惟镂骨铭心而已，岂口吻所可容谢哉？”乃细陈颠末。丞相谢于公主曰：“公主盛德，实简策上所未覩者也。少游实无酬报之路，惟期益加敬服之诚，不替钟鼓之乐也。”公主称谢曰：“此盖姐姐徽仪柔德，感回天心，妾何与哉？”时太宫招宫人问病状，乃知托病之由。大笑曰：“我固疑之矣。”乃召见丞相，两公主亦在坐矣。

太后问曰：“闻丞相与既死之郑女、续已绝之佳缘，不可无一言贺也。”丞相俯伏对曰：“圣恩与造化同，虽摩顶旋踵，沥胆露肝，难报其万一也。”太后曰：“吾直戏耳，岂日恩也。”是日，上受群臣朝贺于正殿。群臣奏曰：“近者景星出，甘露降，黄海青，年谷登，三镇节度纳地而朝，吐蕃强胡，革心而降，此皆盛德所致

也。”上谦让，归功于群臣。群臣又奏曰：“丞相杨少游，近作铜龙楼上，骄客吹玉箫而调凤凰，久不下于秦楼，玉堂公务殆将阙矣。”上大笑曰：“太后娘娘连日引见，此少游所以不敢出也。朕近当面谕，使之就职矣。”明日杨少游就朝堂，理国政，遂上疏请暇，欲将母而来。其疏曰：

丞相魏国公、驸马都尉——臣杨少游，顿首顿首，百拜上言于皇帝陛下。伏惟臣即楚地编户之民也。生事不过数顷，学业止于一经，而老母在堂，菽永不继，欲营升斗之禄，以备甘毳之供。不揣寸分，猥蒙乡贡，方臣之蹶履赴举，老母临行送之日。“门户贱矣，家业弊矣，堂捐之责，十口之命，皆付于汝之一身。汝其力学决科，以显父母，是吾望也。再禄仕太暴，则躁竞之刺兴。官职太骤，则负乘之患生。汝其戒之。”臣敢受母训，铭在心肝，而滥以幼少之年，幸值功名之会，立朝数年，名位扬赫。金马玉童，凿称华贯。而臣既据黄麻紫诰，必须全才。而臣又添叩奉綸，南讨强藩，屈膝受命，西征曲西捐手。臣本白面一书生也，是岂臣能立一策辨一谋而致此哉？莫非皇威所及，诸将效死，而陛下反奖其微劳，褒以重爵。臣心之愧扬惶惑，有不可论。而老母所戒，躁竞之刺，负乘之患，不幸当之矣。至于锦裔抄简，尤非间巷贱臣所敢当者。而圣明勤劳摯，谬思荐加臣，逃遁不得，冒没承顺，岂不足以辱国家，而羞当世乎？呜呼！老母之所期于臣者，初不过乎寸廩而已。臣之所望于国家者，本不外于一官而已。今臣居将相之位，挟公侯之当，奔走王事，不遑将母。臣偃处丹碧之室，而臣母则仅掩茅茨。臣坐享方丈之食，而臣母则不免粗粝。居处饮食，母子绝异。是以富贵处身，而以贫贱待母，人伦废臭，子职堕臭。况臣母年龄已高，疾病沉笃，无他子女可以扶护者。而山川辽阔，信使阻绝，消息亦不能以时相通，陟屺望云，而肝肠已寸断无余。夸幸国家无事，官府多闲，伏乞陛下谅臣危迫之情，案臣终养之愿，特许数月之暇，使之归省先墓，将归老母。母子同居，歌咏圣德，得以尽融灭之乐，反哺之诚。则臣谨当弥竭穆幸之忠，誓报体下之恩臭，伏乞陛下矜阔焉。

上览之叹曰：“孝哉杨少游也。特赐黄金千斤，綵帛八百匹，归为老母寿，且令辇母遣返。丞相入阙，祇肃拜辞于太后，太后赐赉金帛，倍蓰于皇上恩典矣。退与两公主及秦贾两娘相别。

行到天津，鸿月两妓，因府尹是通已来待于客馆。丞相笑谓两妓曰：“吾之此行乃私行，非王命也，两娘何以知之？”鸿月曰：“丞相魏国公，驸马都尉之行，深山穷谷亦皆奔走耸动。妾等虽蛰居于山林寂寥之地，岂无耳目乎？况府尹老爷敬待妾等，亚于相公，相公之来，不敢不报。去年相公奉使过此，妾等尚有万丈之光辉。今相公位益崇，而名益著，臣妾之荣亦转加百层矣。闻相公娶两公主为女君，未知两位公主能容妾等否？”丞相曰：“两公主一则乃至天子御妹，一则郑司徒女子，太后取郑氏为养女，而即桂娘所荐也。郑氏与桂娘，有汲引之恩，且与公主俱有及人之仁，容物之德，岂非两娘之福乎？鸿月相顾而贺。丞相与两人经夜。

行到故乡。初以十六岁书生，离亲远游，及其来覲，拥大丞相之轩本，犇魏国公之印绶，重之以驸马之豪贵，四年间所成就者何如耶？入谒于母夫人。柳氏执其手而抚其背曰：“汝真吾儿杨少游耶？吾不能信也！当昔诵六甲、赋五言之时，岂知有今日荣华也？”喜极面泪下也。丞相立名成功之终始，娶室卜妾之颠末，悉告无余。柳夫人曰：“汝父亲每以汝为大吾门者，惜不令汝父亲见之也。”丞相省祖先丘墓，以赏赐金帛，为大夫人设大宴献寿，请宗族故旧邻里，宴饮十日，陪大人登程。诸路方伯，列邑守宰，辐辏护行，光彩辉映于一方矣。过洛阳分付本州，招鸿月两妓。还报曰：“两娘子同向京师，已有日矣。”丞相颇以交违为怅缺。

至皇城，奉大夫人于丞相府中，诣阙肃谢。赐资金银綵缎十车，俾为大夫人寿。请满朝公卿，设三日大酺以娱之。丞相择吉日陪大夫人，移入于御赐新第。园林台沼亭榭官宇，下皇居一等。郑夫人、兰阳公主行新婚之礼，秦淑人、贾孺人亦备礼谒见。币物之盛，礼貌之恭，足令大夫人敷和气，耸欢心也。丞相既承寿亲之命，以恩赐之物，又设大宴三日。两宫梨园之乐，移御厨之撰，宾客倾朝廷矣。丞相具彩服与两公主，商擎玉杯，以次献寿。柳夫人甚乐。宴束罢，闻人人告，门外有两女子，纳名于大夫人及丞相座下矣。丞相曰：“必鸿月两姬也。”以此意告于大夫人，即招入。两妓叩头拜谒于阶前。众宾皆曰：“洛阳桂蟾月、河北狄惊鸿，擅名久矣，果绝艳，非杨丞相风流，何能致此也？”

丞相命两艘各奏其艺。鸿月一时齐起，曳珠履登琼筵，拂藕肠之轻衫，飘石榴之彩袖，对舞霓裳羽衣之曲，落花飞絮，掩乱于春风。云影雪色，明灭于锦帐。汉宫e燕，再生于都尉官中。金谷绿珠，却立于魏公堂上。柳夫人，两公主，以锦繡縑帛赏赐两人。秦淑人与蟾月旧相识也，话旧论情，一喜一悲。郑夫人手把一相别劝桂娘，以酬荐进之恩。柳夫人谓丞相曰：“汝辈进谢于蟾月，而忘我从妹乎？不可谓不背本者也。”丞相曰：“少子今日之乐，皆鍊师之德也。况母亲既入京师，虽微下教，固欲奉请矣。”即送人于紫请观诸女冠云。杜鍊师入蜀三年尚未归矣，柳夫人甚恨恨焉。

卷之六

卷之六

乐游原会猎斗春色

油壁车招摇古风光

鸿月入杨府之后，丞相侍人日益多矣。备定其屠处，正堂曰庆福堂，大夫人居之。庆福之前曰燕喜堂，左夫人英阳公主处之。庆福之西曰凤箫宫，右夫人兰阳公主处之。燕喜之前凝香阁、清和楼，丞相处之。时时设宴于此。其前太史堂、礼宾堂，丞相接宾客听公事之处也。凤箫宫踰南寻兴院，即淑人秦彩凤之室也。燕喜堂以东迎春阁，即孺人贾春云之房也。清和楼东西，皆有小樱。绿窗朱栏，蔽亏掩映。周回作行阁，以接于清和楼。凝香阁东，曰赏花楼，西曰望月楼。桂狄两姬各占其一楼。宫中乐姬八百人，皆无下有色有才也。分作东西部。左部四百人，桂蟾月主之。右部四百人，狄惊鸿掌之。教以歌舞，课以管弦，每月会清和阁，较两部之才。丞相陪大夫人，率两公主，亲自乐，第以赏罚，胜者以三杯酒赏之。头插彩花一枝，以为光荣。负者以一杯冷水罚之。墨笔画一点于额上，以愧其心，以此众妓之才日渐精熟。魏府、越宫女乐，为天下最。虽梨园弟子，不及于两都矣。一日两公主与诸娘陪大夫人，而丞相持-

封书，自外轩而入。授兰阳公主曰：“此即越王之书也。”公主展看，其书曰：

春日清和，丞相钧体蔓福。顷者国家多事，公私无暇，乐游原上，不见驻马之人。昆明池头，无复泛舟之戏。递夸歌舞之地，便作蓬蒿之场。长安父老每说祖宗繁华古事，往往有流涕者，殊非太平之气象也。夸赖皇盛圣，丞相伟功，回海宁溢，百姓安乐，复开元天宝间乐事，即今日其会也。况春色未暮，天气方和，芳花懒柳，能使人心骀荡。美景赏心，俱在此时矣。愿与丞相相会于乐游原上，或观猎或听乐，铺张升平盛事。丞相若有意于此，即约日相报，使寡人随生，幸甚。

公主见毕，谓丞相曰：“相公知越王之意乎？”丞相曰：“有何深意？不过欲赏花柳之景也。此固游闲公子风流事也。”公主曰：“相公犹未尽知也。此兄所好者惟美色风乐，其宫中绝色佳人非一二。而近闻所得宠姬即武昌妓名玉燕也。越富美人自见玉燕，魂丧魄褫，以无盐、嫫母自处，可知其才与貌，独步于一代也。越王兄闻吾宫中多美人，欲效王恺石崇之相较也。”丞相笑曰：“我果泛见矣，公主先获越王之心也。”郑夫人曰：“此虽一时游戏之事，不必见屈于人也。”目鸿月而谓之曰：“军共虽养之十年，用之在一朝。兹事胜负，都在于两教师掌握之中，汝辈须努力焉。”蟾月对曰：“贱妾恐不可敌也。越国风乐擅于一国，武昌玉燕鸣于九州，越王殿下既有如此之风乐，又有如此之美色，此天下之强敌也。妾等以偏师小

卒，纪律不明，旗鼓不整，恐未及交锋，便生倒才之心也。妾等之见笑不足关念，而只恐贻羞于吾府中也。丞相曰：“我与蟾娘初遇于洛阳也，蟾娘称有青楼三绝色，而玉燕亦在其中，必此人也。然青楼绝色只有三人，耐今我已得伏龙凤雏，何畏项羽之一范增乎？”公主曰：“越王姬妾中美色，非独一玉燕也。”蟾月曰：“越宫中，粉其腮而胭其颊者，无非全山草木也，有走而已，吾何敢当哉？愿娘娘问策于狄娘。妾本来胆小，闻此言便觉歌喉自废，恐不能唱曲也。”惊娘愤然曰：“蟾娘于此果真说话耶？吾两人横行于关东七十余州，擅名之妓乐无不听之，鸣世之美色无不见之，此膝未会屈也，何可遽让于玉燕乎？世有倾城倾国之汉夫人，为云为雨之楚台神女，或有一毫自歉之心。不然，彼玉燕何足惮哉？”蟾月曰：“鸿娘发言何其太容易耶？吾辈会在关东，所参者大则太守方伯之宴，小则豪士侠客之会，未遇强设固其宜也。今越王殿下，生长于大内，万玉丛中眼目甚高，评论太峻，所谓观太山而泛沧海者也，丘垤之微、涓流之细，岂入于眼孔乎！此以孙吴为敌，与赍育而斗力，非庸将孺子所抗也。况玉燕即帷幄中张子房也，能决胜于千里之外，何可轻之？今鸿娘徒为赵括之大谈，吾见其必败也。”仍告丞相：“狄娘有自多之心，妾请言狄娘之短处，狄娘之初从相公，盗骑燕王千里马，自称河北少年，欺相公于邯郸道上，使鸿娘苟有蝉妍嫋娜之态，则相公岂以男子知之乎？且承恩于和公之日，乘夜之昏，假妾之身，此所谓因人成事者也。今对贱妾，有此夸大之言，不亦可笑乎？”惊鸿笑曰：“信乎人心之不可测也。贱妾之未从相公也，誉之如月殿垣娥。今乃毁之，如不值一钱者。此不过丞相待妾过于蟾娘故，蟾娘欲专相公之宠，有此妒忌之言也。”蟾娘及诸娘子皆大笑。

郑夫人曰：“狄娘之纤弱非不足也，自是丞相一双眸子不能清明之致也。鸿娘名价不必以此而低也。然蟾娘之言，盖是确论。女子以男服欺人者，必无女子之姿态也。男子以女妆瞒人者，必欠丈夫之气骨也。皆因其不足处，而逗其诈也。”丞相大笑曰：“夫人此言盖弄我也，夫人一双眸子亦不清明，能辨琴曲而不能辨男子，此有耳而无目也，七窍无一，则其可谓全人乎？夫人虽讥此身之贱劣，见我凌烟阁画像者，皆称形体之壮成风之猛矣。”一座又大笑。

蟾月曰：“方与劲敌对阵，岂可徒为戏谈？不可全恃吾两人，贾孺人亦同往如何？越王非外人，淑人亦何嫌之有？”秦氏曰：“桂狄两娘若入于女进士场中，当效一寸之力矣。歌舞之场安用妾哉？此所谓驱市人而战也。桂娘必不能成功也。”春云曰：“春云虽歌舞之才，惟妾一身贻笑于人，则不过为妾身之羞，岂不欲观光于盛会哉？妾若随去，则人必指笑曰‘彼乃大丞相魏国公之妾也，郑夫人及公主之媵也。’然则此贿笑于相公也，贻忧于两嫡也。春云决不可往矣。”公主曰：“岂以春娘之去，而相公被笑于人，我亦因君而有忧乎？”春云曰：“平铺彩锦之步障，高褰白云之帐幕，人皆曰曰：‘杨丞相宠妾贾人来矣。’骈肩接武争先，纵观及其移登筵，乃蓬头垢面也。然则人皆大惊大诧，以为杨丞相有邓都于之病也，此非贻笑于相公乎？至于越王殿下，平生未尝见累秽之物，见妾必呕逆面气不平矣。此非贻忧手娘娘乎？”公主曰：“甚矣春娘之谦也。春娘昔者以人而为鬼，今欲以西施而

为无盐，春娘之言，无足可信也。”乃问于丞相曰：“答书以何日为期乎？”丞相曰，“约以明日会矣。”鸿月大惊曰：“两部教坊犹未下令，势已急矣，可奈何哉？”即召头妓而言曰：“明日丞相与越王，约会于乐游原，两部诸妓，须持乐器饰新妆，明晓陪丞相行矣。”八百妓女一时闻令，皆理容齐眉，执器习乐，为明日计矣。

翌晓天明，丞相早起，着戎服佩弧矢，乘雪色千里崇山马，发猎士三千人，拥向城南。蟾月惊鸿，雕金镂玉，缀花裁叶，各率部妓结束随行。并乘五花之马，跨金鞍蹀银镫，横拖珊瑚之鞭，轻揽琐珠之辔，昵随丞相之后。几百红妆，皆乘骏骢，拥鸿月左右而去。中路逢越王。越王军容女乐，足与丞相之行并驾矣。

越王与丞相并镳面行，问于丞相曰：“丞相所骑之马，何国之种也？”丞相曰：“出于大宛国也，大王之马亦似宛种也。”越王曰。“然。此马之名千里浮云聪。去年秋陪天子，猎于上林，天厩万马皆追风逸足，而无追及于此者，即夸张驸马之桃花聪，李将军之乌雅马，皆称龙种，而如此马皆驽骀也。”丞相曰：“去年讨吐蕃时，探险之水，崭截之壁，人不能着足，而此马如蹈平地，未尝一蹶。少游之成功实赖此马之力。杜予美所谓：‘与人一心成大功’者，非耶？少游班师之后，爵位骤崇，职务亦闲，隐乘平轿，缓行坦途，人与马俱欲生病矣。请与大王，挥鞭一驰，较健马之快步，试旧将之余勇。”越王大喜曰：“亦吾意也。”遂吩咐于侍者，使两家宾客女乐，归待子幕次。

王欲举鞭马矣，适有大鹿，为猎军所逐，掠过越王之前。王使马前壮士射之，于是众矢齐发，皆不能中。大王怒耀马而出，以一矢射其左肋而殪之一，众军皆呼“千岁”。丞相称之曰：“大王神弓无异汝阳正也。”王曰：“小拽何足称乎？我欲见丞相射法，亦可试否？”言未讫，天鸦一只适自云间飞来。诸军皆曰：“此禽最难射也，宜用海东青也。”丞相笑曰：“汝姑勿放。”即抽箭翻身仰射，中鸦左耳而坠于马前。越王大赞曰：“丞相妙手，今之春由已也。”两人遂挥鞭一哨，两马齐出，星流电迈，神行鬼闪，瞬息之间已涉大野而登高丘矣。按辔并立，周览山川，领略风景，仍论射剑术，淫淫不止。侍者始追及，以所获苍鹰白鹅盛银盘而进之。两人下马披草而坐，拔所佩宝刀，割肉炙啗，互劝深杯。遥见红袍两官飞鞋而来，一队从人随其后，盖自城中而出也。一人疾走而告只，“两殿宣醢矣。”越王往候幕中，两太监酌御赐黄封美酒，以劝两人。仍授龙凤彩笺一封，两人盥手跪伏开见，以大猎郊原为题而赋进矣。两人顿首回拜，各赋回韵一首，付黄门而进之。丞相诗曰：

晨驱壮士出郊垆，剑若秋莲矢若星。

帐里群娥天下白，马前只翮海东青。

恩分玉醕争含感，醉拽金刀自割腥。

仍忆去年西塞外，大荒风雪猎王庭。

越王诗曰：

躩躩飞龙闪电过，御鞍鸣鼓立平坡。

流星势疾歼苍鹿，明月形开落白鹅。

杀气能教豪兴发，圣恩留带醉颜酡。

汝阳神射君休说，争似夸朝得雉多。

黄门拜辞而归。于是两家宾客以次列坐。庖人进饌，飮饔生香。骆驼之峰，猩猩之唇，出于翠釜。南越荔茭，永嘉甘柑，相滥于玉盘。王母瑶池之宴人无见者，汉武帝柏梁之会事已古矣，不必强拔，而比之人间之珍品异羞，蔑有加于此者。女乐数千，三匝四围，罗绮成帷，环珞如雷，一束纤腰，争妒垂杨之枝，百队娇容，欲夺烟花之色。豪丝哀竹，沸曲江之水，冽唱繁音，动终南之山。

酒半，越王谓丞相曰：“小生过蒙丞相厚眷，而区区徽诚，无以自效，携来小妾数人，欲睹丞相一欢。请召至于前。或歌或舞献寿，丞相如何？”丞相谢曰：“少游何敢与大王宠姬相对乎？妾恃姻娅之谊，敢有僭越之计焉。少游侍妾数人亦有为观盛会而来者，少游亦欲呼来，便与大王侍妾，各奏长技，以助余兴。”王曰：“丞相之教亦好矣。”于是蟾月、惊鸿及越宫四美人，承命而至，叩头于帐前。丞相曰：“昔者宁王畜一美人，名曰芙蓉大白，悬于宁王，只听其声不得见其面。今少游见四仙之面，所得比太白十倍矣。彼四美人姓名云何？”四人起而对曰：“妾等即金陵杜云仙、陈留少蔡儿、武昌万玉燕、长安胡英口也。”丞相谓越王曰：“少游曾以布衣游于两京间，闻玉燕娘子之盛名，如天上人。今见其面，实过其名矣。”越王亦闻知蟾月两人姓名，乃曰：“此两人天下所共雄者，而今者皆入于丞相之府，可谓得其主矣。未知丞相得此两人于何时乎？”丞相对曰：“桂氏少游赴举之日，适至洛阳，渠自从之。狄女曾入于燕王宫，少游奉史燕同也，狄女抽身随我，追及于复路之日矣。”越王抚掌笑曰：“狄娘子之侠气，非杨家紫衣者所比也。然狄娘子从相公之日，相公职是翰林，且受王节，则麟凤之瑞，人皆易见。桂娘于昔当相公之穷困，能知今日之富矣。所谓识宰相于尘埃者也，尤亦奇也。未知丞相何以逢得于客路乎？”丞相笑曰：“少游追念其时之事，诚可咳也，下土穷儒，驴一童，问关远路，为饥火所迫，过饮村店之浊醪，行过天津桥上，适见洛阳才士数十人，大张娯乐于楼上，饮酒赋诗。少游弊衣破巾，诣其座上，蟾月亦在其中。虽诸生奴仆，未有如少游之疲弊者。而醉兴方浓，不知惭愧，拾掇荒芜之词，不知其诗意

如何，句格如何，而桂娘拈出其诗众篇之中，歌而咏之。盖座中初约，诸人所作，若入于桂娘之歌者，则赏让与桂娘子其人，故不敢与少游相争。此亦缘也。”越王大笑曰：“丞相为两场状元，吾以为天地间快乐之事，是事之快，高出于状元上也。其诗必妙也。可得闻欤？”丞相曰：“醉中卒尔之作何能记乎？”王谓蟾月曰：“丞相虽已忘之，娘或记诵否？”蟾月曰：“贱妾尚能记之，未知以纸笔写呈乎，以歌曲奏之乎？”王尤喜曰：“若兼闻娘子之玉声则尤悦矣。”蟾月就前以过云之声歌以奏之，满座皆为之动容。王大加称服曰：“丞相之诗才，蟾月之绝色清歌，足为三绝也。第三诗所谓‘花枝羞杀玉人妆，未吐纤歌口已香’者，能画出蟾娘，当使太白退步也。近世之棘句饰章，抽黄批白者，安敢窥其藩篱乎？”遂满酌金钟以赏鸿月两人与越宫四美人。迭舞空歌献寿，宾主真天生敌手，少无参差。面况玉燕本与鸿月齐名。其余三人，虽不及于玉燕，亦不远矣。王颇自慰喜而已。

醉甚，止巡，与宾客出，立于帐外。见武士击刺奔突之状。王曰：“美女骑射亦甚可观。故吾宫中精熟弓马者，有数十人矣。丞相府中美人，亦反有自北方来者。下令调发使之射雉逐兔，以助一场欢笑，如何？”丞相大喜，命拣能弓马者数十人，使与越宫娥赌胜。惊鸿起告曰：“虽不习操弧，亦惯见他人之驰射。今日欲暂试之矣。”丞相喜，则解给所珮画弓。

惊鸿执弓而立，谓诸美人曰：“虽不能中愿，诸娘勿笑也。”乃飞上于骏马，驰突于帐前。适有赤雉自草间腾上，惊鸿乍转纤腰，执弓鸣弦，五色彩羽倏落于马前。丞相越王击掌大噓。惊鸿转身还驰下于帐外，稳步就座。诸美人皆称贺曰：“吾辈虚做十年工夫矣。”蟾月内念曰：“吾两人虽不让于越宫女，彼乃四人，吾则一双，孤单甚矣，恨不拉春娘而来也。歌舞虽非春娘所长，其艳色美谈，岂不能压倒云仙辈乎？”咄咄不已矣。忽骋嘱，则两美人自野外驱油壁车，转行于绿阴芳草之上，稍稍前进矣，俄到帐前之外。

守门者曰：“自越宫来乎？从魏府至乎？”御者曰：“此车上两娘，即杨丞相小室，适有些故，初未皆来矣。”门卒入告于丞相。丞相曰：“是必春娘欲观光而来，行色何其太简耶？”即命召入。两娘子卷珠箔自车中而出。在前者沈袅烟，在后者，宛是梦中所见之洞庭龙女也。两人俱进丞相座下，叩头拜谒。丞相指越王而言曰；“此越王殿下也，汝辈以礼谒之。”两人礼毕。丞相赐坐。使与鸿月同坐。

丞相谓王曰：“被两人征伐西蕃时所得也，近因多事来及率来。必闻少游与大王同乐，欲观盛会而至矣。王更见两人，其色与鸿月雁行，而缥缈之态，超越之气，似加一节矣，王大异之，越宫美人亦皆颤如灰色矣。王问曰：“两娘何姓名也？何地人耶？”一人对曰：“小妾袅烟，姓沈氏，西凉州人也。”一人又对曰：“小妾凌波，姓白氏，曾居潇湘之间，不幸遭变，避地西边，今从相公而来耳。一王曰：“两娘子殊非地上人也。能解管弦否？”袅烟对曰：“小妾塞外贱妾，未尝闻丝竹之声，将以何技以娱大王乎？但儿时多事，浪学剑舞，而此乃车中之戏，恐非贵人所

可见也。一王大喜，谓丞相曰：“玄宗朝，公孙大娘剑舞鸣于天下，其后此曲遂绝不传于世。我每咏杜子美诗，而恨不及一快靚也，此娘子能解剑舞，快奠甚焉。”与丞相各解赠所珮之剑。裊烟卷袖解带，舞一曲于金銮之前，條闲辉耀，纵横顿挫，红妆白刃，炫幻一色，若三月飞雪，乱洒于桃花丛上，俄而舞神转急，剑锋愈疾，霜雪之色忽满帐中。裊烟一身不复见矣。忽有一丈青虹，横亘天衢，飒飒寒飒，自动于樽俎之间，座上皆骨冷而发竦。裊烟欲尽所学之术，恐惊动越王，乃罢舞掷剑，再拜而退。王久乃定神，谓裊烟曰：“世人剑舞何能臻此神妙之境？我闻仙人多能剑术，娘子得非其人乎？”裊烟曰：“西方风俗，好以兵器作戏，故妾童稚之年虽或学习，岂有仙人之奇术乎？”王曰：“我还宫中，当择诸姬中便捷善舞者而进之，望娘子勿惮教授之劳。”裊烟拜而受命。王又问于凌波曰：“娘子有何才乎？”凌波对曰：“妾家近在湘水之上，即皇英所游之处也。有时乎，天高夜静，风清月白，则宝瑟之声尚在于云霄间。故妾自几时，仿其声音，自弹自乐而已，而恐不合子贵人之耳也。”王曰：“虽因古人诗句，知湘妃之能弹琵琶，而未闻其曲流传于世人也。娘子若能传得此曲，啁啾俗乐何足聆乎？”凌波自袖中出二十五弦，辄弹一曲，哀愁清切，水落三峽，雁号长天，四坐凄然下泪。已而千林自撮，欣声乍动，枝上病叶，纷纷交坠。越王大异之曰：“吾不信人间曲律，能回天地造化之权。娘若人间之人，则何能使发育之春为秋，敷荣之叶自零也？俗人亦可学此曲欤？”凌波曰：“妾惟传古曲之糟粕而已，有何神妙之术而不可学乎？”万玉燕告于王曰：“妾虽不才，以平日所习之乐，试奏《白莲曲》矣。”斜抱秦箏，进于席前，以纤葱拂弦，能奏二十五弦之声，运指之法，清高流动，殊可听也。丞相及鸿月两人亟称之，王甚悦。

驸马罚饮金屈卮

圣王恩借翠微宫

是岳乐游原之宴，烟渡两人未至助欢，王及丞相兴虽有余，而野日将夕矣。乃罢饮。两家各以金银彩缎为缠头之资、量珠以斗，堆锦如阜。越王与丞相，带月色而入城门，钟声闻矣。两家女乐争途选先，珮响如水，香气拥街，譙簪照珠尽入于马蹄，窸窣之声，闻于暗尘之外。长安士女聚观如堵。百岁老翁垂泪而言曰：“我昔发未总时，见玄宗皇帝幸华清宫，其威仪如此。不图垂死之日，复见天平景象也。”

此对两公主与秦贾两娘陪大夫人，正待丞相之还。丞相上堂，引沈裊烟、白凌波，现于大夫人及两公主。郑夫人曰：“丞相每言，得赖两娘子急难之恩，幸成数千里拓土之功，故吾每以曾未见为恨矣。两娘之来何太晚耶？”烟波对曰：“妾等远方乡閭之人也，虽蒙丞相一顾之恩，惟恐两夫人不虚一席之地，未敢即踵于门下矣。顷入京师，得闻于行路，则皆称两公主，有关雎乔木之德，化被疏贱，恩覃上下云。故方欲冒僭进谒之际，适值丞相观猎之时，叩参盛事，获承下海，妾等之幸也。”公主笑谓丞相曰：“今日宫中花色正满，植公必自夸风流，而此皆吾兄弟之功也

。相公知之”丞相大笈曰：“俗云贵人喜誉，言非妄也。彼两人新到宫中，大畏公主威风，有此谣言，公主乃欲为功耶？”一座譁然大笑。

秦贾两娘子问于蟾月两人曰：“今日宴席胜负如何？惊鸿答曰：“蟾娘笑妾大言矣。妾以一言，使越官夺气。诸葛孔明，以片舸入江东，掉三寸之舌，说利害之机。周公瑾鲁子敬辈，惟口呿喘息而不敢吐。平原君入楚定从，十九人皆碌碌无成事，使赵重于九鼎大吕者，非毛先生一人之功乎？妾志大，故言亦大之，言未必无实也。问于蟾娘，则可知妾言之非妄也。”蟾月曰：“鸿娘弓马之才，不可谓不妙：而用于风流阵，则虽或可称，置于矢石场，则安能驰一步而发一矢乎？越官夺气所以服，新到两娘子仙貌仙才也，何足为鸿娘之功乎？我有一言当问鸿娘说也。春秋之时，贾夫人虢甚丑陋，天下所共唾也。娶妻三年，其妻未曾一笑。与妻出郊，适射获一雉，其妻始笑。鸿娘之射雉，或与贾夫人同乎？”惊鸿曰：“以贾夫人之丑貌，能园弓马之才赌得其妻之笑，若使有才有色，而且能射雉，则尤岂不使人爱敬乎？”蟾月笑曰：“鸿娘之自夸，愈往而愈甚，此无非丞相宠爱之过，而骄其心也。”丞相笑曰：“我固知蟾娘之多才，而不知有经术也。今复兼春秋之癖也。”蟾月曰：“妾困时或涉猎经史，而岂日能之？”

翌日，丞相入朝于上。太后召见丞相及越王。两公主已入宫在座矣。太后谓越王曰：“吾儿昨日与丞相以春色相较，孰胜孰负？”越王奏曰：“附马完福，非人所争。但丞相如此之福，在女子亦为福乎不为福乎？一娘娘以此问于丞相。丞相奏曰：“越工谓不胜于臣者，正如李白见崔颢诗，而套其气也。于公主为福不为福，臣非公主不能自知，问于公主。”太后笑顾两公主。公主对曰：“夫妇一身荣辱苦乐，不宜异同，丈夫有福，则女子亦有福也。丈夫无福，则女子亦无福也。丞相之所乐，小女亦同乐而已。”越王曰：“妹子之言虽好，非肺腑之言也。自古驸马未有如丞相之放荡者。此由于纪纲之不严也。愿娘娘下少游于有司，问轻朝廷、蔑国法之罪。”太后大笑曰：“驸马诚有罪矣。若欲以法治之，则其为老身及儿女之忧不浅，故不得不屈公法而循私情矣。”越王复奏曰：“虽然丞相之罪，不可轻赦，请推问于御前。观其爱辞而处之可也。”太后大笑。越王代草问目，有曰：

自前古为驸马者不敢畜姬妾者，非风流之不足也，非衣食之不赡也，盖所以敬君父也，尊国体也。况兰阳两公主，以位则寡人之女也，以行则妊姒之德也。

驸马杨少游，不思敬奉之道，徒怀狂荡之心，栖心于粉黛之窟，游意于绮罗之丛，猎取美色甚于饥渴，朝求于东暮取于西，穷燕赵之色，饫郑卫之声，蚁屯于台榭，蚌闹于房闼。两公主虽以樛木之德，不生妒忌之心，在少游敬谨之道，安敢乃尔？骄侏自恣之罪，不可不惩。母隐直招，以俟处分。

丞相乃下殿，伏地免冠待罪。越王出立于栏外，高声读问目，丞相听讫纳拱，其辞曰：

小臣杨少游，猥浆两殿之盛眷，骤玷三占之崇班，则荣已极矣。两公主秉塞渊之德，有翠瑟之和，则愿已足矣。而童心尚存，豪气不除，过耽声妓之乐，略聚歌舞之女，此无非小臣狃于富贵，溢于盛满，不知自检之失。而臣窃伏见，国家夸申为驸马者，设有婢妾，若婚娶前所得，自有分拣之通。小臣虽有府中侍妾淑人秦氏？皇上所命，宜不在指论之列。小妾贾氏，臣曾在郑家花园时，使令于前者也。小妾桂、狄、沈、白四介女，或未及释葛时所卜，或奉命外国时所从，而皆在婚礼以前。至若并畜于府中，盖从公主之命也。非小臣所敢擅者也。论以国制，断以王法，宜无可论之罪。圣教至此，惶恐迟晚。

太后览毕大笑曰：“多畜姬妾，不害为大夫风度，容有可恕。而过好杯酌，疾病可虑，推考可也。”越王复赛曰，“驸马府中，不享姬妾。少游虽谄于公主，在其自处之道，实有万万不可者。更以此推问可也。”丞相着急，乃叩头谢罪。太后又笑曰。“杨郎真社稷臣也，我岂以女婿待之？”仍命整冠上殿。越王又奏曰：“少游功大，虽难加罪，‘国法亦严，不可全释。宜用酒罚。”太后笑而许之。

宫女擎进白玉小杯。越王曰：“丞相酒量本来如鲸，罪名亦重，安用小杯？自择能容一斗金屈卮，满酌清冽酒而授之。丞相酒户虽宽，连饮数斗，安得不醉乎？乃叩头奏曰。“牵牛过眷，织被聘岳，少游以畜妾于家中，被岳母之罚，为天王家女婿诚难矣。臣太醉请退去矣。”仍欲起而仆之。太后太笑，命宫女扶送于殿门之外，谓两公主曰。“丞相为酒所困，气必不平，汝等即随去。”公主承命即随丞相而去。

太夫人张烛堂上方待丞相，见丞相大醉，问曰。“前日虽宣酝之命，不曾一醉矣。何今过醉耶？”丞相以醉眼怒视公主，久而答曰：“公主兄越王，诉评于太后，勒成小于之罪，小子虽善为说辞，仅得清脱。越王必欲加罪，挑于太后，罚以毒酒。小于若无酒量，几乎死矣。此虽越王含憾于乐原之见屈，必欲报复，而亦兰阳猜我姬妾太多，乃生妒忌之心，与其兄挟谋，而必欲困我也。平日仁厚之心不可恃矣。伏望母亲以一杯酒罚兰阳，为小子雪愤。”柳夫人曰：“兰阳之罪，本不分明。且不能饮一勺之酒，汝欲使我罚之，以茶代酒可也。”丞相曰。“小子必欲以酒罚之。”柳夫人笑曰。“公主若不饮罚酒，则醉客之心必不解矣。”使侍太送罚酒于兰阳。公主执杯欲饮，丞相忽然生疑，欲夺其杯而尝之，兰阳急投于席上。丞相以指濡盏底余沥，吸而尝之，乃砂糖汁也。丞相曰：“太后娘娘若以砂糖水罚小于，则母亲亦当以砂糖水罚兰阳，而小子所饮者酒也，兰阳安得独饮砂糖水平？”招侍女曰“持酒槽而来。”自酌一杯而送之。公主不得已尽饮。丞相又告于夫人曰：“劝太后而罚臣者虽兰阳，郑氏亦与其谋，故在太后座前见儿子受困，目兰阳而笑之，其心不可测矣。愿母亲又罚郑氏。夫人大笑，又以罚杯送于郑氏。郑氏离座而饮。

夫人曰：“太后娘娘罚少游，因少游姬妾。而今公主两人皆饮罚酒，姬妾亦安得宴然平？”丞相曰：“越王乐原之会，盖为斗色。而鸿月、烟波，以小击众，以弱敌

强，一战树勋，先奏捷书，致令越王怀憾，仍使小子受罚，此四人可罚也。”柳夫人曰：胜战者亦有罚乎？醉客之育可笑！”即招四人，各罚一杯。四人饮毕，鸿月两人跪奏于柳夫人曰：“太后娘娘之罚丞相，实责姬妾之多，非为乐游原之胜也。彼烟、波两人，尚未奉丞相枕席，而与妾同饮罚酒，不亦冤枉乎？贾孺人奉帚于丞相，如彼之久，受恩于丞相，如彼之专，而且不参乐原之会，独免此罪，下情皆菀抑矣！”柳夫人曰：“汝辈之言是也，以一大杯罚春云。”春云含笑而饮。

此时诸人皆饮罚杯，座中颇觉纷纭。兰阳公主彼困于酒，不堪其苦。而惟淑人，端坐座隅，不言不笑。丞相曰。“秦氏独醒，窃笺醉客之颠狂，亦不可不罚。满酌一杯而传之。”秦氏亦笑而饮。柳夫人问于公主曰：“公主素不饮酒，酒后之气如何？”答曰：“头疼正苦矣。”柳夫人使秦氏归寝房，仍使春云酌酒而来，把酒而盲曰：“吾之两妇，女中之圣也。吾每恐损福矣。少游酗酒使狂，至今公主不宁。太后娘娘若闻之，则必过虑矣。老身不能教诲，儿子有此妄举，老身亦不可谓无罪。吾以此杯自罚矣。”尽饮之。丞相惶恐跪告曰：“母亲因儿子狂悖有此自罚之教，儿子之罪，岂当答而止哉？”使惊鸿满酌一大碗而来，执台而跪曰：“少游不从母亲之教，令未免贻忧于母亲，谨饮罚酒矣。”尽吸，大醉不能定坐，而欲向凝番阁，以手指之。大夫人使春云扶而往之。春云曰：“贱妾不敢陪往矣。桂娘子、狄娘子妒小妾有宠矣。”仍嘱蟾月两娘、使之扶去。蟾月曰：“春娘因吾一言而不去，妾尤有嫌矣。”惊鸿笑而扶携丞相而去。诸人乃散。

丞相以烟波两人性爱山水，花园中有一亩芳塘、清如江湖。池中有彩闻名映娥楼，使凌波居之。池之南有假山。尖峰上玉，重壁积铁，老松阴密，瘦竹影疏。中有一亭，名曰冰雪轩，使袅烟居之。诸夫人及众娘子游花园之时，则两人为山中主人矣。诸人从容谓凌波曰：“娘子神通变化，可得一观乎？”凌波对曰。“此贱妾前身之事。妾乘天地之运，借造化之力，尽脱前身，幻受人形，所夺鳞甲，堆积如山，雀变而为蛤之后，岂有两翼可以翱翔乎？”诸夫人曰：“理固然矣。”袅烟虽时时剑舞于大夫人及丞相、两公主之前，以供一时之玩，而亦不肯频舞，曰：“当时虽借剑术以逢丞相，而杀伐之戏，元非当时所可见也。”

此后两夫人、六娘子相得之乐，如鱼川泳而乌云飞，相随相依，如簏如圯、丞相恩情彼此均一，此虽诸夫人圣德，能致一家之和，而盖当初九人在南岳时，其发愿如此故也。

一日两公主相议曰：“古之人，姐妹诸人婚嫁于一国之之内，或有为人妻者，或有为人妾者，而今吾二妻六妾，义逾骨肉，情同姐妹，其中或有从外国而来者，岂非天之所命乎？身姓之不同，位次之不齐，有不足拘也。当结为兄弟，以姐妹称之可也。”以此意言于六娘子，六娘子皆力辞。而春云、鸿月尤落落不应。郑夫人曰：“刘、关、张三人，君臣也，终不废兄弟之义。我与春娘，自是闺中管鲍之交也，为兄为弟何不可之有？世尊之妻，本家之女，尊卑绝矣，贞淫别矣。同为大释之弟子

，终得上乘之正果，厥初微贱，何关于毕境之成就？两公主遂与六娘子诣宫中所藏观音画像之前，焚香展拜，作誓文而告之。其文曰：

维年月日，弟子郑氏琼贝、箫和李氏，彩凤秦氏，春云贾氏、蟾月桂氏、惊鸿狄氏、袅烟沈氏、凌波白氏，越宿斋沐，谨告于南海大师之前。世之人或有以四海之人而为兄弟者，何则以其气味之合也？或有以天伦之亲，而为路人者，何则以其情志之乖也？弟子八人等，始虽各生于南北，散处于东西，而及长，同事一人，同居一室，气相合也，义相孚也。比之子物，一枝之花，为风雨所撼，或落于宫殿，或飘于闺阁，或坠于陌上、或飞于山中，或随溪流而达于江湖，然言其卒则同一根也。维其同根也，故花本无心之物，而其始也同开于枝，其终也同归于地。人之所同受者，亦一气而已，则气之散也，岂不同归于一处乎？古今辽阔而生并一时，四海广大而居同一室，此实前世之宿缘，人生之幸会。是以弟子等八人，同约同盟，结为兄弟。一吉一凶，一生一死，必欲乏相随，而不相离也。八人中苟有怀异心，而背失言者，则天必殛之，神必忌之。伏望大师降福消灾，以佑妾等，使百年之后，同归于极乐世界，幸甚，

两夫人以妹子呼之。此后六娘子，虽自守名分，不敢以兄弟称号，而恩爱愈密。八人皆各有子女，两夫人及春云、蟾月、袅烟、惊鸿，生男子。彩凤、凌波，皆生女。而未尝见产育之惨，此亦与凡人殊。

时天下异平，民安物阜，广堂之上，无一事可规画者。丞相出则陪天子游猎于上苑，入则奉大夫人，宴乐于北堂。任它光阴之流迈。嘈嘈急弦，催却春秋之代谢，丞相蹶沙堤，而执匀衡者，已累数十年。享万钟之富，尽三牲之养。泰极否至，天道之恒。兴尽悲来，人事之常也。柳夫人以天年终寿九十九矣。丞相哀毁逾礼，几乎灭性。两殿忧之，遣中使勉谕节哀，以王后之礼葬之。郑司徒夫妻亦得上毒而终。丞相悲悼之情，不下于郑夫人。丞相六男二女皆有父母标致，玉树芝兰，并耀于门栏。第一子名大卿，郑夫人出也，为吏部尚书。其次日次卿，狄氏出也，为京兆。次日舜卿，贾氏出也，为御史中承。次日李卿，兰阳公主出也，为兵部侍郎。次日五卿，桂氏出也，为翰林学士。次日致卿，沈氏出也，年十五，勇力绝伦，智略如神，上大爱之，为金吾上将军，将京营军十万，宿卫宫禁。长女名传丹，秦氏出也，为越王子琅琊王妃。次女名永乐，白氏出也，为皇太子妾，后封婕妤。杨丞相以一介书生，遇知己之主，值有为之时，武定祸乱，文致太平，功名富贵与郭汾阳齐名。而汾阳六十方为上将，少游-十出为火将，入为丞相，久居鼎位，协赞国政，过于汾阳二十四考。上得君心，下协人望，坐享丰亨豫大之乐，诚历千古绝百代而所未闻也。丞相自以盛满可戒，大名难居，乃上疏乞退。其疏曰：

臣某谨顿首百拜，上言于皇帝陛下。臣窃伏以人臣之落地面愿者，不过日将相也，日公侯也。官至将相公侯，则无余愿矣。父母之为子而祝者，不过日功名也，日富贵也。身致功名富贵，则无余望矣。然则将相公侯之荣，功名富贵之乐，岂非人心

之所艳慕，时俗之所倾夺者乎？人所同艳，而不知盛满之戒，时所共争，而未免灭顶之祸。此广受所以决勇退之志也。田窦所以遭倾覆之灾也。将相公侯虽可荣，而孰如知足乞骸之荣也？功名富贵虽可乐，而孰如垒身保象之乐哉？臣才湫能薄，而躐取高位，功残望蔑，而玷要路，贵已极于人臣，荣亦及于父母。臣之始愿，亦不敢万一于此人，岂以是而期臣哉？况猥以疏避，联结椒掖，视遇异于群臣，恩眷出于格外。以藜苳之肠肚，而饫绵裔之味，以蓬蒿之踪迹，而处沁水之园。上以貶圣主之辱，下而乖贱臣之分，臣岂敢自安于食息乎？早欲敛连避荣，杜门辞恩，以僭越滥冒之罪，自谢于无地神明。（中略）伏乞陛下，谅臣不堪任事，察臣不愿居尊，特许卷归松楸，以保残夸，俾免亢龙之悔。当歌咏圣德，感激洪私，以图结草之报矣。

上览其疏，乃以手书赐批曰：

卿勋业溢于钟鼎，德泽被于生是，学术足以资治，威望足以镇国。卿即国家之柱石，寡躬之股肱也。昔太公召公，齿几百岁，而尚辅周室，能致至理。今卿既非扎经所谓致仕之年，则卿虽谢事径退，朕不可许矣。况张壁疆本有仙骨，邳侯老犹不衰，松柏傲霜雪而犹劲，蒲柳值秋风而先零，此其性质之坚脆不同也。卿自有松柏之操，何忧蒲柳之衰乎？朕观卿风采犹新，不灭于玉堂草诏之日。精力尚旺，不让于谓桥讨贼之时。卿虽称老，朕固不信。须回箕山之高节，以赞唐虞之至治，是朕之望也。

丞相以前世佛门之高弟，且受蓝田山道人秘诀，多有修炼之功，故春秋虽高，睿颜不衰。时人皆以仙人拟之，是以诏书中及之。此后丞相又上疏求退。上引见曰：“卿辞一至于此，朕岂不能勉副以成卿五湖高节乎？但卿若就所封之国，非徒国家大事，无可与相议者。况今太后魄驭上宾，长秋已空，朕忍与英阳及兰阳相离也？城南四十里有离富，即翠微宫也，昔玄宗避暑之处也。此宫窈而深，僻而旷，可台昔年优游，故特赐卿使之居处矣。即下诏加封丞相魏国公爵太史，又加赏封五千户，姑收丞相印绶。

杨丞相登高望远

真上人返本還元

丞相尤感圣恩，叩头祇谢。举家即移接于翠微宫。此宫在终南山中，楼台之壮丽，景致之奇绝，即蓬莱仙境也。王维学士诗曰：“仙居未必能胜此，何事吹箫响碧空？”以此一句，可占其绝胜矣。丞相空其正殿，奉安诏旨及御制诗文。其余楼阁台榭，两公主诸娘子分居。丞相日与两夫人六娘子，临水弄月，入谷寻梅。过云壁，则赋诗而写之；坐松阴，则横琴而弹之。晚年清果之朴，令人起羨。

丞相就闭谢客亦已累年矣。仲秋既望，即丞相啐日，诸子女设宴献寿，至十余日，繁华景色，不可言也。宴罢，诸子女各归其家。

俄而菊秋佳节已迫矣。菊花绽萼，菜荚垂实，正当登高之时也。翠微宫西畔有高台。是日，与两夫人六娘子登其上头，一插一枝黄菊，以赏秋景，相对畅饮，已而返照倒射于昆明，云影低垂于广野。秋色灿烂，如展沾画。丞相手把玉箫，自吹一曲，其声呜呜咽咽，如怨如诉，如泣如思，若荆卿渡易水，与高渐离击筑相和，伯王在帐中，与虞美人唱歌怨别。诸夫人悲思盈襟，惨憺不乐。两夫人问曰：“丞相早成功名，久享富贵，一世所美，近古所罕。当此佳辰，风景正美，菊英泛觞，玉人满坐，此亦人生之乐事。而箫声甚哀，使人堪涕。今日之箫声，非旧日之闻，何也？”丞相乃投玉箫，徒倚栏头，举手指明月而言曰：“北望则平郊四广，颓岭独立夕照，残影明灭于荒草之间者，即始皇阿房富也。西望则悲风悄林、暮云幕山者，汉武帝茂陵也。东望则粉墙缭绕于青山，朱甍隐映于碧空，且有明月自来自去，玉栏干头，更无人倚者，即玄宗皇帝与太真同游之华清宫也。噫！此三君皆千古英雄，以四海为户庭，以亿兆为臣妾，雄豪意气，轩轾宇宙，直欲挽三光而阅千岁矣。而今妥在哉？少游以河东一布衣，恩承圣主，位致将相，且与诸娘子相遇，厚意深情，至老益密，非前生未了之缘，必不及、于是也。男女以缘而会，缘尽而散，乃天理之常也。吾辈一归之后，高台自颓，曲池且湮，今日歌殿舞榭，便作衰草寒烟，必有樵童牧儿，悲歌精叹，往来而相谓曰：“此乃杨丞相与诸娘子所游之处。大丞相富贵风流，诸娘子玉容花态，已瘞寞矣！”人生到此，则岂不如一瞬之顷乎？天下有三道：曰儒道，曰仙道，曰佛道。三遭之中，唯佛最高。儒道成垒，明伦纪，责事业，留名于身后而已。仙遭近诞，自古隶之著甚多，而终无所验，秦皇汉武及玄宗皇帝可鉴也。吾自致仕来此，每夜着睡，则梦中必参弹于蒲团之上，此必与佛家有缘也。我将效张子房，从赤松子，弃家求道，越南海，寻观音，上义台，礼文殊。殊得不生不灭之道，欲超尘世之苦海。但与君辈半生相从，而未几将作远别，故怒怆之心，必自发于箫之中也。”

诸娘子前身，皆南岳仙女，且尘缘将尽于此时也。及闻丞相之言，自有感动之心，各言曰：“相公繁华之中，乃是有心，岂非天之所启乎？妾等姊妹八人，当共处深由，朝夕礼佛，以待相公之还。而相公夸行，必值明师而遇良朋，得闻大道矣！伏望得道之后，必先教妾等。”丞相大喜曰：“吾九人之心既相台矣，尚何事之可虑乎？我当以明日作行矣。”诸娘子曰：“妾等当各奉一杯，以饯丞相矣，方命侍女洗盏更酌，投筴之声忽出于栏外石迳。诸人皆曰：“何许人敢来于是处乎？”而已有一衲胡僧至前，庞肩尺长，碧跟波明，形貌动静甚异矣。上高台，与丞相对坐曰：“山野之人，谒于大丞相矣。”丞相已知非俗僧，忙起答礼曰：“师父来从何处乎？”胡僧笑曰：“丞相不解平生故人乎？曾闻贵人善忘，果是也。”丞相熟视之，似是旧面而犹不分明矣。忽大悟，顾诸夫人而言曰：“少游曾伐吐蕃时，梦参洞庭龙王之宴，归路暂上于南岳，见老和尚趺坐于法座，与众弟子等讲佛经矣。师父无乃梦中所见之和尚乎？”胡僧拍掌大笑曰：“是矣，是矣！然只记梦中之一见

，不记十年之同处，谁谓杨丞相聪明？”高声问曰：“性真，人间滋昧果如何耶？”性真叩头流涕曰：“性真已大觉矣！弟子无状，操心不正，自作之孽，谁怨谁咎？宜处缺陷之世界，永受轮回之咎殃。而师父唤起一夜之梦，能悟性真之心，师父大恩，虽阅读千万尘劫，而不可报也。”太师曰：“汝乘兴而去，乘兴而来，我有何于与之事乎？且汝曰：“弟子梦人间轮回大事。”且汝以梦与人世，分为二也。汝梦犹未觉也。庄周梦为蝴蝶，蝴蝶又变为庄周。庄周之梦为蝴蝶耶？蝴蝶之梦为庄周耶？终不能辨之！孰知何事之为梦，何事之为真耶？今汝以性真为汝身，以梦为汝身之梦，则亦以身与梦谓非一物也。性真少游，孰是梦也？孰非梦也？”性真曰：“弟子蒙暗不能辨梦非真也，真非梦也。望师父说跌，使弟子觉之。”大师曰：“我当说《金刚经》大法，以悟汝心，而当有暂来弟子，汝姑待之。”言未毕，守门道人入告曰：“昨日所来卫夫人座下仙女八人又到，请谒于大师矣。”大师命召之。八仙女诣大师之前，台掌叩头曰：“弟子等虽侍卫夫人左右，而实无所学，未制妄念，情欲乍动，重谴随至尘土，一梦无人唤醒。幸蒙师父慈悲，亲往挈来。而昨往卫夫人官中，摧谢前日之罪。旋辞夫人，永归佛门。伏乞师父快赦旧愆，特垂明教。”大师曰：“仙女之意虽美，佛法深远不可猝学，非大德量、大发愿，则道不能成矣。惟仙女自量而处之。

八仙女即退，涤满面之胭粉，脱遍身之绮罗，鞞取金剪刀，自剃绿云之发，复入告曰：“弟子等既已变形，誓不慢师父之教训矣。”大师曰：“善哉！善哉！汝等八人也至诚如此，宁不感动？”遂引上法座，讲说经文。其经有“白毫光谢世界，天花下如乱雨”等语，说法将毕，乃诵四句之偈。性真及八尼姑皆顿悟本性，大得寂灭之道，大师见性真戒行纯熟，乃会众弟子而言曰：“我本为传遭，远入中国。今既得传法之人，我今行矣。”以袈裟及一钵净瓶、锡杖、金刚经一卷给性真。”遂向西天而去。

此后，性真率莲华道场大众，大宣教化。仙与龙神，人与鬼物尊重。性真如六观大师，八尼皆师事。性真深得菩萨，大得毕境，皆归极乐世界，呜呼异哉！